

মানুষ সৃষ্টির উদ্দেশ্য ও পাথেয় প্রচলিত ধারণা ও সঠিক তথ্য

গবেষণা সিরিজ-১



প্রফেসর ডা. মো. মতিয়ার রহমান

FRCS (Glasgow)

চেয়ারম্যান

কুরআন রিসার্চ ফাউন্ডেশন

বিভাগীয় প্রধান (অব.), সার্জারি বিভাগ

ঢাকা ন্যাশনাল মেডিকেল কলেজ ও হাসপাতাল

ঢাকা, বাংলাদেশ।

প্রকাশক

কুরআন রিসার্চ ফাউন্ডেশন

ইনসাফ বারাকাহ কিডনী এন্ড জেনারেল হাসপাতাল কমপ্লেক্স (৮ম তলা)

১১, শহীদ তাজউদ্দীন আহমদ সরণি

মগবাজার, রমনা, ঢাকা।

ফোন : ০২-২২২২২১১৫০/০২-৪৮৩১৬৭৪৯

E-mail : qrfbd2012@gmail.com

www.qrfbd.org

For Online Order : www.shop.qrfbd.org

যোগাযোগ

QRF Admin- 01944411560, 01755309907

QRF Dawah- 01979464717

Publication- 01972212045

QRF ICT- 01944411559

QRF Sales- 01944411551, 01977301511

QRF Cultural- 0197301504

প্রকাশকাল

প্রথম প্রকাশ : আগস্ট ১৯৯৭

দ্বাদশ সংস্করণ : এপ্রিল ২০২১

সর্বোচ্চ খুচরা মূল্য : ৮০ টাকা

মুদ্রণ ও বাঁধাই

ক্রিয়েটিভ ডট

৩১/১ পুরানা পল্টন, শরীফ কমপ্লেক্স (৭ম তলা), ঢাকা- ১০০০

মোবাইল : ০১৮১১ ১২০২৯৩, ০১৭০১ ৩০৫৬১৫

ই-মেইল : creativedot8@gmail.com

সূচিপত্র

ক্রম	বিষয়	পৃষ্ঠা
১	সারসংক্ষেপ	৫
২	চিকিৎসক হয়েও এ বিষয়ে কলম ধরার কারণ	৬
৩	পুস্তিকার তথ্যের উৎসসমূহ	১০
৪	আব্লাহ প্রদত্ত তিনটি উৎস ব্যবহার করে নির্ভুল জ্ঞানার্জন ও ব্যবস্থা গ্রহণের প্রবাহচিত্র/নীতিমালা	২৩
৫	মূল বিষয়	২৫
৬	মানুষ সৃষ্টির উদ্দেশ্য জানার গুরুত্ব	২৬
৭	মানুষ সৃষ্টির উদ্দেশ্য সম্বন্ধে প্রচলিত ধারণাসমূহ	৩১
৮	মানুষ সৃষ্টির উদ্দেশ্য ও পাথেয় সহজে জানা-বোঝার জন্য মানব-জীবনের কাজের শ্রেণিবিভাগ	৩৩
৯	মানুষ সৃষ্টির প্রকৃত উদ্দেশ্য ও পাথেয়	৩৪
	মানুষ সৃষ্টির উদ্দেশ্য ও পাথেয় সম্পর্কে Common sense	৩৪
	মানুষ সৃষ্টির উদ্দেশ্য ও পাথেয় সম্পর্কে ইসলামের প্রাথমিক রায়	৪০
	‘মানুষ সৃষ্টির উদ্দেশ্য ও পাথেয়’ বিষয়ে কুরআনে থাকা তথ্য খুঁজে পাওয়ার পূর্বশর্ত	৪০
	মানুষ সৃষ্টির উদ্দেশ্য ও পাথেয় সম্পর্কে আল কুরআন	৪২
	মানুষ সৃষ্টির উদ্দেশ্য ও পাথেয় সম্পর্কে ইসলামের চূড়ান্ত রায়	৬২
	মানুষ সৃষ্টির উদ্দেশ্য ও পাথেয় সম্পর্কে ইসলামের চূড়ান্ত রায় সমর্থনকারী হাদীস	৬৩
১০	আকল/Common sense-এর মাধ্যমে জানা ন্যায়-অন্যায় কাজগুলোর তালিকা নির্ভুল ও পরিপূর্ণ কি না তা নিশ্চিত হওয়ার উপায়	৭৩
১১	পাথেয়ের মধ্যে যেগুলো অধিক গুরুত্বপূর্ণ	৭৫
১২	মানুষ সৃষ্টির উদ্দেশ্য সাধনের জন্য কুরআনের জ্ঞানার্জনের গুরুত্ব	৭৭
১৩	শেষ কথা	৭৮

أَفَلَا يَتَذَكَّرُونَ الْقُرْآنَ أَمْ عَلَى قُلُوبٍ أَقْفَالُهَا

তারা কি কুরআন নিয়ে চিন্তা গবেষণা করে না,
নাকি তাদের মনে তালা লেগে গেছে?

সূরা মুহাম্মাদ/৪৭ : ২৪



মুসলিম উম্মাহর বর্তমান অধঃপতনের
মূল কারণ ও প্রতিকার জানতে
কুরআন রিসার্চ ফাউন্ডেশন প্রকাশিত
গবেষণা সিরিজের বইগুলো পড়ুন
এবং অন্যকে পড়তে উৎসাহিত করুন

بِسْمِ اللَّهِ الرَّحْمَنِ الرَّحِيمِ

সারসংক্ষেপ

কোনো কিছু ব্যবহার করে কল্যাণ পেতে বা সফল হতে হলে সেটা সৃষ্টি, তৈরি বা প্রণয়নের উদ্দেশ্য ও পাথেয় সম্পর্কে সঠিক জ্ঞান থাকা অপরিসীম গুরুত্বপূর্ণ একটি বিষয়। তাই, মানুষকে তার জীবন ব্যবহার করে দুনিয়ায় কল্যাণ পেতে ও পরকালে সফল হতে হলে কী উদ্দেশ্যে মহান আল্লাহ তাকে সৃষ্টি করেছেন এবং সে উদ্দেশ্য সাধনের পাথেয় কী তা সঠিকভাবে জানা আবশ্যিক। অত্যন্ত দুঃখের বিষয় মানুষ সৃষ্টির উদ্দেশ্য ও পাথেয় সম্পর্কে বর্তমান মুসলিমদের ধারণা কুরআন, সুন্নাহ (সনদ ও মতন সহীহ হাদীস) ও Common sense-এর প্রকৃত তথ্য থেকে বহু দূরে। এটি মুসলিমদের বর্তমান অধঃপতিত অবস্থার একটি মূল কারণ।

কুরআন, সুন্নাহ ও Common sense অনুযায়ী মানুষ সৃষ্টির উদ্দেশ্য হলো- কুরআনকে সকল জ্ঞানের নির্ভুল, পরিপূর্ণ উৎস ও মানদণ্ড মেনে নিয়ে জন্মগতভাবে জানা সকল ন্যায় কাজ বাস্তবায়ন ও অন্যায় কাজ প্রতিরোধের মাধ্যমে মানুষের কল্যাণ করা। মানব-জীবনের অন্য সকল কাজ মানুষ সৃষ্টির পাথেয়। অর্থাৎ মানুষ সৃষ্টির উদ্দেশ্য সাধনের জন্য বিভিন্ন দৃষ্টিকোণের সহায়ক বিষয়। পুস্তিকাটিতে কুরআন, সুন্নাহ ও Common sense-এর তথ্যের ভিত্তিতে মানুষ সৃষ্টির প্রকৃত উদ্দেশ্য ও পাথেয় তুলে ধরা হয়েছে। পুস্তিকাটি মুসলিম জাতি ও বিশ্বমানবতার ব্যাপক কল্যাণ বয়ে আনতে সক্ষম হবে, ইনশাআল্লাহ।

চিকিৎসক হয়েও এ বিষয়ে কলম ধরার কারণ

আসসালামু আলাইকুম ওয়া রহমাতুল্লাহ ।

শুদ্ধেয় পাঠকবৃন্দ!

আমি একজন চিকিৎসক (বিশেষজ্ঞ সার্জন)। আপনাদের মনে প্রশ্ন জাগা স্বাভাবিক যে, চিকিৎসা বিজ্ঞানের বিষয় বাদ দিয়ে একজন চিকিৎসক কেন এ বিষয়ে কলম ধরলো? তাই এ বিষয়ে কেন কলম ধরেছি, সেটা প্রথমে আপনাদের জানানো দরকার বলে মনে করছি।

ছোটবেলা থেকেই ইসলামের প্রতি আমার গভীর আগ্রহ ছিল। তাই দেশ-বিদেশে যেখানেই গিয়েছি ইসলাম সম্বন্ধে সে দেশের মুসলিম ও অমুসলিমদের ধারণা গভীরভাবে উপলব্ধি করার চেষ্টা করেছি। ইংল্যান্ড থেকে ফিরে এসে আমার মনে হলো জীবিকা অর্জনের জন্য বড়ো বড়ো বই পড়ে MBBS ও FRCS ডিগ্রি নিয়েছি। এখন যদি কুরআন মাজীদ অর্থসহ বুঝে না পড়ে আল্লাহর কাছে চলে যাই, আর আল্লাহ যদি জিজ্ঞাসা করেন ইংরেজি ভাষায় রচিত বড়ো বড়ো বই পড়ে বড়ো চিকিৎসক হয়েছিলে কিন্তু তোমার জীবন পরিচালনার পদ্ধতি জানিয়ে আরবীতে আমি যে কিতাবটি (কুরআন মাজীদ) পাঠিয়েছিলাম সেটি কি অর্থসহ বুঝে পড়েছিলে? তখন এ প্রশ্নের আমি কী জবাব দেবো।

এ উপলব্ধি আসার পর আমি কুরআন মাজীদ অর্থ ও ব্যাখ্যাসহ বুঝে পড়তে আরম্ভ করি। শিক্ষাজীবনের শুরুতে মাদ্রাসায় পড়ার কারণে আগে থেকে আরবী পড়তে ও লিখতে পারতাম। এরপর ইরাকে ৪ বছর রোগী ও সাধারণ মানুষের সাথে কথা বলতে বলতে আরবী বলা ও বোঝার সমস্যাটা অনেকাংশে দূর হয়ে যায়।

কুরআন মাজীদ পড়তে গিয়ে দেখি ইরাকে যেসব সাধারণ আরবী বলতাম তার অনেক শব্দই কুরআনে আছে এবং আমি তা বুঝতে পারি। তাই কুরআন মাজীদ পড়ে বেশ মজা পেয়ে যাই। পেশা নিয়ে সারাক্ষণ আমাকে ব্যস্ত

থাকতে হতো। কিন্তু এর মধ্যেও সময় করে দিনে এক বা একাধিক আয়াত বা যতটুকু পারা যায় বিস্তারিত তাফসীরসহ কুরআন মাজীদ পড়তে থাকি। সার্জারি বই যেমন গভীরভাবে বুঝে পড়েছি, কুরআনের প্রতিটি আয়াতও সেভাবে বুঝে পড়ার চেষ্টা করেছি। ব্যাখ্যার জন্য কয়েকটি তাফসীর পড়েছি। এভাবে সম্পূর্ণ কুরআন মাজীদ শেষ করতে আমার প্রায় তিন বছর সময় লাগে।

সম্পূর্ণ কুরআন মাজীদ পড়ে তথা ইসলামের সকল মৌলিক ও একটি অমৌলিক (তাহাজ্জুদ সালাত) বিষয় প্রত্যক্ষভাবে জানার পর আমি ভীষণ অবাক হয়ে গেলাম এজন্যে যে, ইসলাম সম্বন্ধে কুরআনের বক্তব্য আর বর্তমান মুসলিমদের ধারণার মধ্যে ব্যাপক পার্থক্য বিদ্যমান (ইসলামের অন্য অমৌলিক বিষয়ের কথা রসূল স.-কে অনুসরণ করতে বলার মাধ্যমে পরোক্ষভাবে কুরআনে উল্লেখ করা হয়েছে)। এ ব্যাপক পার্থক্যই আমার মধ্যে এ ব্যাপারে কলম ধরার দায়িত্ববোধ জাগিয়ে দেয়। সর্বোপরি, কুরআনের নিম্নোক্ত আয়াত আমাকে কলম ধরতে বাধ্য করলো—

إِنَّ الَّذِينَ يَكْتُمُونَ مَا آتَاكَ اللَّهُ مِنَ الْكِتَابِ وَيَشْتُرُونَ بِهِ ثَمَنًا قَلِيلًا ۗ أُولَٰئِكَ مَا يَأْكُلُونَ فِي بُطُونِهِمْ إِلَّا النَّارَ وَلَا يُكَلِّمُهُمُ اللَّهُ يَوْمَ الْقِيَامَةِ وَلَا يُزَكِّيهِمْ ۗ وَلَهُمْ عَذَابٌ أَلِيمٌ

অনুবাদ : নিশ্চয় আল্লাহ কিতাবে যা নাযিল করেছেন, যারা তা গোপন করে এবং বিনিময়ে সামান্য কিছু ক্রয় করে (লাভ করে) তারা তাদের পেট আগুন ভিন্ন অন্য কিছু দিয়ে ভরে না, আল্লাহ কিয়ামতের দিন তাদের সঙ্গে কথা বলবেন না এবং তাদের পবিত্রও করবেন না (তাদের ছোটোখাটো গুনাহও মাফ করবেন না), আর তাদের জন্য রয়েছে কঠিন শাস্তি।

(সুরা আল বাকারা/২ : ১৭৪)

ব্যাখ্যা : কোনো জিনিসের বিনিময়ে কিছু ক্রয় করার অর্থ হলো ঐ জিনিসের বিনিময়ে কিছু পাওয়া। ক্ষতি এড়ানোর অর্থও কিছু পাওয়া। ছোটো ক্ষতি এড়ানোর অর্থ অল্প কিছু পাওয়া। আর বড়ো ক্ষতি এড়ানোর অর্থ বড়ো কিছু পাওয়া। আবার ক্ষতি এড়ানো একটি ওজর (বাধ্যবাধকতা)। তাই আল্লাহ এখানে বলেছেন— তিনি কুরআনে যেসব বিধান নাযিল করেছেন, ছোটো ক্ষতি (ওজর) এড়ানোর জন্য যারা জানা সত্ত্বেও সেগুলো প্রচার করে না বা মানুষকে জানায় না, তারা যেন তাদের পেট আগুন দিয়ে পূর্ণ করলো। কিয়ামতের দিন আল্লাহ তাদের সঙ্গে কথা বলবেন না। ঐ দিন এটি তাদের জন্য সাংঘাতিক দুর্ভাগ্যের ব্যাপার হবে। আর তাদেরকে পবিত্র করা হবে না। অর্থাৎ তাদের ছোটোখাটো গুনাহও মাফ করা হবে না। কিয়ামতের দিন আল্লাহ মানুষের

ছোটোখাটো গুনাহ মাফ করে দেবেন। কিন্তু যারা কুরআনের আদেশ, নিষেধ ও তথ্য জানা সত্ত্বেও তা গোপন করবে তাদেরকে আল্লাহ ক্ষমা করবেন না। তাদের জন্য রয়েছে কঠিন শাস্তি।

তাই কুরআনের আদেশ, নিষেধ ও তথ্য জেনে তা মানুষকে না জানানোর জন্য কিয়ামতে যে কঠিন অবস্থা হবে তা থেকে বাঁচার জন্য আমি একজন চিকিৎসক হয়েও এ বিষয়ে কলম ধরেছি।

লেখার সিদ্ধান্ত নেওয়ার পর কুরআনের বক্তব্যগুলোকে কীভাবে উপস্থাপন করা যায়, এটা নিয়ে দ্বিধা-দ্বন্দ্ব পড়ে গেলাম। এমতাবস্থায় এ আয়াতটি আমার মনে পড়লো—

كُتِبَ عَلَيْكُمُ أَنْ تُقْرَأُوا كِتَابَ اللَّهِ تِلْكَ آيَاتُ اللَّهِ تُبَيِّنُ لِلنَّاسِ مَا كَانُوا يَكْفُرُونَ

অনুবাদ : এটি একটি কিতাব যা তোমার প্রতি অবতীর্ণ করা হলো, সুতরাং এর মাধ্যমে সতর্কীকরণের ব্যাপারে তোমার মনে যেন কোনো সংকোচ (দ্বিধা-দ্বন্দ্ব, ভয়-ভীতি ইত্যাদি) না থাকে এবং মুমিনদের জন্য এটা উপদেশ।

(সূরা আ'রাফ/৭ : ২)

ব্যাখ্যা : কুরআনের বক্তব্য দিয়ে মানুষকে সতর্ক করতে গিয়ে সাধারণ মানুষের মনে দু'টি অবস্থার সৃষ্টি হতে পারে—

১. সঠিক অর্থ বা ব্যাখ্যা না বোঝার কারণে কুরআনের বক্তব্যের যথার্থতার ব্যাপারে মনে সন্দেহ বা দ্বিধা দেখা দিতে পারে। এ অবস্থা অপেক্ষাকৃত কম।
২. বক্তব্য বিষয়টি যদি সমাজের প্রচলিত ধারণার সঙ্গে সামঞ্জস্যপূর্ণ না হয় বা বিপরীত হয়, তবে প্রতিরোধ বা বিরোধিতার সম্মুখীন হওয়া অথবা বেতন-ভাতা, দান-খয়রাত বা নজর-নিয়াজ বন্ধ হয়ে যাওয়ার ভয় হতে পারে। বর্তমান সমাজে এ অবস্থাটি খুবই বিরাজমান।

এ দুই অবস্থা, বিশেষ করে দ্বিতীয়টিকে এড়ানোর (Overcome) জন্য সাধারণ প্রবণতা হচ্ছে কুরআনের যে বক্তব্যগুলো সমাজের প্রচলিত ধারণার বিপরীত, সেগুলোকে লুকিয়ে ফেলা বা না বলা অথবা তার বক্তব্যকে এমনভাবে ঘুরিয়ে বলা যাতে বিরোধিতা কম আসে বা সবার জন্য তা গ্রহণযোগ্য হয়। এটি বর্তমান বিশ্বের মুসলিমদের দুরবস্থার একটি প্রধান কারণ। কুরআন দিয়ে মানুষকে সতর্ক করার ব্যাপারে এই ভীষণ ক্ষতিকর কর্মপদ্ধতি দু'টি সমূলে উৎপাতন করার জন্য আল্লাহ এই আয়াতে রসূল (স.)-এর মাধ্যমে মুসলিমদের বলেছেন— মানুষকে সতর্ক করার সময় দ্বিধা-দ্বন্দ্ব, ভয়-ভীতি ইত্যাদির মধ্যে পড়ে তোমরা কখনোই কুরআনের বক্তব্যকে লুকিয়ে ফেলবে না বা বলা বন্ধ করবে না অথবা ঘুরিয়ে বলবে না।

কুরআনের অন্য জায়গায় (সুরা আন-নিসা/৪ : ৮০) মহান আল্লাহ রসূল (স.)-কে বলেছেন- পৃথিবীর সকল মানুষ কখনোই কোনো একটি বিষয়ে একমত হবে না। তাই, তুমি কুরআনের বক্তব্য না লুকিয়ে বা না ঘুরিয়ে মানুষের কাছে উপস্থাপন করবে। যারা তা গ্রহণ করবে না, তাদের তা গ্রহণ করতে বাধ্য করার জন্য পুলিশের ভূমিকা পালন করা তোমার দায়িত্ব নয়। কুরআনের এসব বক্তব্য জানার পর আমি সিদ্ধান্ত নেই আমার কথা বা লেখায় কুরআনের বক্তব্য না লুকিয়ে বা না ঘুরিয়ে সরাসরি উপস্থাপন করবো।

আল কুরআন পড়া শেষ করেই আমি লিখতে চেয়েছিলাম। কিন্তু হাদীস না পড়ে কলম ধরতে মন চাইলো না। তাই আবার হাদীস পড়তে আরম্ভ করি। হাদীস, বিশেষ করে মিশকাত শরীফ (কুতুবে সিভার অধিকাংশ হাদীসসহ আরও অনেক হাদীস ধারণকারী গ্রন্থ) বিস্তারিত পড়ার পর ইসলামের বিভিন্ন বিষয়ের ওপর আমি লেখা আরম্ভ করি। আর বই লেখা আরম্ভ করি ১০.০৪.১৯৯৬ তারিখে।

এই পুস্তিকা বাস্তবে রূপ দান করার ব্যাপারে অনেকেই, বিশেষ করে কুরআন রিসার্চ ফাউন্ডেশনের কর্মকর্তা ও কর্মচারীবৃন্দ নানাভাবে আমাকে সহযোগিতা করেছেন। আল্লাহর কাছে কায়মনোবাক্যে দোয়া করি তিনি যেন এ কাজকে তাদের নাজাতের অছিলা বানিয়ে দেন।

নবী-রসূল (আ.) ছাড়া পৃথিবীতে আর কেউ ভুল-ভ্রান্তির উর্ধ্বে নয়। তাই আমারও ভুল হতে পারে। শ্রদ্ধেয় পাঠকবৃন্দের কাছে অনুরোধ- আমার লেখায় যদি কোনো ভুল-ত্রুটি ধরা পড়ে, আমাকে জানালে কৃতজ্ঞ থাকবো এবং পরবর্তী সংস্করণে তা সংশোধন করা হবে ইনশাআল্লাহ।

আল্লাহ যেন আমার এ সামান্য খেদমতকে কবুল করেন এবং এটিকে পরকালে নাজাতের অছিলা বানিয়ে দেন- এ প্রার্থনা করে এবং আপনাদের দোয়া চেয়ে শেষ করছি। আল্লাহ হাফেজ!

ম. রহমান

পুস্তিকার তথ্যের উৎসসমূহ

আল্লাহ প্রদত্ত জ্ঞানের উৎস হলো তিনটি- কুরআন, সুন্নাহ (সনদ ও মতন সহীহ হাদীস) এবং Common sense। কুরআন হলো আল্লাহ প্রদত্ত মূল প্রমাণিত জ্ঞান। সুন্নাহ হলো আল্লাহ প্রদত্ত প্রমাণিত জ্ঞান। তবে এটি মূল জ্ঞান নয়, বরং কুরআনের ব্যাখ্যা। আর Common sense হলো আল্লাহ প্রদত্ত সাধারণ বা অপ্রমাণিত জ্ঞান। কোনো বিষয়ে সিদ্ধান্তে পৌঁছাতে এ তিনটি উৎসের যথাযথ ব্যবহার অত্যন্ত গুরুত্বপূর্ণ। পুস্তিকাটির জন্য এই তিনটি উৎস থেকে তথ্য নেওয়া হয়েছে। তাই চলুন প্রথমে উৎস তিনটি সম্বন্ধে গুরুত্বপূর্ণ কিছু কথা জেনে নেওয়া যাক।

ক. আল কুরআন (মালিকের মূল বা ব্যাখ্যামূলক বক্তব্য)

কোনো কিছু পরিচালনার বিষয়সমূহের নির্ভুল উৎস হলো সেটি, যা তার সৃষ্টিকারক বা প্রস্তুতকারক লিখে দিয়েছেন। লক্ষ করে থাকবেন, আজকাল ইঞ্জিনিয়াররা কোনো জটিল যন্ত্র বানিয়ে বাজারে ছাড়লে তার সঙ্গে ঐ যন্ত্রটা পরিচালনার বিষয় সম্বলিত একটা বই বা ম্যানুয়াল পাঠান। ঐ ম্যানুয়ালে থাকে যন্ত্রটা চালানোর সকল মূল বা মৌলিক বিষয়। ইঞ্জিনিয়াররা ঐ কাজটা এ জন্য করেন যে, ভোক্তারা যেন ঐ যন্ত্রটা চালানোর মূল বিষয়ে কোনো ভুল করে চরম দুর্ভোগে না পড়ে। এই জ্ঞানটি ইঞ্জিনিয়াররা মূলত পেয়েছেন মহান আল্লাহর পক্ষ থেকে। তিনিই মানুষ সৃষ্টি করে দুনিয়ায় পাঠানোর সময় তাদের জীবন পরিচালনার বিষয়াবলি সম্বলিত ম্যানুয়াল (আসমানী কিতাব) সঙ্গে পাঠিয়ে এ ব্যাপারে প্রথম দৃষ্টান্ত স্থাপন করেছেন। ঐ আসমানী কিতাবে আছে তাদের জীবন পরিচালনার সকল মৌলিক বিষয়। এটা আল্লাহ তা'য়ালার এজন্য করেছেন যে, মানুষ যেন তাদের জীবন পরিচালনার মৌলিক বিষয়গুলোতে কোনো প্রকার ভুল করে দুনিয়া ও আখিরাতে চরম দুর্ভোগে না পড়ে। আল্লাহর ঐ কিতাবের সর্বশেষ সংস্করণ হচ্ছে আল কুরআন। তাই, আল কুরআনে মানব জীবনের সকল মৌলিক ও একটি অমৌলিক (তাহাজ্জুদ সালাত) বিষয় প্রত্যক্ষভাবে (সরাসরি) উল্লিখিত আছে। তাহাজ্জুদ সালাত রসূল (স.)-এর জন্য নফল তথা অতিরিক্ত ফরজ ছিল। ইসলামের অন্য সকল অমৌলিক বিষয়ের কথা রসূল (স.)-কে অনুসরণ করতে বলা কথার মাধ্যমে পরোক্ষভাবে কুরআনে উল্লেখ করা হয়েছে।

মহান আল্লাহর এটা নির্দ্বারণ করা ছিল যে, তিনি মুহাম্মদ (স.)-এর পরে আর কোনো নবী-রসূল দুনিয়ায় পাঠাবেন না। তাই, তাঁর মাধ্যমে পাঠানো আল কুরআনের তথ্যগুলো যাতে রসূল (স.) দুনিয়া থেকে চলে যাওয়ার পরও সময়ের বিবর্তনে মানুষ ভুলে না যায় বা তাতে কোনো কমবেশি না হয়ে যায়, সেজন্য কুরআনের আয়াতগুলো নাযিল হওয়ার সঙ্গে সঙ্গে লিখে ও মুখস্থের মাধ্যমে সংরক্ষণ করে রাখার ব্যবস্থা তিনি রসূল (স.)-এর মাধ্যমে করেছেন। তাই শুধু আজ নয়, হাজার হাজার বছর পরেও যদি মানুষ তাদের জীবন পরিচালনার সকল মৌলিক বিষয় নির্ভুলভাবে জানতে চায়, তবে কুরআন মাজীদ বুঝে পড়লেই তা জানতে পারবে।

যেসব বিষয়ে কুরআনে একাধিক আয়াত আছে সেসব বিষয়ে সিদ্ধান্তে আসার নিয়ম হলো— সবক’টি আয়াত পাশাপাশি রেখে পর্যালোচনা করে চূড়ান্ত (Final) সিদ্ধান্তে আসা। কারণ, পারিপার্শ্বিক অবস্থা বিবেচনা করে কোনো বিষয়ের একটা দিক এক আয়াতে এবং আরেকটা দিক অন্য আয়াতে উল্লেখ করা হয়েছে। অথবা একটি আয়াতে বিষয়টি সংক্ষিপ্তভাবে এবং অন্য আয়াতে তা বিস্তারিতভাবে আলোচনা করা হয়েছে। এ জন্যই কুরআন নিজে^১ এবং জগদ্বিখ্যাত বিভিন্ন মুসলিম মনীষী বলেছেন— ‘কুরআন তাফসীরের সর্বোত্তম পন্থা হচ্ছে— কুরআনের তাফসীর কুরআন দিয়ে করা।’^২

তবে এ পর্যালোচনার সময় বিশেষভাবে খেয়াল রাখতে হবে একটি আয়াতের তরজমা বা ব্যাখ্যা যেন অন্য আয়াতের তরজমা বা ব্যাখ্যার সঙ্গে সঙ্গতিশীল হয়, বিরোধী না হয়। কারণ, সুরা নিসার ৮২ নম্বর আয়াতের মাধ্যমে মহান আল্লাহ পরিষ্কারভাবে জানিয়ে দিয়েছেন— কুরআনে পরস্পর বিরোধী কোনো কথা নেই। বর্তমান পুস্তিকার আলোচ্য বিষয়টির ব্যাপারে কুরআনে বিভিন্ন তথ্য আছে। আল কুরআনের সেই তথ্যগুলোকে পুস্তিকার তথ্যের মূল উৎস হিসেবে গ্রহণ করা হয়েছে।

খ. সুন্নাহ/সনদ ও মতন সহীহ হাদীস (মাশিকের নিয়োগকৃত কুরআনের ব্যাখ্যাকারীর বক্তব্য)

সুন্নাহ হলো কুরআনের বক্তব্যের বাস্তব রূপ বা ব্যাখ্যা। আর এ ব্যাখ্যা করেছেন আল্লাহর নিয়োগপ্রাপ্ত কুরআনের ব্যাখ্যাকারী রসূল মুহাম্মাদ (স.) তাঁর কথা, কাজ ও সমর্থনের মাধ্যমে। রসূল (স.) নবুওয়াতী দায়িত্ব পালন

১. সুরা আয-যুমার/৩৯ : ২৩, সুরা হুদ/১১ : ১, সুরা ফুসসিলাত/৪১ : ৩

২. ড. হুসাইন আয-যাহাভী, আত-তাফসীর ওয়াল মুফাসসিরুন, (আল-মাকতাবাতুশ শামিলাহ), খ. ৪, পৃ. ৪৬

করার সময় আল্লাহ তা'য়ালার অনুমতি ছাড়া কোনো কথা, কাজ বা অনুমোদন দিতেন না। তাই সুন্নাহও প্রমাণিত জ্ঞান। কুরআন দিয়ে যদি কোনো বিষয়ে সুস্পষ্ট সিদ্ধান্তে না আসা যায়, তবে সুন্নাহর সাহায্য নিতে হবে। ব্যাখ্যা মূল বক্তব্যের সম্পূরক বা অতিরিক্ত হয়, কখনও বিরোধী হয় না। তাই সুন্নাহ কুরআনের সম্পূরক বা অতিরিক্ত হবে, কখনও কুরআনের বিরোধী হবে না। এ কথাটি আল্লাহ তা'য়লা জানিয়ে দিয়েছেন এভাবে—

وَلَوْ تَقَوَّلَ عَلَيْنَا بَعْضَ الْأَقَاوِيلِ لَأَخَذْنَا مِنْهُ بِالْيَمِينِ ثُمَّ لَقَطَعْنَا مِنْهُ الْوَتِينَ^ط
فَمَا مِنْكُمْ مِّنْ أَحَدٍ عَنْهُ حَاجِزِينَ.

অনুবাদ : আর সে যদি আমার বিষয়ে কোনো কথা বানিয়ে বলতো। অবশ্যই আমরা তাকে ডান হাতে (শক্ত করে) ধরে ফেলতাম। অতঃপর অবশ্যই আমরা তার জীবন-ধমনী কেটে দিতাম। অতঃপর তোমাদের মধ্যে কেউই নেই যে তা থেকে আমাকে বিরত রাখতে পারতে।

(সূরা আল-হাক্বাহ/৬৯ : ৪৪-৪৭)

একটি বিষয়কে ব্যাখ্যা করতে গিয়ে ব্যাখ্যাকারীকে কোনো কোনো সময় এমন কথা বলতে হয় যা মূল বিষয়ের অতিরিক্ত। তবে কখনও তা মূল বিষয়ের বিরোধী হবে না। তাই কুরআনের বিষয়গুলো ব্যাখ্যা করতে গিয়ে রসূল (স.) এমন কিছু বিষয় বলেছেন, করেছেন বা অনুমোদন দিয়েছেন যা কুরআনে নেই। এগুলো হচ্ছে ইসলামী জীবন বিধানের অমৌলিক বা আনুষঙ্গিক বিষয়।

হাদীস থেকেও কোনো বিষয়ে সিদ্ধান্তে পৌছতে হলে ঐ বিষয়ের সকল হাদীস পাশাপাশি রেখে পর্যালোচনা করে চূড়ান্ত সিদ্ধান্তে পৌছতে হবে। আর এ পর্যালোচনার সময় খেয়াল রাখতে হবে শক্তিশালী হাদীস বিপরীত বক্তব্য সম্বলিত দুর্বল হাদীস রহিত (Cancel) করে দেয়। হাদীসকে পুস্তিকার তথ্যের দ্বিতীয় প্রধান উৎস হিসেবে ধরা হয়েছে।

গ. Common sense/আকল/বিবেক (মালিকের নিয়োগকৃত দারোয়ানের বক্তব্য)

কুরআন ও সুন্নাহ আল্লাহ প্রদত্ত জ্ঞানের উৎস তথ্যটি প্রায় সকল মুসলিম জানে ও মানে। কিন্তু Common sense যে আল্লাহ প্রদত্ত জ্ঞানের একটি উৎস এ তথ্যটি বর্তমান মুসলিম উম্মাহ একেবারে হারিয়ে ফেলেছে। Common sense-এর সংজ্ঞা, গুরুত্ব, উৎকর্ষিত ও অবদমিত হওয়ার পদ্ধতি, ব্যবহার না করার গুনাহ, পূর্ববর্তী ও পরবর্তীদের Common sense-এর মধ্যে পার্থক্য ইত্যাদি নিয়ে বিস্তারিত আলোচনা আছে 'Common sense এর গুরুত্ব কতটুকু এবং কেন' (গবেষণা সিরিজ-৬) নামক পুস্তিকাটিতে।

বিষয়টি পৃথিবীর সকল মানুষ বিশেষ করে মুসলিমদের গভীরভাবে জানা দরকার। তবে Common sense-এর সংজ্ঞা, গুরুত্ব ইত্যাদি সম্পর্কিত কিছু তথ্য যুক্তি, কুরআন ও হাদীসের আলোকে নিম্নে তুলে ধরা হলো—

যুক্তি

মানব শরীরের ভেতরে উপকারী (সঠিক) জিনিস প্রবেশ করতে দেওয়া এবং ক্ষতিকর জিনিস (রোগ-জীবাণু) অনুপ্রবেশ প্রতিরোধ করার জন্য রোগ প্রতিরোধ ব্যবস্থা (Immunological System) নামের এক মহাকল্যাণকর ব্যবস্থা (দারোয়ান) সকল মানুষকে আল্লাহ তা'য়ালা জন্মগতভাবে দিয়েছেন। এ দারোয়ান কোন জিনিসটি শরীরের জন্য ক্ষতিকর এবং কোনটি ক্ষতিকর নয় তা বুঝতে পারে। যে জিনিসটি ক্ষতিকর নয় সেটিকে সে শরীরে প্রবেশ করতে দেয়। আর যেটি ক্ষতিকর সেটিকে শরীরে প্রবেশ করতে দেয় না বা প্রবেশ করলে তা ধবংস করে ফেলে। এটি না থাকলে মানুষকে সর্বক্ষণ রোগী হয়ে হাসপাতালের বিছানায় থাকতে হতো। এ দারোয়ানকে আল্লাহ তা'য়ালা দিয়েছেন রোগ মুক্ত রেখে মানব জীবনকে শান্তিময় করার লক্ষ্যে।

মানব জীবনকে শান্তিময় করার জন্য জ্ঞানের মধ্যে সঠিক তথ্য প্রবেশ করতে দেওয়া এবং ভুল তথ্য প্রবেশে বাধা দেওয়ার জন্য একটি ব্যবস্থা তথা দারোয়ান থাকাও খুব দরকার। কারণ, তা না থাকলে মানুষের জ্ঞানের মধ্যে সহজে ভুল তথ্য প্রবেশ করবে এবং মানুষের জীবন অশান্তিময় হবে।

মহান আল্লাহ মানব জীবনকে শান্তিময় করার লক্ষ্যে শরীরের ভেতরে দারোয়ানের মতো কাজ করার জন্য মহাকল্যাণকর এক ব্যবস্থা সকল মানুষকে জন্মগতভাবে দিয়েছেন। তাই, যুক্তির আলোকে সহজে বলা যায়— জ্ঞানের মধ্যে সঠিক তথ্য প্রবেশ করতে দেওয়া এবং ভুল তথ্য প্রবেশ করতে বাধা দেওয়ার লক্ষ্যে দারোয়ানের মতো কাজ করার জন্য জন্মগতভাবে একটি ব্যবস্থা (উৎস) সকল মানুষকে আল্লাহ তা'য়ালার দেওয়ার কথা। কারণ তা না হলে মানব জীবন শান্তিময় হবে না।

মানুষকে জন্মগতভাবে আল্লাহর দেওয়া সেই মহাকল্যাণকর দারোয়ান হলো বোধশক্তি/Common sense/حُكْمٌ/বিবেক বা আল্লাহ প্রদত্ত সাধারণ জ্ঞান। অমুসলিম ঘরে জন্মগ্রহণ করা যে সকল ব্যক্তি কোনোভাবে ইসলাম সম্পর্কে জানতে পারেনি, Common sense-এর জ্ঞানের আলোকে পরকালে তাদের বিচার করা হবে।

আল কুরআন (মালিকের মূল বা ব্যাখ্যামূলক বক্তব্য)

তথ্য-১

وَعَلَّمَ آدَمَ الْأَسْمَاءَ كُلَّهَا ثُمَّ عَرَضَهُمْ عَلَى الْمَلَائِكَةِ فَقَالَ أَنْبِئُونِي بِأَسْمَاءِ هَؤُلَاءِ إِنْ كُنْتُمْ صَادِقِينَ.

অনুবাদ : অতঃপর তিনি আদমকে ‘সকল ইসম’ শেখালেন, তারপর সেগুলো ফেরেশতাদের কাছে উপস্থাপন করলেন, অতঃপর বললেন- তোমরা আমাকে এ ইসমগুলো সম্পর্কে বলো, যদি সত্যবাদী হয়ে থাকো।

(সূরা আল বাকারা/২ : ৩১)

ব্যাখ্যা : আয়াতটি থেকে জানা যায়- আল্লাহ তা‘য়ালা আদম (আ.) তথা মানবজাতিকে রুহের জগতে ক্লাস নিয়ে ‘সকল ইসম’ শিখিয়েছিলেন। অতঃপর ফেরেশতাদের ক্লাসে সেগুলো সম্পর্কে তাদের জিজ্ঞাসা করেছিলেন।

প্রশ্ন হলো- আল্লাহ তা‘য়ালা রুহের জগতে ক্লাস নিয়ে মানুষকে ‘সকল ইসম’ শেখানোর মাধ্যমে কী শিখিয়েছিলেন? যদি ধরা হয়- সকল কিছুর নাম শিখিয়েছিলেন, তাহলে প্রশ্ন আসে- মহান আল্লাহর শাহী দরবারে ক্লাস নিয়ে মানব জাতিকে বেগুন, কচু, আলু, টমেটো, গরু, গাধা, ছাগল, ভেড়া, রহিম, করিম ইত্যাদি নাম শেখানো আল্লাহর মর্যাদার সাথে মানায় কি না এবং তাতে মানুষের কী লাভ?

প্রকৃত বিষয় হলো- আরবী ভাষায় ‘ইসম’ বলতে নাম (Noun) ও গুণ (Adjective/সিফাত) উভয়টিকে বোঝায়। তাই, মহান আল্লাহ শাহী দরবারে ক্লাস নিয়ে আদম তথা মানব জাতিকে নামবাচক ইসম নয়, সকল গুণবাচক ইসম শিখেয়েছিলেন। ঐ গুণবাচক ইসমগুলো হলো- সত্য বলা ভালো, মিথ্যা বলা পাপ, মানুষের উপকার করা ভালো, চুরি করা অপরাধ, ঘুষ খাওয়া পাপ, মানুষকে কথা বা কাজে কষ্ট দেওয়া অন্যায়, দান করা ভালো, ওজনে কম দেওয়া অপরাধ ইত্যাদি।^৩ পর্যালোচনা করলে দেখা যায়- এগুলো হলো মানবজীবনের ন্যায়-অন্যায়, সাধারণ নৈতিকতা বা মানবাধিকারমূলক বিষয়। অন্যদিকে এগুলো হলো সে বিষয় যা মানুষ Common sense দিয়ে বুঝতে পারে। আর আল্লাহ তা‘য়ালা এর পূর্বে সকল মানব রুহের কাছ থেকে সরাসরি তাঁর একত্ববাদের স্বীকারোক্তি নিয়েছিলেন।

৩. বিস্তারিত : মুহাম্মাদ সাইয়েদ তানতুভী, আত-তাকসীরুল ওয়াসীত, পৃ. ৫৬; আছ-ছালাবী, আল-জাওয়াহিরুল হাসসান ফী তাকসীরিল কুরআন, খ. ১, পৃ. ১৮

তাই, আয়াতটির শিক্ষা হলো- আল্লাহ তা'য়ালার রূহের জগতে ক্লাস নিয়ে মানুষকে বেশ কিছু জ্ঞান শিখিয়ে দিয়েছেন তথা জ্ঞানের একটি উৎস দিয়েছেন। জ্ঞানের ঐ উৎসটি হলো- عِلْمٌ, বোধশক্তি, Common sense বা আল্লাহ প্রদত্ত সাধারণ জ্ঞান।^৪

তথ্য-২

عَلَّمَ الْإِنْسَانَ مَا لَمْ يَعْلَمُ .

অনুবাদ : (কুরআনের মাধ্যমে) শিক্ষা দিয়েছেন মানুষকে এমন বিষয় যা সে পূর্বে জানেনি/জানতো না। (সূরা আল-আলাক/৯৬ : ৫)

ব্যাখ্যা : আয়াতটি হলো কুরআনের প্রথম নাযিল হওয়া পাঁচটি আয়াতের শেষটি। এখানে বলা হয়েছে- কুরআনের মাধ্যমে মানুষকে এমন জ্ঞান শেখানো হয়েছে যা মানুষ আগে জানেনি বা জানতো না। সুন্নাহ হলো আল্লাহর নিয়োগকৃত ব্যক্তি কর্তৃক করা কুরআনের ব্যাখ্যা। তাই, আয়াতটির আলোকে বলা যায়- আল্লাহ তা'য়ালার কর্তৃক কুরআন ও সুন্নাহর বাইরে অন্য একটি জ্ঞানের উৎস মানুষকে পূর্বে তথা জন্মগতভাবে দেওয়া আছে। কুরআন ও সুন্নাহ এমন কিছু জ্ঞান সন্নিবেশিত করা হয়েছে যা মানুষকে ঐ উৎসটির মাধ্যমে দেওয়া বা জানানো হয়নি। তবে কুরআন ও সুন্নাহ ঐ উৎসের জ্ঞানগুলোও কোনো না কোনোভাবে আছে।^৫

জ্ঞানের ঐ উৎসটি কী তা এ আয়াত থেকে সরাসরি জানা যায় না। তবে ১ নম্বর তথ্য থেকে আমরা জেনেছি যে, রূহের জগতে ক্লাস নিয়ে আল্লাহ মানুষকে বেশকিছু জ্ঞান শিখিয়েছেন। তাই ধারণা করা যায় ঐ জ্ঞান বা জ্ঞানের উৎসটিই জন্মগতভাবে মানুষকে দিয়ে দেওয়া হয়েছে। আর ৩ নম্বর তথ্যের মাধ্যমে এ কথাটি মহান আল্লাহ সরাসরি জানিয়ে দিয়েছেন।

৪. عِلْمٌ শব্দের ব্যাখ্যায় আল্লামা তানতাজী রহ. বলেন- আদম আ.-কে এমন জ্ঞান শিক্ষা দেওয়া হয়েছিলো যা একজন শ্রবণকারীর ব্রেইনে উপস্থিত থাকে, আর তা তার জন্য অবশ্য প্রয়োজনীয়। (মুহা. সাইয়েদ তানতাজী, আত-তাফসীরুল ওয়াসীত, পৃ. ৫৬)

এর ব্যাখ্যায় মুফাসসিরদের একদল বলেছেন- আদম আ.-এর কলবে সেই জ্ঞান নিষ্ক্ষেপ করা হয়েছিল। (আন-নিশাপুরী, আল-ওয়াজীজ ফী তাফসীরিল বিতাবিল আজীজ, পৃ. ১০; জালালুদ্দীন মহল্লী ও জালালুদ্দীন সুয়ুতী, তাফসীরে জালালাইন, খ. ১, পৃ. ৩৮)

৫. عِلْمٌ مَا لَمْ يَعْلَمُ এই আয়াতাংশের ব্যাখ্যায় আব্দুল্লাহ ইবনে আব্বাস রা. বলেন- এটি ঐ জ্ঞান যা আদম আ.-কে মহান আল্লাহ শিখিয়েছিলেন; যা সে পূর্বে জানতো না। (তানবীরুল মাকাবিস মিন তাফসীরি ইবন আব্বাস, খ. ২, পৃ. ১৪৮; কুরতুবী, আল-জামিউল লি আহকামিল কুর'আন, খ. ২০, পৃ. ১১৩)

তথ্য-৩

وَنَفْسٍ وَمَا سَوَّاهَا ۖ فَأَلْهَمَهَا فُجُورَهَا وَتَقْوَاهَا ۗ قَدْ أَفْلَحَ مَنْ زَكَّاهَا ۖ وَقَدْ خَابَ مَنْ دَسَّاهَا .

অনুবাদ : আর শপথ মানুষের মনের এবং সেই সত্তার যিনি তাকে (মন) সঠিক গঠনে সৃষ্টি করেছেন। অতঃপর তাকে (মনকে) ‘ইলহাম’ করেছেন তার অন্যায় (ভুল) ও ন্যায় (সঠিক) (পার্থক্য করার শক্তি)। যে তাকে (ঐ শক্তিকে) উৎকর্ষিত করলো সে সফলকাম হলো। আর যে তাকে অবদমিত করলো সে ব্যর্থ হলো।

(সূরা আশ্-শামস/৯১ : ৭-১০)

ব্যাখ্যা : ৮ নম্বর আয়াতটির মাধ্যমে জানা যায়- মহান আল্লাহ জন্মগতভাবে ‘ইলহাম’ তথা অতিপ্রাকৃতিক এক ব্যবস্থার মাধ্যমে প্রত্যেক মানুষের মনে সঠিক ও ভুল পার্থক্য করার একটি শক্তি দিয়েছেন। এ বক্তব্যকে উপরোল্লিখিত ১ নম্বর তথ্যের আয়াতের বক্তব্যের সাথে মিলিয়ে বলা যায় যে, রুহের জগতে ক্লাস নিয়ে মহান আল্লাহ মানুষকে যে জ্ঞান শিখিয়েছিলেন বা জ্ঞানের যে উৎসটি দিয়েছিলেন তা ‘ইলহাম’ নামক এক পদ্ধতির মাধ্যমে মানুষের মনে জন্মগতভাবে দিয়ে দিয়েছেন। মানুষের জন্মগতভাবে পাওয়া ঐ জ্ঞানের শক্তিটিই হলো Common sense/আকল/বিবেক/বোধশক্তি বা আল্লাহ প্রদত্ত সাধারণ জ্ঞান।^৬

৯ ও ১০ নম্বর আয়াত থেকে জানা যায় যে, জন্মগতভাবে পাওয়া জ্ঞানের শক্তি Common sense উৎকর্ষিত ও অবদমিত হতে পারে। তাই, Common sense প্রমাণিত জ্ঞান নয়। এটি অপ্রমাণিত তথা সাধারণ জ্ঞান।

সম্মিলিত শিক্ষা : উল্লিখিত আয়াতসহ আরও অনেক আয়াতের মাধ্যমে নিশ্চিতভাবে জানা যায় যে- আল্লাহ তা‘আলা মানুষকে জন্মগতভাবে জ্ঞানের একটি অপ্রমাণিত বা সাধারণ উৎস দিয়েছেন। জ্ঞানের ঐ উৎসটিই হলো- Common sense/আকল/বিবেক/বোধশক্তি বা আল্লাহ প্রদত্ত সাধারণ জ্ঞান।

তথ্য-৪

إِنَّ شَرَّ الدَّوَابِّ عِنْدَ اللَّهِ الضُّمُّ الْبُكْمُ الَّذِينَ لَا يُعْقِلُونَ .

৬. যা দিয়ে সে ভালো-মন্দ বুঝতে পারে। (বিস্তারিত : শানকীতী, আন-নুকাহ ওয়াল উয়ূন, খ. ৯, পৃ. ১৮৯)

অনুবাদ : নিশ্চয় আল্লাহর কাছে নিকৃষ্টতম জীব হচ্ছে সেই সব বধির, বোবা যারা Common sense-কে (যথাযথভাবে) কাজে লাগায় না।

(সূরা আল আনফাল/৮ : ২২)

ব্যাখ্যা : Common sense-কে যথাযথভাবে কাজে না লাগানো ব্যক্তিকে নিকৃষ্টতম জীব বলার কারণ হলো- এ ধরনের ব্যক্তি অসংখ্য মানুষ বা একটি জাতিকে ধ্বংসের দিকে ঠেলে দিতে পারে। অন্য কোনো জীব তা পারে না।^৭

তথ্য-৫

... .. وَيَجْعَلُ الرَّجْسَ عَلَى الَّذِينَ لَا يَعْقِلُونَ.

অনুবাদ : আর যারা Common sense-কে কাজে লাগায় না তাদের ওপর তিনি ভুল চাপিয়ে দেন।

(সূরা ইউনুস/১০ : ১০০)

ব্যাখ্যা : আয়াতটির মাধ্যমে জানিয়ে দেওয়া হয়েছে- মানুষ যদি কুরআন ও সুন্নাহর সাথে Common sense-কে আল্লাহর জানিয়ে দেওয়া প্রোগ্রাম বা নীতিমালা অনুযায়ী ব্যবহার না করে তবে ভুল জ্ঞান অর্জিত হবে।

তথ্য-৬

وَقَالُوا لَوْ كُنَّا نَسْمَعُ أَوْ نَعْقِلُ مَا كُنَّا فِي أَصْحَابِ السَّعِيرِ .

অনুবাদ : তারা আরও বলবে- যদি আমরা (সতর্ককারীদের কথা তথা আল্লাহর কিতাব ও নবীদের বক্তব্য) শুনতাম অথবা Common sense-কে ব্যবহার করতাম তাহলে আজ আমাদের জাহান্নামের বাসিন্দা হতে হতো না।

(সূরা আল মূলক/৬৭ : ১০)

ব্যাখ্যা : আয়াতটিতে শেষ বিচার দিনে জাহান্নামের অধিবাসীরা অনুশোচনা করে যেসব কথা বলবে তা উল্লেখ করা হয়েছে। তারা বলবে- যদি তারা কুরআন ও সুন্নাহর বক্তব্য শুনতো অথবা ইসলাম জানার জন্য Common sense-কে যথাযথভাবে ব্যবহার করতো, তবে তাদের জাহান্নামের বাসিন্দা হতে হতো না। আয়াতটি থেকে তাই বোঝা যায়, জাহান্নামে যাওয়ার অন্যতম একটি কারণ হবে Common sense-কে যথাযথভাবে ব্যবহার না করা।

সম্মিলিত শিক্ষা : পূর্বের আয়াত তিনটির আলোকে নিশ্চিতভাবে বলা যায়- Common sense আল্লাহর দেওয়া অপরিসীম গুরুত্বপূর্ণ একটি জ্ঞানের উৎস।

৭. আলুসী, রুহুল মাআনী, খ. ৭, পৃ. ৫০।

সুন্নাহ/সনদ ও মতন সহীহ হাদীস (মালিকের নিয়োগকৃত কুরআনের ব্যাখ্যাকারীর বক্তব্য)

হাদীস-১

... أَخْرَجَ الْإِمَامُ مُسْلِمٌ رَحِمَهُ اللَّهُ تَعَالَى فِي صَحِيحِهِ حَدَّثَنَا حَاجِبُ بْنُ الْوَلِيدِ ...
... عَنْ أَبِي هُرَيْرَةَ رَضِيَ اللَّهُ عَنْهُ قَالَ قَالَ رَسُولُ اللَّهِ ﷺ : مَا مِنْ
مَوْلُودٍ إِلَّا يُولَدُ عَلَى الْفِطْرَةِ ، فَأَبَوَاهُ يُهَوِّدَانِهِ أَوْ يُنَصِّرَانِهِ أَوْ يُمَجِّسَانِهِ ، كَمَا تُنْتَجِعُ
الْبَهِيمَةَ بِبَهِيمَةٍ جَمْعَاءَ ، هَلْ تُحْشُونَ فِيهَا مِنْ جَدْعَاءَ .

অনুবাদ : ইমাম মুসলিম (রহ.) আবু হুরায়রা (রা)-এর বর্ণনা সনদের ৫ম ব্যক্তি হাযিব ইবনুল ওয়ালিদ থেকে শুনে তাঁর সহীহ গ্রন্থে লিখেছেন- আবু হুরায়রা (রা) হতে বর্ণিত, তিনি বলেন, রসূলুল্লাহ (স.) বলেছেন- এমন কোনো শিশু নেই যে মানব প্রকৃতির (ফিতরাত) ওপর জন্মগ্রহণ করে না। অতঃপর তার মা-বাবাই তাকে ইহুদী বা খ্রিষ্টান বা অগ্নিপূজারী রূপে গড়ে তোলে; যেমন- চতুষ্পদ পশু নিখুঁত বাচ্চা জন্ম দেয়। তোমরা কি তাদের মধ্যে কোনো কানকাটা দেখতে পাও? (বরং মানুষেরাই তার নাক, কান কেটে দিয়ে বা ছিদ্র করে তাকে বিকৃত করে থাকে)।

◆ মুসলিম, আস-সহীহ (বৈরুত : দারুল যাইল, তা.বি.), হাদীস নং- ৬৯২৬।

◆ হাদীসটির সনদ ও মতন সহীহ।

ব্যাখ্যা : হাদীসটির 'প্রতিটি শিশুই মানব প্রকৃতির (ফিতরাত) ওপর জন্মগ্রহণ করে' কথাটির ব্যাখ্যা হলো- সকল মানব শিশুই সৃষ্টিগতভাবে সঠিক জ্ঞানের শক্তি নিয়ে জন্মগ্রহণ করে। এ বক্তব্য থেকে তাই জানা যায়- সকল মানব শিশু সঠিক Common sense, আকল, বিবেক, বোধশক্তি বা আল্লাহ প্রদত্ত সাধারণ জ্ঞান নিয়ে জন্মগ্রহণ করে।

আর হাদীসটির 'অতঃপর তার মা-বাবাই তাকে ইহুদী বা খ্রিষ্টান বা অগ্নিপূজারী রূপে গড়ে তোলে' অংশের ব্যাখ্যা হলো, মা-বাবা তথা পরিবেশ ও শিক্ষা মানব শিশুকে ইহুদী, খ্রিষ্টান, অগ্নিপূজারী বানিয়ে দেয়। তাহলে হাদীসটির এ অংশ থেকে জানা যায়- Common sense পরিবেশ, শিক্ষা ইত্যাদি দিয়ে পরিবর্তিত হয়। তাই, Common sense সাধারণ বা অপ্রমাণিত জ্ঞান; প্রমাণিত জ্ঞান নয়।

হাদীস-২

رُوِيَ فِي مُسْنَدِ أَحْمَدَ حَدَّثَنَا عَبْدُ اللَّهِ قَالَ سَمِعْتُ الْخَشَنِيَّ يَقُولُ قُلْتُ يَا رَسُولَ اللَّهِ أَخْبِرْنِي بِمَا يَحِلُّ لِي وَيُحَرِّمُ عَلَيَّ. قَالَ فَصَعَدَ النَّبِيُّ صَلَّى اللَّهُ عَلَيْهِ وَسَلَّمَ وَصَوَّبَ فِي التَّنْظَرِ فَقَالَ الْبِدُّ مَا سَكَنَتْ إِلَيْهِ النَّفْسُ وَاطْمَأَنَّ إِلَيْهِ الْقَلْبُ وَالْإِثْمُ مَا لَمْ تَسْكُنْ إِلَيْهِ النَّفْسُ وَلَمْ يَطْمَئِنَّ إِلَيْهِ الْقَلْبُ وَإِنْ أَفْتَاكَ الْمُفْتُونَ. وَقَالَ لَا تَقْرَبْ لَحْمَ الْجَمَارِ الْأَهْلِيَّ وَلَا ذَا نَابٍ مِنَ السَّبَاعِ.

অনুবাদ : আবু সা'লাবা আল-খুশানী (রা.)-এর বর্ণনা সনদের ৬ষ্ঠ ব্যক্তি আবদুল্লাহ থেকে শুনে 'মুসনাদে আহমাদ' গ্রন্থে বর্ণনা করা হয়েছে- আবু সা'লাবা আল-খুশানী (রা.) বলেন, আমি বললাম, হে আল্লাহর রাসূল (স.)! আমার জন্য কী হালাল আর কী হারাম তা আমাকে জানিয়ে দিন। তখন রসূল (স.) একটু নড়েচড়ে বসলেন ও ভালো করে খেয়াল (চিন্তা-ভাবনা) করে বললেন- নেকী (বৈধ) হলো সেটি, যা করে তোমার মন তথা মনে থাকা আকল (নফস) প্রশান্ত হয় ও তোমার মন (ক্বলব) তৃপ্তি লাভ করে। আর পাপ (অবৈধ) হলো সেটি, যা করে তোমার নফস ও ক্বলব প্রশান্ত হয় না ও তৃপ্তি লাভ করে না। যদিও সে বিষয়ে ফাতওয়া প্রদানকারীরা তোমাকে ফাতওয়া দেয়। তিনি আরও বলেন- আর পোষা গাধার গোশত এবং বিষ দাঁতওয়ালা শিকারীর গোশতের নিকটবর্তী হয়ো না।

◆ আহমাদ, আল-মুসনাদ (মুয়াস্‌সাতু কর্দোভ), হাদীস নং ১৭৭৭

◆ হাদীসটির সনদ ও মতন সহীহ।

ব্যাখ্যা : নেকী তথা সঠিক কাজ করার পর মনে স্বস্তি ও প্রশান্তি এবং গুনাহ তথা ভুল কাজ করার পর সন্দেহ, সংশয়, খুঁতখুঁত ও অস্বস্তি সৃষ্টি হতে হলে মনকে আগে বুঝতে হবে কোনটি সঠিক ও কোনটি ভুল। তাই, হাদীসটি থেকে জানা যায়- মানুষের মনে একটি জ্ঞানের শক্তি আছে যে অন্যায় ও ন্যায় বুঝতে পারে। মনে থাকা জন্মগতভাবে পাওয়া সেই শক্তি হলো- Common sense/আকল/বিবেক/বোধশক্তি বা আল্লাহ প্রদত্ত সাধারণ জ্ঞান।

হাদীসটির 'যদিও সে ব্যাপারে মানুষ তোমাকে (ভিন্ন) ফাতওয়া দেয়' বক্তব্যের মাধ্যমে রসূল (স.) জানিয়ে দিয়েছেন, কোনো মানুষ যদি এমন কথা বলে যাতে মন তথা মনে থাকা Common sense সায় দেয় না, তবে বিনা যাচাইয়ে তা মেনে নেওয়া যাবে না। সে ব্যক্তি যত বড়ো মুফাসসির, মুহাদ্দিস, মুফতি, প্রফেসর, চিকিৎসক বা ইঞ্জিনিয়ার হোক না কেন। তাই হাদীসটির এ অংশ থেকে জানা যায়- Common sense অতীত গুরুত্বপূর্ণ এক জ্ঞানের শক্তি/উৎস।

হাদীস-৩

أَخْرَجَ الْإِمَامُ أَحْمَدُ بْنُ حَنْبَلٍ رَحِمَهُ اللَّهُ تَعَالَى فِي مُسْنَدِهِ حَدَّثَنَا رَوْحٌ ...
... عَنْ أَبِي أُمَامَةَ، أَنَّ رَجُلًا سَأَلَ رَسُولَ اللَّهِ ﷺ: مَا الْإِيمَانُ؟ قَالَ: إِذَا
سَرَرْتِكَ حَسَنَتُكَ، وَسَاءَتُكَ سَيِّئَتُكَ فَأَنْتَ مُؤْمِنٌ. قَالَ: يَا رَسُولَ اللَّهِ، فَمَا
الْإِيمَانُ؟ قَالَ: إِذَا حَاكَ فِي نَفْسِكَ شَيْءٌ فَدَعَهُ.

অনুবাদ : ইমাম আহমাদ (রহ.) আবু উমামা (রা.)-এর বর্ণনা সনদের ৬ষ্ঠ ব্যক্তি রাওহ (রহ.) থেকে শুনে তাঁর ‘মুসনাদ’ গ্রন্থে লিখেছেন- আবু উমামা (রা.) বলেন, এক ব্যক্তি রসূল (স.)-কে জিজ্ঞেস করল, ঈমান কী? রসূল (স.) বললেন- যখন সৎকাজ তোমাকে আনন্দ দেবে ও অসৎ কাজ পীড়া দেবে, তখন তুমি মু’মিন। সে পুনরায় জিজ্ঞেস করল, হে রসূল! গুনাহ (অন্যায়) কী? রসূলুল্লাহ (স.) বলেন- যে বিষয় তোমার মনে (আকলে) সন্দেহ-সংশয় ও অস্বস্তি সৃষ্টি করে (সেটি গুনাহ), তাই তা ছেড়ে দেবে।

◆ আহমাদ, আল-মুসনাদ, হাদীস নম্বর- ২২২২০।

◆ হাদীসটির সনদ এবং মতন সহীহ।

ব্যাখ্যা : এ হাদীসটির ‘যে বিষয় তোমার মনে সন্দেহ-সংশয় ও অস্বস্তি সৃষ্টি করে (সেটি গুনাহ), তাই তা ছেড়ে দেবে’ অংশ থেকে জানা যায়- মানুষের মনে একটি জ্ঞানের শক্তি আছে, যা অন্যায় ও ন্যায় বুঝতে পারে। মানব মনে থাকা জন্মগতভাবে পাওয়া সেই শক্তি হলো- Common sense, আকল, বিবেক, বোধশক্তি বা আল্লাহ প্রদত্ত সাধারণ জ্ঞান।

হাদীসটির ‘যখন সৎকাজ তোমাকে আনন্দ দেবে ও অসৎ কাজ পীড়া দেবে, তখন তুমি মু’মিন’ অংশ থেকে জানা যায়- মু’মিনের একটি সংজ্ঞা হলো- সৎকাজ করার পর মনে আনন্দ পাওয়া। আর অসৎ কাজ করার পর মনে কষ্ট পাওয়া। সৎকাজ করার পর মনে আনন্দ পায় আর অসৎ কাজ করার পর মনে কষ্ট পায় সেই ব্যক্তি যার Common sense জাহত আছে। তাই, এ হাদীস অনুযায়ী বোঝা যায় যে- Common sense অপরিসীম গুরুত্বপূর্ণ এক জ্ঞানের শক্তি/উৎস।

সম্মিলিত শিক্ষা : হাদীস তিনটিসহ আরও হাদীস থেকে সহজে জানা যায়- Common sense/আকল/বিবেক বা বোধশক্তি সকল মানুষকে জন্মগতভাবে আল্লাহর দেওয়া জ্ঞানের একটি অপ্রমাণিত বা সাধারণ উৎস। তাই, Common sense-এর রায়কেও এই পুস্তিকার তথ্যের একটি উৎস হিসেবে নেওয়া হয়েছে।

বিজ্ঞান

মানব সভ্যতার বর্তমান স্তরে ‘বিজ্ঞান’ যে জ্ঞানের একটি উৎস এটা কেউ অস্বীকার করবে বলে আমার মনে হয় না। বিজ্ঞানের বিষয় আবিষ্কারের ব্যাপারে Common sense-এর বিরাট ভূমিকা আছে। উদাহরণস্বরূপ বিজ্ঞানী নিউটনের মাধ্যাকর্ষণ শক্তি আবিষ্কারের বিষয়টি উল্লেখ করা যায়। নিউটন একদিন আপেল গাছের নিচে বসে থাকা অবস্থায় দেখলেন একটি আপেল মাটিতে পড়লো। তিনি ভাবলেন আপেলটি ওপরের দিকে না গিয়ে নিচের দিকে আসলো কেন? নিশ্চয় কোনো শক্তি আপেলটিকে নিচের দিকে (পৃথিবীর কেন্দ্রের দিকে) টেনেছে। Common sense-এর এই তথ্যের ওপর ভিত্তি করে গবেষণার মাধ্যমে বিজ্ঞানী নিউটন মাধ্যাকর্ষণ শক্তি আবিষ্কার করেন। আর ঐ আবিষ্কারের প্রতিটি বাঁকে তাকে Common sense ব্যবহার করতে হয়েছে। অর্থাৎ বিজ্ঞানের তত্ত্ব বা তথ্য আবিষ্কারের ব্যাপারে Common sense-এর বিরাট ভূমিকা আছে। তাই বিজ্ঞান হলো Common sense-এর মাধ্যমে উদ্ভাবিত জ্ঞান বা জ্ঞানের উৎস।

বিজ্ঞানের অনেক তত্ত্ব বা তথ্য সময়ের আবর্তে পরিবর্তন হয়ে যায়। কারণ, মানুষের জ্ঞান সীমিত। আমার ৪০ বছরের চিকিৎসা জীবনে চিকিৎসা বিজ্ঞানের অনেক তথ্য সম্পূর্ণরূপে পরিবর্তিত হয়ে যেতে দেখেছি। তাই ইসলামী নীতি হলো Common sense-এর মতো বিজ্ঞানের কোনো তত্ত্ব বা তথ্যকে চূড়ান্তভাবে গ্রহণ বা বর্জন করার আগে কুরআন বা সুন্নাহর আলোকে অবশ্যই যাচাই করে নিতে হবে।

অন্যদিকে, বিজ্ঞানের কোনো তত্ত্ব বা তথ্য যদি নির্ভুল হয় তবে সেটি এবং ঐ বিষয়ের কুরআনের তথ্য একই হবে। এ কথাটি কুরআন জানিয়েছে এভাবে—

سُرِّيَهُمْ أَيُّنًا فِي الْأَفَاقِ وَفِي أَنْفُسِهِمْ حَتَّىٰ يَبَيِّنَ لَهُمُ اللَّهُ الْحَقُّ

অনুবাদ : শীঘ্র আমরা তাদেরকে (অতাত্মক্ষণিকভাবে) দিগন্তে এবং নিজেদের (শরীরের) মধ্যে থাকা আমাদের নিদর্শনাবলি (উদাহরণ) দেখাতে থাকবো, যতক্ষণ না তাদের কাছে সুস্পষ্ট হয়ে উঠবে যে তা (কুরআনের সকল বক্তব্য) সত্য!

(সুরা হা-মিম-আস-সাজদা/৪১ : ৫৩)

ব্যাখ্যা : দিগন্ত হলো খালি চোখ এবং অণুবীক্ষণ ও দূরবীক্ষণ যন্ত্রের মাধ্যমে মানুষের দৃষ্টিশক্তি যতদূর যায় ততদূর। আর আল্লাহ তা'য়ালার কর্তৃক অতাত্মক্ষণিকভাবে দেখানোর অর্থ— প্রকৃতিতে থাকা আল্লাহর প্রণয়ন করে রাখা বৈজ্ঞানিক বিষয় গবেষণার মাধ্যমে আবিষ্কার হওয়ার পর দেখা।

তাই, এ আয়াতে বলা হয়েছে— খালি চোখ ও দূরবীক্ষণ যন্ত্রের মাধ্যমে মানুষের দৃষ্টি শক্তি যতদূর যায় ততদূর এবং মানুষের শরীরের মধ্যে থাকা আল্লাহর তৈরি করে রাখা বিভিন্ন বিষয় তাঁর তৈরি প্রোছাম অনুযায়ী গবেষণার মাধ্যমে ধীরে ধীরে আবিষ্কার হতে থাকবে। এ আবিষ্কারের মাধ্যমে একদিন কুরআনে থাকা সকল ইন্দ্রিয়গ্রাহ্য বিষয় সত্য প্রমাণিত হবে। তাই, এ আয়াত অনুযায়ী কোনো বিষয়ে কুরআনের তথ্য এবং ঐ বিষয়ে বিজ্ঞানের প্রতিষ্ঠিত তথ্য একই হবে।

কিয়াস ও ইজমা

ইসলামে প্রজ্ঞাবান/বিচক্ষণ/হিকমাধারী/মনীষী বলতে কুরআন, সুন্নাহ, বিজ্ঞান, সাধারণ ও বৈজ্ঞানিক সত্য উদাহরণ এবং সাধারণ ও ঐতিহাসিক সত্য ঘটনা ও কাহিনির ভিত্তিতে উৎকর্ষিত হওয়া জ্ঞানগতভাবে পাওয়া জ্ঞানের উৎস Common sense (আকল/বিবেক) ধারণকারী ব্যক্তিকে বোঝায়।

আর কিয়াস হলো— কুরআন ও সুন্নাহর পরোক্ষ, একাধিক/ব্যাপক অর্থবোধক অথবা কুরআন-সুন্নাহ সরাসরি নেই এমন বিষয়ে কুরআন সুন্নাহর অন্য তথ্যের আলোকে যেকোনো যুগের একজন প্রজ্ঞাবান/বিচক্ষণ/হিকমাধারী ব্যক্তির Common sense-এর উন্নত অনুধাবন ও ব্যাখ্যা-বিশ্লেষণ ক্ষমতার আলোকে পরিচালিত গবেষণার ফল।

আর কোনো বিষয়ে সকলের কিয়াসের ফল এক হলে বা কারও কিয়াসের ব্যাপারে সকলে একমত হলে তাকে 'ইজমা' (Concensus) বলে।

কারও গবেষণার ফল জ্ঞানের উৎস হতে পারে না। গবেষণার ফল হয় রেফারেন্স তথা তথ্যসূত্র। তাই সহজে বলা যায়— কিয়াস বা ইজমা জ্ঞানের উৎস হবে না। কিয়াস ও ইজমা হবে তথ্যসূত্র/রেফারেন্স।


ইজমা ইসলামী জীবন বিধানের একটি গুরুত্বপূর্ণ বিষয় হলেও মনে রাখতে হবে ইজমা অপরিবর্তনীয় নয়। কারণ, মানব সভ্যতার জ্ঞানের উন্নতির সঙ্গে সঙ্গে কুরআন ও সুন্নাহর ঐ সকল অস্পষ্ট বক্তব্য আরও স্পষ্ট হয়ে উঠবে। ফলে ঐ সব বিষয়ে কিয়াস ও ইজমার সিদ্ধান্ত পরিবর্তন হয়ে যেতে পারে। বিজ্ঞানের বিষয়ের মতো অন্য যেকোনো বিষয়েই তা হতে পারে।

এ পুস্তিকার আলোচ্য বিষয়ের ব্যাপারে কুরআন ও প্রকৃত সহীহ হাদীসে স্পষ্ট বক্তব্য আছে। তাই এখানে কিয়াস ও ইজমার সুযোগ নেই।


আল্লাহ প্রদত্ত তিনটি উৎস ব্যবহার করে নির্ভুল জ্ঞানার্জন ও ব্যবস্থা গ্রহণের প্রবাহচিত্র/নীতিমালা

যেকোনো বিষয়ে নির্ভুল জ্ঞানার্জন বা সিদ্ধান্তে পৌঁছানো এবং ব্যবস্থা গ্রহণের জন্য আল্লাহ প্রদত্ত উৎস কুরআন, সুন্নাহ ও Common sense ব্যবহারের প্রবাহচিত্রটি (Flow Chart) মহান আল্লাহ সারসংক্ষেপ আকারে জানিয়ে দিয়েছেন সুরা নিসার ৫৯ নম্বর এবং সুরা নূরের ১৫, ১৬ ও ১৭ নম্বর আয়াতসহ আরও কিছু আয়াতের মাধ্যমে। আর আয়েশা (রা.)-এর চরিত্র নিয়ে ছড়ানো প্রচারণাটির (ইফকের ঘটনা) ব্যাপারে নিজের অনুসরণ করা সিদ্ধান্তে পৌঁছানোর পদ্ধতির মাধ্যমে রসূল (স.) নীতিমালাটি বাস্তবে প্রয়োগ করে দেখিয়ে দিয়েছেন। নীতিমালাটি নিয়ে বিস্তারিত আলোচনা করা হয়েছে 'কুরআন, সুন্নাহ ও Common sense ব্যবহার করে নির্ভুল জ্ঞানার্জন ও ব্যবস্থা গ্রহণের প্রবাহচিত্র/নীতিমালা' নামক বইটিতে।

প্রবাহচিত্রটি (Flow Chart) এখানে উপস্থাপন করা হলো—



কুরআনের আরবী আয়াত কিয়ামত পর্যন্ত
অপরিবর্তিত থাকবে, কিন্তু কিছু কিছু অর্থ ও ব্যাখ্যা
যুগের জ্ঞানের আলোকে উন্নত হবে।



আল কুরআন
যুগের জ্ঞানের
আলোকে অনুবাদ
নিজে পড়ুন

সকলকে পড়তে
উৎসাহিত করুন



কুরআন রিসার্চ ফাউন্ডেশন

জাতি, ধর্ম, গোত্র, বর্ণ ও রাজনৈতিক পরিচয় নির্বিশেষে
সকল মানুষের প্রতিষ্ঠান

মূল বিষয়

কোনো কিছুর উদ্দেশ্য হলো— যে লক্ষ্য অর্জন করার জন্য সেটি সৃষ্টি, তৈরি বা প্রণয়ন করা হয়। আর পাথেয় হলো উদ্দেশ্যটি অর্জনের জন্য প্রয়োজনীয় বিষয় বা বিষয়সমূহ। যিনি সৃষ্টি করেন তিনিই সৃষ্টির উদ্দেশ্য ও পাথেয় সম্পর্কে সবচেয়ে ভালো জ্ঞান রাখেন। আর তাই, তিনি ঐ উদ্দেশ্য ও পাথেয় জানিয়েও দেন। মানুষ সৃষ্টিরও সুনির্দিষ্ট উদ্দেশ্য এবং পাথেয় আছে। স্বাভাবিকভাবে মানুষের সৃষ্টিকর্তা আল্লাহ সে উদ্দেশ্য ও পাথেয় সম্পর্কে সবচেয়ে ভালো জ্ঞান রাখেন এবং তিনি তা জানিয়েও দিয়েছেন। আল্লাহ প্রদত্ত উৎস কুরআন, সুন্নাহ (সনদ ও মতন সহীহ হাদীস) ও Common sense-এর আলোকে মানুষ সৃষ্টির প্রকৃত উদ্দেশ্য ও পাথেয় জানা বা বোঝাও সহজ। অত্যন্ত দুঃখের বিষয় মানুষ সৃষ্টির উদ্দেশ্য ও পাথেয় সম্বন্ধে বর্তমান বিশ্বের মুসলিমদের মধ্যে যে ধারণাসমূহ বিদ্যমান সেগুলো মানুষ সৃষ্টির প্রকৃত উদ্দেশ্য ও পাথেয়ের সাথে শতভাগ বা অনেকাংশে সংগতিপূর্ণ নয়। আর এটি তাদের বর্তমানের চরম অধঃপতিত অবস্থার একটি মূল কারণ। তাই, মানুষ সৃষ্টির পেছনে মহান আল্লাহর প্রকৃত উদ্দেশ্য ও পাথেয় কী তা জাতিকে জানানো এ প্রচেষ্টার উদ্দেশ্য। মানুষের ইহকালের সুখ, সমৃদ্ধি ও প্রগতি এবং পরকালের মুক্তির জন্য পুস্তিকাটি ব্যাপক সহায়ক হবে, ইনশাআল্লাহ।

মানুষ সৃষ্টির উদ্দেশ্য জানার গুরুত্ব

মানুষ সৃষ্টির উদ্দেশ্য জানার গুরুত্ব বিষয়টির দু'টি দিক রয়েছে—

ক. দুনিয়ার জীবনের দিক।

খ. পরকালীন জীবনের দিক।

ক. দুনিয়ার জীবনের দিক থেকে মানুষ সৃষ্টির উদ্দেশ্য জানার গুরুত্ব
দৃষ্টিকোণ-১

■ কল্যাণ পাওয়ার দৃষ্টিকোণ

কোনো কিছু ব্যবহার করে কল্যাণ পেতে হলে সেটি তার প্রস্তুতকারক যে উদ্দেশ্যে সৃষ্টি করেছেন, সে উদ্দেশ্য সাধনকে সামনে রেখে তা ব্যবহার করতে হয়।

একটা উদাহরণ দিলে ব্যাপারটা পরিষ্কার হবে। ধরা যাক— রেডিও। রেডিও থেকে কল্যাণ পেতে হলে সর্বপ্রথম জানতে হবে— রেডিওটা কী উদ্দেশ্যে তৈরি করা হয়েছে। তারপর সেই উদ্দেশ্যকে সামনে রেখে রেডিওটা ব্যবহার করতে হবে। রেডিও বানানোর উদ্দেশ্য হলো— মানুষ এর মাধ্যমে বিভিন্ন রেডিও সেন্টারের অনুষ্ঠান শুনবে এবং তা থেকে উপকৃত হবে। কেউ যদি রেডিওকে তার প্রস্তুতকারকের উদ্দেশ্য অনুযায়ী ব্যবহার না করে দেখার বস্তু হিসেবে ঘরের কোণে রেখে দেয়, তাহলে রেডিও দিয়ে তার কোনো কল্যাণ হবে না।

আল্লাহ্‌ও মানুষকে সৃষ্টি করেছেন একটা উদ্দেশ্য নিয়ে। তাই, মানুষ যদি তার জীবন ব্যবহার করে দুনিয়ায় কল্যাণ পেতে চায়, তবে তাকে অবশ্যই সৃষ্টিকর্তার সেই উদ্দেশ্যকে প্রথমে জানতে হবে। তারপর জীবনের প্রতিটি কর্মকাণ্ড পরিচালনা করতে হবে ঐ উদ্দেশ্য সাধনকে সামনে রেখে। এটি না হলে— মানুষের দুনিয়ার জীবন সুখী, সমৃদ্ধ ও প্রগতিশীল হবে না।

দৃষ্টিকোণ-২

■ ভুল ধরতে পারার দৃষ্টিকোণ

কোনো কিছু তৈরির উদ্দেশ্যটি জানা থাকলে কোন বিষয়টি সেটির ব্যাপারে ভুল বিষয় তা সহজেই ধরা যায়। সে ধরার উপায় হলো- যে বিষয় সেটির উদ্দেশ্য সাধনের পথে স্পষ্ট প্রতিবন্ধকতা সৃষ্টি করে তা ঐটার ব্যাপারে ভুল বিষয়।

উদাহরণ স্বরূপ একটি কলম ধরা যায়। কলম তৈরির উদ্দেশ্য হলো লেখা। যদি কেউ বলে- কলম ব্যবহারের একটি নিয়ম হলো লেখার সময় কলমের নিবিটি ওপরের দিকে ধরে রাখা, তবে যার কলম তৈরির উদ্দেশ্যটা জানা আছে সে সহজেই বলতে পারবে যে, এটি কলম ব্যবহারের বিষয়ে একটি ভুল কথা। কারণ নিবি ওপরের দিকে থাকলে কলম তৈরির উদ্দেশ্য তথা লেখার কাজটি সাধন হবে না। অন্যকথায় এটি কলম তৈরির উদ্দেশ্য সাধনের পথে বিরাট প্রতিবন্ধকতা সৃষ্টিকারী একটি কথা।

তাই, মানুষ সৃষ্টির উদ্দেশ্য জানা থাকলে, কোনটি মানুষের ব্যাপারে ভুল বিষয় তা সহজেই ধরে ফেলা যায়। সে ধরার উপায় হবে- যে বিষয় মানুষ সৃষ্টির উদ্দেশ্য সাধনের পথে স্পষ্ট প্রতিবন্ধকতা সৃষ্টি করে তা মানুষের জীবনের ব্যাপারে ভুল বিষয়। আর এর ফল-স্বরূপ ইসলামের সঠিক জ্ঞানার্জন এবং সে অনুযায়ী আমল করে মানুষের দুনিয়ার জীবন সুখী, সমৃদ্ধ ও প্রগতিশীল হবে।

দৃষ্টিকোণ-৩

প্রণীত হওয়া ব্যবহার বা পরিচালনার বিধি-বিধান বোঝা এবং নতুন বিধি-বিধান তৈরি করা সহজ হওয়ার দৃষ্টিকোণ

কোনো কিছু সৃষ্টি বা তৈরির উদ্দেশ্য (মাকসুদ) জানা থাকলে সেটি সম্পর্কিত ইতোমধ্যে প্রণীত হওয়া ব্যবহার বা পরিচালনার বিধি-বিধান বোঝা এবং প্রয়োজন হলে অতিরিক্ত ব্যবহার বা পরিচালনার বিধি-বিধান প্রণয়ন করা সহজ হয়।

উদাহরণ স্বরূপ একটি ছুরি ধরা যাক। ছুরি তৈরির উদ্দেশ্য হলো- কোনো কিছু কাটা। যার ছুরির এ উদ্দেশ্যটি জানা আছে সে 'কাটার সময় ছুরির ধারালো দিকটা নিচের দিকে রাখতে হবে'- ছুরি সম্পর্কিত ইতোমধ্যে প্রণীত হওয়া এ ব্যবহারবিধিটা সহজে বুঝতে পারবে। আর 'ছুরি ধরার জন্য একটি হাতল বানাতে হবে'- ছুরি সম্পর্কিত এ ব্যবহারবিধিটা ইতোমধ্যে প্রণীত না হলে ছুরির উদ্দেশ্য জানা থাকা ব্যক্তি এ বিধিটা সহজে বানাতে পারবে।

তাই, আল্লাহ কর্তৃক মানুষ সৃষ্টির উদ্দেশ্য (মাকসুদ) জানা থাকা ব্যক্তি কুরআন ও সুন্নাহ থাকা মানুষের জীবন পরিচালনার বিধি-বিধান সহজে বুঝতে পারবে এবং মনের প্রশান্তি নিয়ে তার ওপর আমল করতে পারবে। আর প্রয়োজন হলে কুরআন ও সুন্নাহ নেই এমন সঠিক বিধি-বিধান বানাতেও পারবে।

খ. পরকালীন জীবনের দিক থেকে মানুষ সৃষ্টির উদ্দেশ্য জানার গুরুত্ব

আল কুরআন

তথ্য-১

وَمَا خَلَقْنَا السَّمَاءَ وَالْأَرْضَ وَمَا بَيْنَهُمَا بَاطِلًا ۗ ذُكِّرْ لَكَ ظُنُّ الَّذِينَ كَفَرُوا فَوَيْلٌ
لِّلَّذِينَ كَفَرُوا مِنَ النَّارِ .

অনুবাদ : আমরা আকাশ, পৃথিবী এবং এ দুটির মধ্যবর্তী কোনো কিছুই বিনা উদ্দেশ্যে সৃষ্টি করিনি। এটি কাফির লোকদের ধারণা। সুতরাং যারা কুফরী করে তাদের জন্য রয়েছে জাহান্নামের দুর্ভোগ।

(সূরা সোয়াদ/৩৮ : ২৭)

ব্যাখ্যা : আয়াতটির মাধ্যমে যে তথ্যগুলো মহান আল্লাহ স্পষ্টভাবে জানিয়ে দিয়েছেন তা হলো—

১. মহাকাশ, পৃথিবী এবং এ দুয়ের মধ্যে থাকা সকল কিছু (মানুষ, পশু-পাখি, গাছ-পালা, নদী-নালা, কুরআন, সালাত, সিয়াম, হাজ্জ ইত্যাদি) সৃষ্টি বা প্রণয়ন করার পেছনে আল্লাহ তা'আলার একটি নির্দিষ্ট উদ্দেশ্য আছে।
২. যারা মনে করে, ঐ সবার কোনো একটিও মহান আল্লাহ বিনা উদ্দেশ্যে সৃষ্টি বা প্রণয়ন করেছেন এবং ফলস্বরূপ তা এমনভাবে ব্যবহার বা পালন করে যে আল্লাহর নির্ধারণ করা উদ্দেশ্যটি সাধন হচ্ছে না, তারা কাফির।
৩. পরকালে ঐ কাফিরদের ঠিকানা হবে জাহান্নাম।

এ আয়াতের ভিত্তিতে সহজে বলা যায়— একটি বিশেষ উদ্দেশ্য নিয়ে মহান আল্লাহ মানুষকে সৃষ্টি করেছেন। মানুষ সৃষ্টির সে উদ্দেশ্যটিকে সঠিকভাবে না জানলে এবং সে উদ্দেশ্য সাধনকে সামনে রেখে জীবন ব্যবহার বা পরিচালনা না করলে পরকালে জাহান্নামে যেতে হবে।

তথ্য-২

إِنَّ فِي خَلْقِ السَّمَوَاتِ وَالْأَرْضِ وَاخْتِلَافِ اللَّيْلِ وَالنَّهَارِ لَآيَاتٍ لِّأُولِي الْأَلْبَابِ ۗ الَّذِينَ يَذْكُرُونَ اللَّهَ تَعَالَىٰ وَقَوْمًا وَعَلَىٰ جُنُوبِهِمْ وَيَتَفَكَّرُونَ فِي خَلْقِ السَّمَوَاتِ وَالْأَرْضِ رَبَّنَا مَا خَلَقْتَ هَذَا بَاطِلًا سُبْحَانَكَ فَقِنَا عَذَابَ النَّارِ .

অনুবাদ : নিশ্চয় আকাশসমূহ ও পৃথিবী সৃষ্টিতত্ত্ব এবং দিন রাত্রির আবর্তনে উল্লিখিত আলবাবদের (প্রকৃত মুসলিম বিজ্ঞানী) জন্য নিদর্শন (উদাহরণ) রয়েছে। যারা দাঁড়িয়ে, বসে ও শয়নে (সর্বাবস্থায়) আল্লাহর যিক্র করে এবং আকাশসমূহ ও পৃথিবীর সৃষ্টি বৈজ্ঞানিক পদ্ধতি সম্বন্ধে চিন্তা-গবেষণা করে। (আর বলে) হে আমাদের রব! আপনি একে বিনা উদ্দেশ্যে সৃষ্টি করেননি, আপনি পবিত্র; অতএব আগুনের শাস্তি থেকে আপনি আমাদেরকে রক্ষা করুন।

(সূরা আলে-ইমরান/৩ : ১৯০, ১৯১)

ব্যাখ্যা : আয়াতটির ‘হে আমাদের রব! আপনি একে বিনা উদ্দেশ্যে সৃষ্টি করেননি, আপনি পবিত্র’ অংশের ব্যাখ্যা হলো- আপনি আকাশসমূহ ও পৃথিবীর কোনো কিছু বিনা উদ্দেশ্যে সৃষ্টি করেননি। উদ্দেশ্যহীন কোনো কিছু সৃষ্টি করার ত্রুটি থেকে আপনি মুক্ত। এ কথাটির মাধ্যমে জানিয়ে দেওয়া হয়েছে- মহাকাশ ও পৃথিবীতে থাকা কোনো কিছু অর্থাৎ মানুষ, পশু-পাখি, গাছ-পালা, নদী-নালা, কুরআন, সালাত, যাকাত, সিয়াম, হাজ্জ ইত্যাদির কোনোটি আল্লাহ তা‘আলা উদ্দেশ্যহীনভাবে সৃষ্টি বা প্রণয়ন করেননি।

আর আয়াতটির শেষে থাকা ‘অতএব আগুনের শাস্তি থেকে আপনি আমাদের রক্ষা করুন’ কথাটির মাধ্যমে জানিয়ে দেওয়া হয়েছে- যারা ধারণা করে মহাবিশ্ব বা এতে থাকা কোনো কিছু আল্লাহ বিনা উদ্দেশ্যে সৃষ্টি করেছেন অতঃপর সে ধারণা অনুযায়ী সেটিকে এমনভাবে ব্যবহার করে যে সেটির ব্যাপারে আল্লাহর কাঙ্ক্ষিত উদ্দেশ্য কখনও অর্জিত হবে না, তাদের পরকালে জাহান্নামে যেতে হবে।

তাই, এ আয়াতের ভিত্তিতেও সহজে বলা যায়- মানুষসহ বিশ্বসমূহের সকল কিছু সৃষ্টি বা প্রণয়ন করার পেছনে আল্লাহর একটি সুনির্দিষ্ট উদ্দেশ্য আছে। মানুষ সৃষ্টির সে সুনির্দিষ্ট উদ্দেশ্যটি সঠিকভাবে না জানলে এবং সে উদ্দেশ্য সাধনকে সামনে রেখে জীবন ব্যবহার বা পরিচালনা না করলে পরকালে জাহান্নামে যেতে হবে।

আল হাদীস

أَخْرَجَ الْإِمَامُ مُسْلِمٌ رَحِمَهُ اللَّهُ تَعَالَى فِي صَحِيحِهِ حَدَّثَنَا عَبْدُ اللَّهِ بْنُ مَسْلَمَةَ بْنِ قَعْبٍ ... عَنْ عُمَرَ بْنِ الْخَطَّابِ قَالَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: إِثْمًا الْأَعْمَالِ بِالْيَتِيمَةِ وَإِثْمًا لِامْرَأَةٍ مَا نَوَى فَمَنْ كَانَتْ هِجْرَتُهُ إِلَى اللَّهِ وَرَسُولِهِ فَهَجْرَتُهُ إِلَى اللَّهِ وَرَسُولِهِ وَمَنْ كَانَتْ هِجْرَتُهُ لِدُنْيَا يُصِيبُهَا أَوْ امْرَأَةٍ يَتَرَوَّجُهَا فَهَجْرَتُهُ إِلَى مَا هَاجَرَ إِلَيْهِ.

অনুবাদ : ইমাম মুসলিম (রহ.) ‘উমার ইবনুল খাত্তাব (রা.)-এর বর্ণনা সনদের ৬ষ্ঠ ব্যক্তি আব্দুল্লাহ ইবন মাসলামাহ ইবন কা’নাব (রহ.) থেকে শুনে তাঁর ‘সহীহ’ গ্রন্থে লিখেছেন- ‘উমার ইবনুল খাত্তাব (রা.) বলেন, রসূলুল্লাহ (স.) বলেছেন- প্রত্যেক ‘আমলের ফলাফল নিয়তের (উদ্দেশ্য) ওপর নির্ভরশীল এবং কোনো ব্যক্তি কেবল তাই লাভ করবে যা সে নিয়ত করে। সুতরাং যার হিজরাত হবে আল্লাহ ও তাঁর রসূলের উদ্দেশ্যে, তার হিজরাত আল্লাহ ও রসূলের উদ্দেশ্যে হিজরাত বলে গণ্য হবে, আর যার হিজরাত হবে দুনিয়া লাভ বা কোনো মহিলাকে বিবাহের উদ্দেশ্যে; তার হিজরাত হবে সে দিকেই যা সে নিয়ত করেছে।

◆ মুসলিম, আস-সহীহ, হাদীস নং-৫০৩৬।

◆ হাদীসটির সনদ ও মতন সহীহ।

ব্যাখ্যা : হাদীসটিতে রাসূল (স.) প্রথমে বলেছেন সকল কাজ তথা সকল কাজের ফল উদ্দেশ্যের ওপর নির্ভর করে। এরপর একটি উদাহরণের মাধ্যমে বিষয়টি সুন্দরভাবে বুঝিয়ে দিয়েছেন।

তাই হাদীসটির আলোকে সহজে বলা যায়- মহান আল্লাহ কী উদ্দেশ্যকে সামনে রেখে মানুষকে সৃষ্টি করেছেন তা জানা এবং সে উদ্দেশ্য সাধনকে সামনে রেখে জীবন পরিচালনা করলে তার ফল দুনিয়া ও পরকালে ভালো হবে। অর্থাৎ দুনিয়ার জীবন সুখী, সমৃদ্ধ ও প্রগতিশীল হবে এবং পরকালে জান্নাত মিলবে। অন্যথায় নয়।

♣♣ এ সকল তথ্যের ভিত্তিতে সহজে বলা যায়- দুনিয়া ও পরকালীন দৃষ্টিকোণ থেকে মানুষ সৃষ্টির উদ্দেশ্য জানা অপরিসীম গুরুত্বপূর্ণ একটি বিষয়।

মানুষ সৃষ্টির উদ্দেশ্য সম্বন্ধে প্রচলিত ধারণা

বর্তমান বিশ্বের মুসলিম সমাজে মানুষ সৃষ্টির উদ্দেশ্য সম্বন্ধে চালু থাকা ধারণাসমূহ হলো—

১. মানুষ সৃষ্টির উদ্দেশ্য হলো— সালাত, যাকাত, সিয়াম, হাজ্জ, তাসবিহ-তাহলিল ইত্যাদি উপাসনামূলক কাজ করা।

বর্তমান বিশ্বে অধিকাংশ মুসলিম মানুষ সৃষ্টির আল্লাহর উদ্দেশ্য সম্পর্কে এ ধারণাটি পোষণ করে। আর এ ধারণা পোষণকারীদের দলিল হলো—

وَمَا خَلَقْتُ الْجِنَّ وَالْإِنْسَ إِلَّا لِيَعْبُدُونِ .

অনুবাদ : আর আমি জ্বিন ও মানুষকে শুধু আমার ইবাদাত করার জন্য সৃষ্টি করেছি। (সূরা যারিয়াত/৫১ : ৫৬)

এ ধারণা পোষণকারীরা আয়াতটিতে থাকা ‘ইবাদাত’ শব্দের অর্থ ধরেছেন— সালাত, যাকাত, সিয়াম, হাজ্জ, তাসবিহ-তাহলিল ইত্যাদি উপাসনামূলক আমল বা কাজগুলোকে।

২. মানুষ সৃষ্টির উদ্দেশ্য হলো— আল্লাহর দাসত্ব করা।

এ ধারণাটাও অনেক মুসলিমের মধ্যে বিদ্যমান। সালাত, যাকাত, সিয়াম, হাজ্জ, তাসবিহ-তাহলিল ইত্যাদি উপাসনামূলক কাজ আল্লাহর দাসত্বের অন্তর্ভুক্ত। তাই, এ ধারণাতেও সালাত, যাকাত, সিয়াম, হাজ্জ, তাসবিহ-তাহলিল ইত্যাদি উপাসনামূলক কাজগুলো মানুষ সৃষ্টির উদ্দেশ্যের অন্তর্ভুক্ত।

এ ধারণা পোষণকারীদের দলিলও ঐ একই আয়াত—

وَمَا خَلَقْتُ الْجِنَّ وَالْإِنْسَ إِلَّا لِيَعْبُدُونِ .

অনুবাদ : আর আমি জ্বিন ও মানুষকে সৃষ্টি করেছি শুধু আমার ইবাদাত করার জন্য।

এ ধারণা পোষণকারীরা আয়াতটির ‘ইবাদাত’ শব্দের অর্থ ধরেছেন— ‘দাসত্ব’।

৩. মানুষ সৃষ্টির উদ্দেশ্য হলো- আল্লাহর খলিফা হিসেবে জীবন-যাপন করা।


এ ধারণাটাও অনেক মুসলিম পোষণ করেন। সালাত, যাকাত, হাজ্জ, তাসবিহ-তাহলিল ইত্যাদি উপাসনামূলক কাজ আল্লাহর খলিফার কাজের অন্তর্ভুক্ত। তাই, এ ধারণাতেও সালাত, যাকাত, সিয়াম, হাজ্জ, তাসবিহ-তাহলিল ইত্যাদি আমল তথা উপাসনামূলক কাজগুলো মানুষ সৃষ্টির উদ্দেশ্যের অন্তর্ভুক্ত।

এ ধারণা পোষণকারীদের দলিল হলো-

إِنِّي جَاعِلٌ فِي الْأَرْضِ خَلِيفَةً ط

অনুবাদ : নিশ্চয় আমি পৃথিবীতে খলিফা (প্রতিনিধি) পাঠাতে যাচ্ছি।


(সুরা বাকারা/২ : ৩০)



কুরআন রিসার্চ ফাউন্ডেশন প্রকাশিত পৃথিবীর প্রথম
'সনদ ও মতন সহীহ হাদীস সংকলন'
সংগ্রহ করুন, পড়ুন এবং
অন্যকে পড়তে উৎসাহিত
করুন।

মানুষ সৃষ্টির উদ্দেশ্য ও পাথেয় সহজে জানা-বোঝার জন্য মানব জীবনের কাজের শ্রেণিবিভাগ

মানুষ সৃষ্টির উদ্দেশ্য ও পাথেয় বোঝা সহজ হয় মানব জীবনের সকল কাজকে নিম্নোক্তভাবে বিভক্ত করে নিলে।



পর্যালোচনা করলে দেখা যাবে- মানুষ জীবনে যত কাজ করে তা এ চার বিভাগের কোনো একটি বিভাগে অবশ্যই পড়বে।

মানুষ সৃষ্টির প্রকৃত উদ্দেশ্য ও পাথেয়

আমরা এখন মহান আল্লাহ প্রদত্ত জ্ঞানের তিনটি উৎস কুরআন, সুন্নাহ (সনদ ও মহন সহীহ হাদীস) ও Common sense-এর তথ্যের আলোকে মানুষ সৃষ্টির প্রকৃত উদ্দেশ্য ও পাথেয় বিষয়ে চূড়ান্ত সিদ্ধান্তে পৌঁছানোর চেষ্টা করবো, ইনশাআল্লাহ।

মানুষ সৃষ্টির উদ্দেশ্য ও পাথেয় সম্পর্কে Common sense


দৃষ্টিকোণ-১

- একটি জিনিসের সাথে জড়িত থাকা বিষয়সমূহের উদ্দেশ্য ও পাথেয় হওয়ার সাধারণ নীতিমালার দৃষ্টিকোণ

একটি জিনিসের সঙ্গে প্রত্যক্ষ ও পরোক্ষভাবে যত বিষয় জড়িত থাকে তার একটি বা একটি গ্রুপ হয় উদ্দেশ্য। আর বাকি সব হয় পাথেয় তথা উদ্দেশ্যটি সাধনের সহায়ক বিষয়। নিম্নের উদাহরণ দু'টি দেখলে বিষয়টা বোঝা সহজ হবে-


উদাহরণ-১

কলমের সঙ্গে সম্পর্কযুক্ত বিষয়গুলো হচ্ছে লেখা, কালি, কাগজ, কলমের নিব ও শরীর, কলম ও কালি তৈরির কারখানা ইত্যাদি। এর মধ্যে লেখাটা হচ্ছে কলম তৈরির উদ্দেশ্য। আর বাকি সবগুলো পাথেয়।



উদাহরণ-২

চিকিৎসা বিজ্ঞানের সঙ্গে সম্পর্কযুক্ত বিষয়সমূহ হলো- চিকিৎসা করা, চিকিৎসক, নার্স, জনশক্তির শারীরিক সুস্থতা, মেডিকেল কলেজ, হাসপাতাল, ঔষধ, মেডিকেল যন্ত্রপাতি ইত্যাদি। এর মধ্যে চিকিৎসা করা হলো চিকিৎসা বিজ্ঞানের উদ্দেশ্য। আর বাকি সব পাথেয়।



ইতোমধ্যে আমরা জেনেছি মানুষের জীবনের সঙ্গে জড়িত বিষয়গুলো ৪টি বিভাগে বিভক্ত। তাহলে Common sense-এর এ দৃষ্টিকোণ অনুযায়ী, এই ৪ বিভাগের এক বিভাগ হবে মানুষ সৃষ্টির উদ্দেশ্য। আর বাকি সবগুলো হবে মানুষ সৃষ্টির পাথেয়।

উপাসনামূলক কাজ কুরআনের জ্ঞান অর্জন করা, ঈমান আনা, সালাত কায়েম করা, যাকাত দেওয়া, সিয়াম পালন করা, হাজ্জ করা ইত্যাদি	ন্যায় ও অন্যায় কাজ সত্য বলা, মিথ্যা না বলা, পরোপকার করা, নিজে পেট ভরে খেলে অপরে যেন অভুক্ত না থাকে, নিজে অট্টালিকায় থাকলে অপরে যেন ফুটপাতে না থাকে, নিজে উচ্চশিক্ষিত হলে অপরে যেন অশিক্ষিত না থাকে, নিজে ভালো কাপড় পরলে অপরে যেন কাপড় বিহীন না থাকে এ সকল বিষয়ে ভূমিকা রাখা, কারো ক্ষতি না করা ইত্যাদি	শরীর স্বাস্থ্য গঠনমূলক কাজ খাওয়া, পান করা, ব্যায়াম, চিকিৎসা ইত্যাদি	পরিবেশ পরিষ্কৃতি গঠনমূলক কাজ সাধারণ শিক্ষা, অর্থনীতি, বিজ্ঞান, প্রতিরক্ষা ইত্যাদি
--	--	---	---

দৃষ্টিকোণ-২

■ শিক্ষা দিতে বা গঠন করতে চাওয়া বিষয়ের পাথেয় হওয়ার দৃষ্টিকোণ
যে বিষয় দিয়ে কোনো কিছু গঠন করতে চাওয়া হয় সেটি সব সময় পাথেয় বিভাগের বিষয় হয়। কেননা, ঐ গঠন করা হচ্ছে কোনো উদ্দেশ্য সাধনের লক্ষ্যে। এ গঠনের লক্ষ্যবস্তু, মন-মানসিকতা, শরীর-স্বাস্থ্য, পরিবেশ-পরিষ্কৃতি ইত্যাদির যে কোনোটি হতে পারে। আর এ গঠনের উপায়, পদ্ধতি বা মাধ্যম হতে পারে তাত্ত্বিক শিক্ষা, ব্যবহারিক শিক্ষা, খাদ্য, চিকিৎসা, ব্যায়াম ইত্যাদির যেকোনোটি। নিম্নের উদাহরণ দুটি দেখলে বিষয়টি বোঝা সহজ হবে-

উদাহরণ-১

চিকিৎসা বিজ্ঞানের জন্যে মেডিকেল কলেজ ও চিকিৎসা বিজ্ঞানের বই অপরিহার্য। কিন্তু এ দু'টি বিষয় প্রয়োজন মেডিকেলের ছাত্রদের শিক্ষা দেওয়ার জন্য। তাই, মেডিকেল কলেজ ও মেডিকেলের বই হলো চিকিৎসা বিজ্ঞানের পাথেয়।

উদাহরণ-২

প্রতিরক্ষা ব্যবস্থার উদ্দেশ্য হলো দেশকে শত্রুর আক্রমণ থেকে রক্ষা করা। এ উদ্দেশ্য সাধনের লক্ষ্যে সৈন্যদের ট্রেনিং (Training) দিয়ে গঠন করা হয়। তাই, এ ট্রেনিং হচ্ছে প্রতিরক্ষা ব্যবস্থার পাথেয়।

শরীর-স্বাস্থ্য গঠনমূলক কাজ শরীর-স্বাস্থ্য গঠন করে। আর পরিবেশ-পরিষ্কৃতি গঠনমূলক কাজ পরিবেশ-পরিষ্কৃতি গঠন করে। তাই, Common sense-এর এ দৃষ্টিকোণ অনুযায়ী- এ দুই বিভাগের কাজগুলো মানব জীবনের পাথেয় বিভাগের বিষয় হবে।

আর কুরআন বা সুন্নাহ থেকে যদি জানা যায়- উপাসনা বিভাগের কাজগুলোর মাধ্যমে শিক্ষা দিয়ে মহান আল্লাহ মানুষের মন-মানসিকতা, বুদ্ধিবৃত্তি ইত্যাদিকে গঠন করতে চেয়েছেন তাহলে এ বিভাগের কাজগুলোও মানব জীবনের পাথেয় বিভাগের কাজ হবে।

দৃষ্টিকোণ-৩

■ জন্মগতভাবে জানতে পারা বিষয় উদ্দেশ্য বিভাগের বিষয় হওয়ার দৃষ্টিকোণ

সকল সৃষ্টি (তৈরি/প্রস্তুত)-কারক, কোনো কিছু সৃষ্টি করার সময় তার গঠন এমনভাবে করেন যেন তা সেটির উদ্দেশ্য সাধনে সরাসরি সহায়ক হয়।

নিষ্প্রাণ ও বুদ্ধিহীন জিনিসের (কলম, ছুরি ইত্যাদি) ব্যাপারে সে গঠন হয় শুধু শারীরিক। আর নিষ্প্রাণ বুদ্ধিমান (বুদ্ধিমান রোবট) ও সপ্রাণ বুদ্ধিমান (মৌমাছি) জিনিসের ব্যাপারে সে গঠন হয় শারীরিক ও বুদ্ধিবৃত্তিক।

শারীরিক গঠন সৃষ্টিগত (জন্মগত)-ভাবে উদ্দেশ্য সাধনে সরাসরি সহায়ক না হলে তা দিয়ে জিনিসটির উদ্দেশ্য সাধন করা দুষ্কর বা অসম্ভব হয়। যেমন- একটা কলমের শরীর যদি কাটা কাটা হয় তবে তা দিয়ে লেখা কঠিন বা অসম্ভব হয়।

বুদ্ধিবৃত্তিক গঠন সৃষ্টিগত (জন্মগত)-ভাবে উদ্দেশ্য সাধনে সরাসরি সহায়ক হওয়ার মূল অর্থ হলো- কোন বিষয়টি বা কোন বিষয়গুলো সৃষ্টিটির উদ্দেশ্য বিভাগের বিষয় তা সৃষ্টিগত (জন্মগত)-ভাবে বোঝার ক্ষমতা সৃষ্টিটির থাকা।

এর কারণ হলো-

১. যে সৃষ্টির পড়াশুনা বা শিক্ষা-দীক্ষার ব্যবস্থা নেই সে বুঝতে পারবে না তার সৃষ্টির উদ্দেশ্য কী। তাই সে সৃষ্টি তার সৃষ্টির উদ্দেশ্য সাধন করতে ব্যর্থ হবে।
২. মানুষের বেলায়- যার বা যাদের শিক্ষার সুযোগ হয়নি বা যেখানে শিক্ষার সুযোগ নেই, সেখানকার মানুষ বুঝতে পারবে না তার বা তাদের সৃষ্টির উদ্দেশ্য কী। তাই তারা মানুষ সৃষ্টির উদ্দেশ্য সাধন করতে ব্যর্থ হবে।

আর অন্য মানুষের (নবী-রাসূল বাদে) কাছ থেকে শিখতে হলে তারা সৃষ্টির উদ্দেশ্যটা সঠিকভাবে শিখাচ্ছেন কি না, সে ব্যাপারে সন্দেহ সবসময়ই থাকবে। এ জন্যই প্রথম মানুষটিকে আল্লাহ নবী বানিয়েছেন।

এ বিষয়ে দু'টি উদাহরণ

উদাহরণ-১ : বুদ্ধিমান রোবট

বর্তমানে মানুষ বুদ্ধিমান রোবট তৈরি করেছে। এ রোবটের বৈশিষ্ট্য হলো-

১. শারীরিক গঠন এমনভাবে করা হয়েছে যেন রোবটটিকে যে কাজ করার জন্য তৈরি করা হয়েছে সে কাজ করার ক্ষেত্রে তার শারীরিক গঠন কোনো প্রকার প্রতিবন্ধকতা সৃষ্টি না করে। বরং শারীরিক গঠন সরাসরি তার সৃষ্টির উদ্দেশ্যমূলক কাজ করার সহায়ক হয়।

২. রোবটটিকে দিয়ে যে কাজ করাতে হবে তার একটি প্রোগ্রাম রোবটের মেমোরিতে মাইক্রোচিপস আকারে দিয়ে দেওয়া হয়। অর্থাৎ রোবটটিকে তা সৃষ্টিগতভাবে জানিয়ে দেওয়া হয়।
৩. বুদ্ধিমান রোবট তার মাইক্রোচিপসে থাকা প্রোগ্রামের বাইরের কোনো কাজ বুঝতে বা করতে পারে না।

উদাহরণ-২ : মৌমাছি

মৌমাছি সৃষ্টির উদ্দেশ্য হচ্ছে মানুষের জন্য মধু সংগ্রহ ও জমা করে রাখা। তাই, মহান আল্লাহ মৌমাছির—

১. শারীরিক গঠন এমন করেছেন যে তা মধু সংগ্রহ ও জমা করে রাখার জন্য সরাসরি সহায়ক।
২. বুদ্ধিবৃত্তিক গঠন এমন করেছেন যে মধু কীভাবে সংগ্রহ ও জমা করে রাখতে হয় মৌমাছি তা জন্মগতভাবে জানে।
৩. মৌমাছি মধু সংগ্রহ ও জমা করে রাখার কাজটি ভিন্ন অন্য কোনো কাজ বোঝে না এবং পালনও করতে পারে না।

তাই, যদি দেখা যায়— একটি সৃষ্টি কিছু বিষয় সৃষ্টিগতভাবে (জন্মগতভাবে/বিনা শিক্ষায়) বুঝতে পারে, আর কিছু বিষয় সৃষ্টিগতভাবে বুঝতে পারে না তবে—

১. যে বিষয়গুলো সে জন্মগতভাবে বুঝতে পারে, সেগুলো হবে তার সৃষ্টির উদ্দেশ্য বিভাগের বিষয়।
২. আর যে বিষয়গুলো সে জন্মগতভাবে বুঝতে পারে না, সেগুলো হবে তার সৃষ্টির পাথেয় বিভাগের বিষয়।

পর্যালোচনা করলে দেখা যায়— জীবনের ৪ বিভাগের কাজের মধ্যে মানুষ শুধু ন্যায়-অন্যায় বিভাগের বিষয়গুলো জন্মগতভাবে বুঝতে পারে। তাই, Common sense-এর এ দৃষ্টিকোণ অনুযায়ী—

১. ন্যায়-অন্যায় বিভাগের বিষয়গুলো হবে মানুষ সৃষ্টির উদ্দেশ্য বিভাগের বিষয়।
২. অন্য ৩ বিভাগের বিষয়গুলো হবে মানুষ সৃষ্টির পাথেয় বিভাগের বিষয়।

<p>উপাসনামূলক কাজ</p> <p>কুরআনের জ্ঞান অর্জন করা, ঈমান আনা, সালাত কায়েম করা, যাকাত দেওয়া, সিয়াম পালন করা, হাজ্জ করা ইত্যাদি</p>	<p>ন্যায় ও অন্যায় কাজ</p> <p>সত্য বলা, মিথ্যা না বলা, পরোপকার করা, নিজে পেট ভরে খেলে অপরে যেন অভুক্ত না থাকে, নিজে অট্টালিকায় থাকলে অপরে যেন ফুটপাতে না থাকে, নিজে উচ্চশিক্ষিত হলে অপরে যেন অশিক্ষিত না থাকে, নিজে ভালো কাপড় পরলে অপরে যেন কাপড় বিহীন না থাকে এ সকল বিষয়ে ভূমিকা রাখা, কারো ক্ষতি না করা ইত্যাদি</p>	<p>শরীর স্বাস্থ্য গঠনমূলক কাজ</p> <p>খাওয়া, পান করা, ব্যায়াম, চিকিৎসা ইত্যাদি</p>	<p>পরিবেশ পরিষ্কার গঠনমূলক কাজ</p> <p>সাধারণ শিক্ষা, অর্থনীতি, বিজ্ঞান, প্রতিরক্ষা ইত্যাদি</p>
---	---	--	---

দৃষ্টিকোণ-৪

■ উদ্দেশ্য ও পাথেয় বিভাগের মৌলিক সকল বিষয় পালন বাধ্যতামূলক হওয়ার দৃষ্টিকোণ

যে কোনো কর্মকাণ্ড পালন করে সফল হতে হলে তার সাথে জড়িত উদ্দেশ্য ও পাথেয় বিভাগের মৌলিক বিষয়ের সবগুলো পালন করতে হয়। উদ্দেশ্য বিভাগের মৌলিক একটি বিষয় বাদ গেলে কর্মকাণ্ডটি সরাসরি ব্যর্থ হয়। আর পাথেয় বিভাগের মৌলিক একটি বাদ গেলে কর্মকাণ্ডটির উদ্দেশ্য সাধনের জন্য প্রয়োজনীয় একটি মৌলিক বিষয়ে ঘাটতি থাকে। তাই, কর্মকাণ্ডটির উদ্দেশ্য সাধন করা সম্ভব হয় না।

উদাহরণ স্বরূপ চিকিৎসা বিজ্ঞানকে ধরা যেতে পারে। চিকিৎসা বিজ্ঞানের উদ্দেশ্য হলো মানুষের রোগ চিকিৎসা করা। আর চিকিৎসা বিজ্ঞানের সাথে ও ধরনের পাথেয় জড়িত আছে—

১. চিকিৎসক, নার্স ইত্যাদি।
২. মেডিকেল কলেজ, মেডিকেল বই ইত্যাদি।
৩. হাসপাতাল, ঔষধ, যন্ত্রপাতি ইত্যাদি।

চিকিৎসা বিজ্ঞানের উদ্দেশ্য কখনও সাধিত হবে না যদি চিকিৎসা বিজ্ঞানের পাথেয় বিভাগের কোনো একটি বিভাগের মৌলিক একটি দিকও অপূর্ণ থাকে। যেমন—

- শুধু চিকিৎসক থাকলে চলবে না, নার্স বা পরিচ্ছন্নতা কর্মীও থাকতে হবে।
- শুধু হাসপাতাল থাকলে চলবে না, ঔষধ বা যন্ত্রপাতিও থাকতে হবে।

তাই, Common sense-এর এ দৃষ্টিকোণ থেকে বলা যায়- আল্লাহ তাঁয়াল্লা যে উদ্দেশ্যে মানুষ সৃষ্টি করেছেন সে উদ্দেশ্য সাধনের জন্য যথাযথ পাথেয়ও প্রণয়ন করেছেন। মানুষকে তার জীবন পরিচালনা করে সফল হতে হলে উদ্দেশ্য ও পাথেয় বিভাগের মৌলিক বিষয়ের সবগুলো পালন করতে হবে।

মানুষ সৃষ্টির উদ্দেশ্য ও পাথেয় সম্পর্কে ইসলামের প্রাথমিক রায়

২৩ পৃষ্ঠায় উল্লিখিত নির্ভুল জ্ঞানার্জন ও ব্যবস্থা গ্রহণের ইসলামী প্রবাহচিত্র (নীতিমালা) অনুযায়ী যেকোনো বিষয়ে Common sense-এর রায় হলো ঐ বিষয়ে ইসলামের প্রাথমিক রায়। তাই এ পর্যায়ে এসে বলা যায়, ইসলামের প্রাথমিক রায় হলো-

১. ন্যায়-অন্যায় বিভাগের কাজগুলো তথা ন্যায় কাজের বাস্তবায়ন ও অন্যায় কাজের প্রতিরোধ হবে মানুষ সৃষ্টির উদ্দেশ্য।
২. জীবনের অন্য ৩ বিভাগের বিষয় হলো মানুষ সৃষ্টির পাথেয়। অর্থাৎ উদ্দেশ্য সাধনের জন্য প্রয়োজনীয় বিষয়।
৩. উদ্দেশ্য ও পাথেয় বিভাগের মৌলিক বিষয়ের সবগুলো পালন করতে হবে।

নীতিমালা অনুযায়ী এখন আমাদের কুরআনের তথ্যের আলোকে যাচাই করে এ রায়কে চূড়ান্তভাবে গ্রহণ বা বর্জন করার চেষ্টা করতে হবে।

‘মানুষ সৃষ্টির উদ্দেশ্য ও পাথেয়’ বিষয়ে কুরআনে থাকা তথ্য খুঁজে পাওয়ার পূর্বশর্ত

একটি বিষয় সম্পর্কে কুরআনে (ও সুন্নাহে) থাকা তথ্য খুঁজে পাওয়ার গুরুত্বপূর্ণ একটি পূর্বশর্ত মহান আল্লাহ কুরআনের মাধ্যমে মানব সভ্যতাকে স্পষ্ট করে জানিয়ে দিয়েছেন। এ সম্পর্কে যথাযথ ধারণা এবং তার বাস্তব প্রয়োগ না থাকার কারণে ইসলামের অনেক মূল বিষয়ে বর্তমান মুসলিম জাতির জ্ঞান কুরআন ও সুন্নাহর প্রকৃত জ্ঞান থেকে বহু দূরে। তাই বিষয়টি মুসলিম উম্মাহর জন্য বিশেষ গুরুত্বপূর্ণ। এ বিষয়ে কুরআনের সরাসরি বক্তব্য হলো-

..... فَأَيُّهَا لَا تَعْمَى الْأَبْصَارُ وَلَكِنْ تَعْمَى الْقُلُوبُ الَّتِي فِي الصُّدُورِ.

অনুবাদ : প্রকৃতপক্ষে চোখ অন্ধ নয় বরং অন্ধ হচ্ছে মন (মনে থাকা Common sense) যা অবস্থিত সম্মুখ ব্রেইনে (Fore brain) ।


(সুরা হাজ্জ/২২ : ৪৬)

ব্যাখ্যা : এখানে বলা হয়েছে- মানুষের মনে থাকা Common sense-এ একটি বিষয় সম্পর্কে পূর্বে ধারণা না থাকলে বিষয়টি চোখে দেখে বা কানে শুনে মানুষ সঠিকভাবে বুঝতে পারে না। এ কথাটিই ইংরেজীতে বলা হয় এভাবে- What mind does not know eye will not see.

এ বিষয়ে সহজ একটি উদাহরণ হলো চিকিৎসা বিজ্ঞানের রোগ নির্ণয়ের বিষয়টি। রোগের লক্ষণ (Symptoms & Sign) আগে থেকে মাথায় না থাকলে রোগী দেখে রোগ নির্ণয় (Diagnosis) করা কোনো চিকিৎসকের পক্ষে সম্ভব হয় না। অতীব গুরুত্বপূর্ণ এ তথ্যটি চিকিৎসা বিজ্ঞানের প্রতিটি ছাত্রকে ভালোভাবে শিখিয়ে দেওয়া হয়। আর সকল চিকিৎসক তাদের প্রতিদিনের জীবনে তথ্যটির সত্যতার প্রমাণ বাস্তবে দেখে।

তাই, এ আয়াতের আলোকে বলা যায়- একটি বিষয় সম্পর্কে সম্মুখ ব্রেইনে থাকা জ্ঞানের শক্তি Common sense-এ আগে থেকে ধারণা না থাকলে ঐ বিষয় ধারণাকারী কুরআনের আয়াত (ও সূন্বাহ) মানুষের চোখে ধরা পড়ে না। সুতরাং, এ আয়াত অনুযায়ী- একটি বিষয় ও তার বিভিন্ন দিক সম্পর্কে Common sense-এ আগে থেকে ধারণা থাকা ঐ বিষয় ধারণাকারী কুরআনের আয়াত (ও সূন্বাহ) খুঁজে পাওয়ার পূর্বশর্ত।





‘মানুষ সৃষ্টির উদ্দেশ্য ও পাথেয়’ বিষয়ে Common sense-এর তথ্য এখন আমাদের মাথায় আছে। তাই, চলুন এখন খোঁজা যাক- বিষয়গুলো সমর্থন বা বিরোধীতাকারী তথ্য কুরআনে (ও সুন্নাহে) আছে কি না। এর মাধ্যমে নির্ভুল জ্ঞানার্জনের ইসলামী নীতিমালা অনুযায়ী বিষয়টি সম্পর্কে আমরা চূড়ান্ত সিদ্ধান্তে পৌঁছাবো, ইনশাআল্লাহ।

মানুষ সৃষ্টির উদ্দেশ্য ও পাথেয় সম্পর্কে আল কুরআন

আমাদের গবেষণা মতে, কুরআন ও হাদীসের সরাসরি তথ্যের ভিত্তিতে, কুরআনকে জ্ঞানের উৎস হিসেবে ব্যবহারের মূলনীতি (উসূল/Principle) ৯টি। যথা-

১. কুরআনে পরস্পর বিরোধী কোনো বক্তব্য নেই।
২. কুরআনের সর্বোত্তম ব্যাখ্যা কুরআন।
৩. একই বিষয়ের সকল আয়াত পাশাপাশি রেখে পর্যালোচনা করে চূড়ান্ত সিদ্ধান্তে পৌঁছানো।
৪. কুরআন বিরোধী কথা যে গ্রহেই থাকুক তা মিথ্যা।
৫. অতীন্দ্রিয় বিষয় ছাড়া সকল সত্য উদাহরণকে আল্লাহর কাছ থেকে আসা সত্য শিক্ষার মর্যাদা দেওয়া।
৬. একাধিক অর্থবোধক শব্দ বা আয়াতের অর্থ বা ব্যাখ্যা করার সময় আকলের রায় বা বিজ্ঞানের প্রতিষ্ঠিত তথ্যের সাথে মেলানোর চেষ্টা করা।

৭. আল কুরআনের সকল আয়াতের শিক্ষা বর্তমানে চালু আছে অর্থাৎ কুরআনের কোনো আয়াতের শিক্ষা রহিত (মানসূখ) হয়নি বিষয়টি মনে রাখা।
৮. যে বিষয় কুরআনে নেই সেটি ইসলামের মৌলিক বিষয় নয়।
৯. আরবী ভাষা ও ব্যাকরণের জ্ঞান।

আর কুরআনের সঠিক জ্ঞানার্জন বা ব্যাখ্যা করার জন্য আরবী ভাষা ও ব্যাকরণের জ্ঞান এবং অন্য ৮টি মূলনীতির মধ্যকার সম্পর্কের বিভিন্ন অবস্থান হলো—

অবস্থান-১

আরবী ভাষা ও ব্যাকরণের ভালো জ্ঞান না থাকলে কুরআন সরাসরি অধ্যয়ন করে জ্ঞানার্জন করা সম্ভব নয়।

অবস্থান-২

আরবী ভাষা ও ব্যাকরণের পণ্ডিত ব্যক্তিও কুরআনের যথাযথ জ্ঞানার্জন বা অর্থ ও ব্যাখ্যা করতে ব্যর্থ হবেন যদি তিনি ওপরে বর্ণিত ৮টি মূলনীতি খেয়ালে না রাখেন বা ব্যবহার করতে না পারেন।

অবস্থান-৩

আরবী ভাষা ও ব্যাকরণের জ্ঞান না থাকা ব্যক্তিও অনুবাদ পড়ে সেখানকার ভুল থেকে (যদি থাকে) নিজেকে বাঁচিয়ে কুরআনের ভালো জ্ঞানার্জন করতে পারবেন, যদি তিনি ওপরে বর্ণিত ৮টি মূলনীতি খেয়াল রাখেন বা ব্যবহার করতে পারেন।

অবস্থান-৪

আরবী ভাষা ও ব্যাকরণের কিছু জ্ঞান থাকা ব্যক্তি অনুবাদ গ্রন্থ সম্পাদনা করে কুরআনের ভালো অনুবাদ বা ব্যাখ্যা গ্রন্থ রচনা করতে পারবেন, যদি তিনি ওপরে বর্ণিত ৮টি মূলনীতি খেয়াল রাখেন বা ব্যবহার করতে পারেন।

অবস্থান-৫

কুরআন সবচেয়ে ভালো বুঝতে, বোঝাতে, অনুবাদ ও ব্যাখ্যা করতে পারবেন সেই ব্যক্তি যার ওপরে বর্ণিত ৮টি মূলনীতি খেয়ালে আছে বা ব্যবহার করার যোগ্যতা আছে এবং আরবী ভাষা ও ব্যাকরণেরও ভালো জ্ঞান আছে।

এ মূলনীতিসমূহ খেয়ালে রেখে চলুন এখন জানা ও পর্যালোচনা করা যাক মানুষ সৃষ্টির উদ্দেশ্য ও পাথেয় সম্পর্কে কী তথ্য আল কুরআনে আছে—

তথ্য-১

وَإِذْ قَالَ رَبُّكَ لِلْمَلٰٓئِكَةِ اِنِّىْ جَاعِلٌ فِى الْاَرْضِ خَلِيْفَةً ۗ قَالُوْۤا اَتَجْعَلُ فِیْهَا مَنْ یُّفْسِدُ فِیْهَا وَیَسْفِكُ الدِّمَآءَ وَنَحْنُ نُسَبِّحُ بِحَمْدِكَ وَنُقَدِّسُ لَكَ ۗ قَالَ اِنِّىْۤ اَعْلَمُ مَا لَا تَعْلَمُوْنَ .

অনুবাদ : আর তোমার রব যখন ফেরেশতাদের বললেন- নিশ্চয় আমি পৃথিবীতে এক খলিফা (প্রতিনিধি) পাঠাতে যাচ্ছি। তারা বললো- আপনি কি পৃথিবীতে এমন কাউকে পাঠাতে যাচ্ছেন, যারা সেখানে বিশৃঙ্খলা সৃষ্টি করবে এবং রক্তপাত ঘটাবে? অথচ আমরাই আপনার প্রশংসাসহ পবিত্রতা ঘোষণা করছি এবং আপনার মহিমা ঘোষণা করছি (উপাসনা করছি)। তিনি বললেন- নিশ্চয় আমি তা জানি যা তোমরা জানো না।

(সুরা বাকারা/২ : ৩০)

ব্যাখ্যা : আয়াতটি থেকে জানা যায়- মহান আল্লাহ মানুষ সৃষ্টি করে তাকে প্রতিনিধি হিসেবে দুনিয়ায় পাঠানোর সিদ্ধান্ত নিয়ে ফেরেশতাদের ডেকে তাঁর সিদ্ধান্ত জানান। ফেরেশতারা তখন জানতে চান- তিনি কি দুনিয়ায় এমন জীব পাঠাতে যাচ্ছেন যারা সেখানে বিশৃঙ্খলা, রক্তরক্তি, হানাহানি ইত্যাদি অন্যায়ে কাজ করবে? আর যদি উপাসনামূলক কাজ করার উদ্দেশ্যে তাদের সৃষ্টি করে থাকেন, তবে ঐ উপাসনামূলক কাজগুলো করার জন্যে তারাই কি যথেষ্ট নয়?

তখন আল্লাহ বলেন- ‘নিশ্চয় আমি যা জানি তোমরা তা জানো না’। এ কথার মাধ্যমে আল্লাহ ফেরেশতাদের জানিয়ে দিয়েছেন- মানুষ সৃষ্টির উদ্দেশ্য সম্বন্ধে তোমরা যে দুটো কথা বললে, তার কোনোটাই আমার মানুষ সৃষ্টির উদ্দেশ্য নয়।

তাই, এ আয়াতের মাধ্যমে মানুষ সৃষ্টির উদ্দেশ্য সম্বন্ধে আল্লাহ দুটো বিষয়কে নাকচ করে দিয়েছেন। বিষয় দুটো হলো-

১. বিশৃঙ্খলা, রক্তরক্তি, হানাহানি ইত্যাদি তথা ন্যায়-অন্যায় বিভাগের অন্যায়ে কাজগুলো।
২. উপাসনামূলক কাজ (তাসবিহ-তাহলিল, সালাত, যাকাত, সিয়াম, হাজ্জ ইত্যাদি)।

মানুষ সৃষ্টির উদ্দেশ্য কী সেটি আয়াত থেকে সরাসরি জানা না গেলেও আয়াতটির আলোকে বলা যায় মানব জীবনের ৪ বিভাগের কাজের মধ্যে-

১. উপাসনামূলক বিভাগের বিষয়গুলো মানুষ সৃষ্টির উদ্দেশ্য নয়।

২. 'ন্যায় ও অন্যায়' বিভাগের 'অন্যায়' কাজগুলো মানুষ সৃষ্টির উদ্দেশ্য নয়। তাহলে ধরে নেওয়া যায়- এ বিভাগের 'ন্যায়' কাজগুলো তথা 'ন্যায়ের বাস্তবায়ন' মানুষ সৃষ্টির উদ্দেশ্য হতে পারে।

<p>উপাসনামূলক কাজ</p> <p>কুরআনের জ্ঞান অর্জন করা, ঈমান আনা, সালাত কায়েম করা, যাকাত দেওয়া, সিয়াম পালন করা, হাজ্জ করা ইত্যাদি</p>	<p>ন্যায় ও অন্যায় কাজ</p> <p>সত্য বলা, মিথ্যা না বলা, পরোপকার করা, নিজে পেট ভরে খেলে অপরে যেন অভুক্ত না থাকে, নিজে অট্টালিকায় থাকলে অপরে যেন ফুটপাতে না থাকে, নিজে উচ্চশিক্ষিত হলে অপরে যেন অশিক্ষিত না থাকে, নিজে ভালো কাপড় পরলে অপরে যেন কাপড় বিহীন না থাকে এ সকল বিষয়ে ভূমিকা রাখা, কারো ক্ষতি না করা ইত্যাদি</p>	<p>শরীর স্বাস্থ্য গঠনমূলক কাজ</p> <p>খাওয়া, পান করা, ব্যায়াম, চিকিৎসা ইত্যাদি</p>	<p>পরিবেশ পরিষ্কার গঠনমূলক কাজ</p> <p>সাধারণ শিক্ষা, অর্থনীতি, বিজ্ঞান, প্রতিরক্ষা ইত্যাদি</p>
---	---	--	---

তথ্য-২

وَتَقْسِ وَمَا سَوَّيْتَهَا . فَأَلْهَمَهَا فُجُورَهَا وَتَقْوَاهَا . قَدْ أَفْلَحَ مَنْ زَكَّاهَا . وَقَدْ خَابَ مَنْ دَسَّاهَا .

অনুবাদ : আর শপথ মানুষের মনের (অন্তর/Mind) এবং সেই সত্তার যিনি তাকে (মনকে) সঠিক গঠনে সৃষ্টি করেছেন। অতঃপর তাকে (মনকে) 'ইলহাম' করেছেন তার অন্যায় ও ন্যায় (বোঝার শক্তি)। অবশ্যই সে সফল হলো যে তাকে (ঐ শক্তিকে) উৎকর্ষিত করলো। আর অবশ্যই সে ব্যর্থ হলো যে তাকে (ঐ শক্তিকে) অবদমিত করলো।

(সূরা আশ্-শামস/৯১ : ৭-১০)

ব্যাখ্যা : ৭ নং আয়াতটিতে আল্লাহ তা'য়াল্লা বলেছেন, তিনি মানুষের মনকে সঠিক গঠনে সৃষ্টি করেছেন। এ কথার মাধ্যমে জানিয়ে দেওয়া হয়েছে- মানুষকে যে উদ্দেশ্য সাধনের জন্যে সৃষ্টি করা হয়েছে সে উদ্দেশ্য সাধনে সহায়তা করার জন্যে যে গঠন বা গুণ দরকার, সৃষ্টিগতভাবে (জন্মগতভাবে) সে গঠন দিয়ে মানুষের মনকে সৃষ্টি করা হয়েছে। আর সে গঠন বা গুণ কী তা জানিয়ে দেওয়া হয়েছে পরের (৮ নং) আয়াতে।

৮ নং আয়াতটিতে আল্লাহ তা'য়ালা বলেছেন- তিনি মানুষের মনে 'ইলহাম' করেছেন তার অন্যায় ও ন্যায় বিষয়। 'ইলহাম' হলো অতিপ্রাকৃতিক এক পদ্ধতি। মানুষকে সৃষ্টিগতভাবে দুটি শক্তি দেওয়া হয়েছে 'জীবনী শক্তি' এবং 'জ্ঞানের শক্তি'। 'জীবনী শক্তি' দেওয়ার আল্লাহর পদ্ধতি হলো 'ফুঁক'। এটি জানানো হয়েছে সুরা হিজরের ২৯ নং আয়াতে। আর 'জ্ঞানের শক্তি' দেওয়ার আল্লাহর পদ্ধতি হলো 'ইলহাম'। এটি আলোচ্য আয়াতের মাধ্যমে জানানো হয়েছে।

তাই, এ আয়াতের মাধ্যমে আল্লাহ জানিয়ে দিয়েছেন- সৃষ্টি/জন্মগতভাবে, 'ইলহাম' নামক এক অতিপ্রাকৃতিক পদ্ধতির মাধ্যমে তিনি মানুষের মনকে, কোনটি অন্যায় কাজ ও কোনটি ন্যায় কাজ তা বোঝার শক্তি দিয়েছেন। আর তাই-

আল কুরআনে ন্যায় কথা বা কাজকে মা'রুফ (مُرْفُوعٌ) নাম দেওয়া হয়েছে।

মা'রুফ (مُرْفُوعٌ) শব্দটি এসেছে আরাফা (عَرَفَ) শব্দ থেকে। যার অর্থ হলো 'জানা'। অর্থাৎ মা'রুফ কথা বা কাজ হচ্ছে সেই কথা বা কাজ যা মানুষ জন্মগতভাবে তথা বিনা শিক্ষায় জানতে বা বুঝতে পারে। জ্ঞানের এ শক্তিটি পরিপক্ব না হওয়া পর্যন্ত (বালিগ না হওয়া পর্যন্ত) ইসলামে নিষিদ্ধ কাজ করলে অপরাধ ধরা হয় না। উল্লেখ্য চিকিৎসা বিজ্ঞান অনুযায়ী মানুষের শরীরের বিভিন্ন অঙ্গ যেমন- কিডনি, লিভার, ফুসফুস, ব্রেইন ইত্যাদি পরিপক্ব হওয়ার একটি নির্দিষ্ট সময় আছে। সে সময় প্রত্যেক অঙ্গের জন্য ভিন্ন।

বাস্তবেও দেখা যায়- মানুষের জীবনের বিভিন্ন কাজের মধ্যে শুধু ন্যায় ও অন্যায় বিভাগের কাজগুলো মানুষ বিনা শিক্ষায় তথা জন্মগতভাবে বুঝতে পারে। কিন্তু অন্য ৩ বিভাগের বিষয়গুলো জানার জন্য কুরআন-হাদীস বা অন্যান্য গ্রন্থ অবশ্যই পড়তে হয় বা কারো কাছ থেকে তা জেনে নিতে হয়। যেমন-

১. সালাত, যাকাত, সিয়াম ও হাজ্জ ইত্যাদি যে মানুষের করণীয় কাজ তা কুরআন-হাদীস না পড়লে বা কারো কাছ থেকে না শুনলে কেউই বুঝতে পারবে না।
২. কোন রোগের কী লক্ষণ বা ঔষধ তা চিকিৎসা বিদ্যা না পড়লে বা কারো কাছ থেকে না শুনলে কেউ বুঝতে পারবে না।

জন্মগতভাবে মানব মনের পাওয়া এ শক্তিটিই হলো- বোধশক্তি/Common sense/عقل/বিবেক বা আল্লাহ প্রদত্ত সাধারণ জ্ঞান।

৯ ও ১০ নং আয়াত দুটি থেকে জানা যায়- এ শক্তিটি উৎকর্ষিত ও অবদমিত হতে পারে। এখান থেকে বোঝা যায়- এ শক্তিটিকে জন্মগতভাবে একটি বুনিয়েদি জ্ঞান (Memory) ও বিশ্লেষণ ক্ষমতা (Processing power) দেওয়া আছে। আর ঐ বুনিয়েদি জ্ঞান ও বিশ্লেষণ ক্ষমতা বৃদ্ধি ও হ্রাস উভয়টি সম্ভব।

বর্তমান যুগের মানুষের তৈরিকৃত যান্ত্রিক জ্ঞানের শক্তি- কম্পিউটারের উদাহরণের মাধ্যমে এ বিষয়টি বোঝা খুবই সহজ। কম্পিউটার তৈরি করার সময় নির্দিষ্ট পরিমাণ জ্ঞান (Memory) ও বিশ্লেষণ ক্ষমতা (Processing power) দিয়ে তৈরি করা হয়। এরপর এটির জ্ঞান (Memory) বাড়তে পারলে বিশ্লেষণ ক্ষমতা স্বয়ংক্রিয়ভাবে বেড়ে যায়।

তাই, সহজে বোঝা যায় ৯ ও ১০ নং আয়াত দুটির তথ্য হলো- মানব মনে জন্মগতভাবে একটি বুনিয়েদি জ্ঞান (Memory) ও বিশ্লেষণ ক্ষমতা (Processing power) দেওয়া আছে। ঐ বুনিয়েদি জ্ঞান ও বিশ্লেষণ ক্ষমতা বাড়ে বা কমে তথা বাড়ানো বা কমানো যায়। কীভাবে এ বিষয়টি ঘটে তা নিয়ে বিস্তারিত আলোচনা আছে 'ইসলামী জীবন বিধানে Common Sense এর গুরুত্ব কতটুকু এবং কেন?' (গবেষণা সিরিজ-৬) নামক বইটিতে।

ইতোমধ্যে (Common sense-এর ৩ নং দৃষ্টিকোণ) আমরা জেনেছি- কুরআন থেকে যদি জানা যায়, জীবনের বিভিন্ন কাজের মধ্যে শুধু কিছু কাজকে আল্লাহ জন্মগতভাবে মানুষকে বোঝার ক্ষমতা দিয়েছেন, তবে বুঝতে হবে সে কাজগুলোই হবে আল্লাহর মানুষ সৃষ্টির উদ্দেশ্য। তাই এ আয়াতের আলোকে বলা যায়- ন্যায় ও অন্যায় বিভাগের কাজগুলোই হলো আল্লাহর মানুষ সৃষ্টির উদ্দেশ্যমূলক কাজ।

আবার Common sense-এর ১ নং দৃষ্টিকোণ থেকে আমরা জেনেছি- কোনো বিষয়ের সঙ্গে সম্পর্কযুক্ত বিষয়ের একটি বা একটি বিভাগ হয় ঐ বিষয়ের উদ্দেশ্য এবং বাকি সব হয় পাথেয়। তাই এ আয়াতের আলোকে পরোক্ষভাবে বলা যায়- মানব জীবনের অন্য সকল বিভাগের কাজগুলো হলো মানুষ সৃষ্টির উদ্দেশ্য সাধনের পাথেয় তথা সহায়ক কাজ।

<p>উপাসনামূলক কাজ</p> <p>কুরআনের জ্ঞান অর্জন করা, ঈমান আনা, সালাত কায়েম করা, যাকাত দেওয়া, সিয়াম পালন করা, হাজ্জ করা ইত্যাদি</p>	<p>ন্যায় ও অন্যায় কাজ</p> <p>সত্য বলা, মিথ্যা না বলা, পরোপকার করা, নিজে পেট ভরে খেলে অপরে যেন অভুক্ত না থাকে, নিজে অট্টালিকায় থাকলে অপরে যেন ফুটপাতে না থাকে, নিজে উচ্চশিক্ষিত হলে অপরে যেন অশিক্ষিত না থাকে, নিজে ভালো কাপড় পরলে অপরে যেন কাপড় বিহীন না থাকে এ সকল বিষয়ে ভূমিকা রাখা, কারো ক্ষতি না করা ইত্যাদি</p>	<p>শরীর স্বাস্থ্য গঠনমূলক কাজ</p> <p>খাওয়া, পান করা, ব্যায়াম, চিকিৎসা ইত্যাদি</p>	<p>পরিবেশ পরিষ্কৃতি গঠনমূলক কাজ</p> <p>সাধারণ শিক্ষা, অর্থনীতি, বিজ্ঞান, প্রতিরক্ষা ইত্যাদি</p>
---	---	--	--

তথ্য-৩

كُنْتُمْ خَيْرَ أُمَّةٍ أُخْرِجَتْ لِلنَّاسِ تَأْمُرُونَ بِالْمَعْرُوفِ وَتَنْهَوْنَ عَنِ الْمُنْكَرِ وَتُؤْمِنُونَ بِاللَّهِ.....

অনুবাদ : তোমরা সর্বোত্তম উম্মত, তোমাদের উদ্ভব ঘটানো হয়েছে মানুষের কল্যাণ করার উদ্দেশ্যে, তোমরা জানা বিষয় বাস্তবায়ন এবং অস্বীকার করা বিষয় প্রতিরোধ করবে এবং আল্লাহর প্রতি ঈমান রাখবে।

(সূরা আল-ইমরান/৩ : ১১০)

ব্যাখ্যা : আল কুরআনে উম্মাত (أُمَّة) শব্দটি যে সকল অর্থে ব্যবহৃত হয়েছে তার একটি হলো বিভিন্ন জাতিগত সৃষ্টি। যেমন-

وَمَا مِنْ دَابَّةٍ فِي الْأَرْضِ وَلَا طَيْرٍ يَطِيرُ بِجَنَاحَيْهِ إِلَّا أُمَّةٌ مِّثْلُكُمْ.....

অনুবাদ : আর পৃথিবীতে বিচরণকারী এমন কোনো জীব নেই অথবা নিজ ডানার সাহায্যে উড়ে এমন কোনো পাখি নেই, যারা তোমাদের মতো একটি উম্মত (সৃষ্টিগত জাতি) নয়।

(সূরা আন'আম/৬ : ৩৮)

আয়াতটির অংশভিত্তিক শিক্ষা

'তোমরা সর্বোত্তম উম্মত' অংশের শিক্ষা : মানুষ হলো আল্লাহর সকল সৃষ্টির মধ্যে শ্রেষ্ঠ জাতিগত সৃষ্টি (আশরাফুল মাখলুকাত)।

‘তোমাদের উদ্ভব ঘটানো হয়েছে মানুষের কল্যাণ করার উদ্দেশ্যে’ অংশের শিক্ষা : মানুষকে সৃষ্টি করার মূল উদ্দেশ্য হলো মানুষের কল্যাণ করা (মানুষ মানুষের জন্য)।

‘তোমরা জানা বিষয় বাস্তবায়ন এবং অস্বীকার করা বিষয় প্রতিরোধ করবে’ অংশের শিক্ষা : এ কথার অর্থ হলো— তোমাদের মন জন্মগতভাবে যে বিষয়গুলো জানে তা পালন বা বাস্তবায়ন করবে এবং যা অস্বীকার করে তা থেকে দূরে থাকবে বা তা প্রতিরোধ করবে। তাই, জানা বিষয় বাস্তবায়ন এবং অস্বীকার করা বিষয় প্রতিরোধ করা কথাটির প্রকৃত অর্থ হলো— তোমাদের জন্মগতভাবে জানা ন্যায় বিষয়গুলো বাস্তবায়ন এবং অন্যায় বিষয়গুলো প্রতিরোধ করবে।

‘আর আল্লাহর প্রতি ঈমান রাখবে’ অংশের শিক্ষা : ঈমান হলো— জ্ঞান+বিশ্বাস। তাই, আল্লাহর প্রতি ঈমান রাখা কথাটির অর্থ হবে— আল্লাহ সম্পর্কে জানা ও তা বিশ্বাস করা। আল্লাহ সম্পর্কিত জ্ঞানের সকল মৌলিক তথ্যধারণকারী আধার হলো আল কুরআন। আবার কুরআন হলো সত্য-মিথ্যার পার্থক্যকারী। অর্থাৎ মানদণ্ড। তাই আল্লাহর প্রতি ঈমান রাখা কথাটির সর্বাধিক তথ্যবহুল অর্থ হবে কুরআনকে সকল জ্ঞানের আধার ও মানদণ্ড হিসেবে বিশ্বাস করা।

প্রশ্ন হলো— জন্মগতভাবে জানা ন্যায় কাজ বাস্তবায়ন এবং অন্যায় কাজ প্রতিরোধ করার সাথে কুরআনকে সকল জ্ঞানের আধার ও মানদণ্ড হিসেবে বিশ্বাস করার কথাটিকে কেন যুক্ত করা হয়েছে।

এ প্রশ্নের উত্তর—

১. ন্যায় ও অন্যায় কাজ কোনগুলো তা আল্লাহ প্রথমে রুহের জগতে সাক্ষ্য ও ক্লাস নিয়ে প্রত্যেক রুহকে জানিয়ে দিয়েছেন এভাবে—

وَعَلَّمَ آدَمَ الْأَسْمَاءَ كُلَّهَا ثُمَّ عَرَضَهُمْ عَلَى الْمَلَائِكَةِ فَقَالَ أَنْبِئُونِي بِأَسْمَاءِ هَؤُلَاءِ إِنْ كُنْتُمْ صَادِقِينَ.

অনুবাদ : অতঃপর তিনি আদমকে সকল (গুণবাচক) ইসম শেখালেন, তারপর সেগুলো ফেরেশতাদের কাছে উপস্থাপন করলেন, অতঃপর বললেন— তোমরা আমাকে এ ইসমগুলো সম্পর্কে বলো যদি সত্যবাদী হয়ে থাকো।

(সুরা আল বাকারা/২ : ৩১)

ব্যাখ্যা : গুণবাচক ইসম হলো মানব জীবনের ন্যায়-অন্যায়, সাধারণ নৈতিকতা, বান্দার হক বা মানবাধিকারের বিষয়সমূহ। তাই, আল্লাহ তাঁয়ালা শাহী দরবারে ক্লাস নিয়ে, সকল মানব রুহকে মানব জীবনের ন্যায়-অন্যায়, সাধারণ নৈতিকতা, বান্দার হক বা মানবাধিকারের সকল বিষয় মানুষকে শিখিয়েছেন।

(সুরা বাকারা/২ : ৩১)

অতঃপর ঐ বিষয়গুলো মহান আল্লাহ মানব জ্ঞানের ব্রেইনে Common sense নামক জ্ঞানের উৎস (Micro Chips) হিসেবে জন্মগতভাবে দিয়ে দিয়েছেন। তথ্যটি কুরআনে উল্লিখিত আছে সুরা আশ্ শাসের ৭-১০ নং আয়াতের মাধ্যমে (ওপরে আলোচনা করা হয়েছে)।

২. ন্যায় ও অন্যায় কাজগুলোর মৌলিক বাস্তবায়ন পদ্ধতিও আল কুরআনে নির্ভুলভাবে উল্লিখিত আছে এবং কিয়ামত পর্যন্ত তা থাকবে।
৩. ন্যায় ও অন্যায় কাজগুলো বাস্তবায়ন করার জন্য যোগ্য মানুষ তৈরির প্রোগ্রামও কুরআনে নির্ভুলভাবে উল্লিখিত আছে এবং কিয়ামত পর্যন্ত তা থাকবে।

ঐ ধরনের যোগ্য মানুষ ছাড়া কেউ ন্যায়ের বাস্তবায়ন ও অন্যায়ের প্রতিরোধ করতে গেলে তা সমগ্র মানব জাতির জন্য কল্যাণকর হবে না। তা হবে ব্যক্তি, পরিবার, দল বা নিজ (ভৌগলিক জাতির) স্বার্থ উদ্ধারের জন্য।

তাই, আয়াতটি থেকে প্রত্যক্ষভাবে যা জানা যায়-

১. মানুষ হলো মহান আল্লাহর সকল সৃষ্টির মধ্যে শ্রেষ্ঠ জাতিগত সৃষ্টি (আশরাফুল মাখলুকাত)।
২. মানুষ সৃষ্টির মূল উদ্দেশ্য হলো- মানুষের কল্যাণ করা (মানুষ মানুষের জন্য)।
৩. সে কল্যাণের উপায় হলো- মানুষের জন্মগতভাবে জানা ন্যায় কাজগুলো বাস্তবায়ন এবং অন্যায় কাজগুলো প্রতিরোধ করা।
৪. ঐ কাজসহ সকল কাজ করার সময় কুরআনকে সকল জ্ঞানের আল্লাহ প্রদত্ত হার্ড কপি হিসেবে সবাইকে বিশ্বাস করতে হবে।

আর আয়াতটি থেকে পরোক্ষভাবে জানা যায়- মানব জীবনের অন্য বিভাগের কাজগুলো হলো মানুষ সৃষ্টির পাথেয় (মানুষ সৃষ্টির উদ্দেশ্য বাস্তবায়নের জন্য প্রয়োজনীয় বিষয়সমূহ)।

<p>উপাসনামূলক কাজ</p> <p>কুরআনের জ্ঞান অর্জন করা, ঈমান আনা, সালাত কায়েম করা, যাকাত দেওয়া, সিয়াম পালন করা, হাজ্জ করা ইত্যাদি</p>	<p>ন্যায় ও অন্যায় কাজ</p> <p>সত্য বলা, মিথ্যা না বলা, পরোপকার করা, নিজে পেট ভরে খেলে অপরে যেন অভুক্ত না থাকে, নিজে অট্টালিকায় থাকলে অপরে যেন ফুটপাতে না থাকে, নিজে উচ্চশিক্ষিত হলে অপরে যেন অশিক্ষিত না থাকে, নিজে ভালো কাপড় পরলে অপরে যেন কাপড় বিহীন না থাকে এ সকল বিষয়ে ভূমিকা রাখা, কারো ক্ষতি না করা ইত্যাদি</p>	<p>শরীর স্বাস্থ্য গঠনমূলক কাজ</p> <p>খাওয়া, পান করা, ব্যায়াম, চিকিৎসা ইত্যাদি</p>	<p>পরিবেশ পরিষ্কৃতি গঠনমূলক কাজ</p> <p>সাধারণ শিক্ষা, অর্থনীতি, বিজ্ঞান, প্রতিরক্ষা ইত্যাদি</p>
---	---	--	--

তথ্য-৪.১

وَلَقَدْ صَرَبْنَا لِلنَّاسِ فِي هَذَا الْقُرْآنِ مِنْ كُلِّ مَثَلٍ لَعَلَّهُمْ يَتَذَكَّرُونَ . قُرْآنًا عَرَبِيًّا غَيْرِ ذِي عِوَجٍ لَعَلَّهُمْ يَتَّقُونَ .

অনুবাদ : আর নিশ্চয় আমরা এই কুরআনে মানুষের জন্য সব ধরনের (Common sense, বিজ্ঞান, সত্য ঘটনা, সত্য কাহিনি ইত্যাদি) উদাহরণ উপস্থাপন করেছি যাতে তারা শিক্ষা-গ্রহণ করতে পারে। আরবী ভাষার এই কুরআনে কোনো বক্রতা নেই, যেন তারা (কুরআন থেকে শিক্ষা নিয়ে) আল্লাহ-সচেতন হতে পারে।

(সূরা যুমার/৩৯ : ২৭, ২৮)

ব্যাখ্যা : এ আয়াতসহ অনেক আয়াত থেকে জানা যায়— আল্লাহ তা'য়ালার কুরআনের মাধ্যমে জীবন সম্পর্কিত বিভিন্ন বিষয় মানুষকে শিক্ষা দিতে চেয়েছেন। Common sense অনুযায়ী যে বিষয় থেকে কোনো কিছু শিক্ষা দিতে চাওয়া হয় তা সবসময় পাথেয় বিভাগের বিষয় হয়। তাই, এ সকল আয়াত থেকে জানা যায়— কুরআনের জ্ঞানার্জন করা মানুষ সৃষ্টির পাথেয় বিভাগের বিষয়।

তথ্য-৪.২

وَالَّذِينَ يُنْفِقُونَ أَمْوَالَهُمْ رِئَاءَ النَّاسِ وَلَا يُؤْمِنُونَ بِاللَّهِ وَلَا بِالْيَوْمِ الْآخِرِ

অনুবাদ : আর যারা ধন-সম্পদ লোক দেখানোর জন্যে ব্যয় করে, এরা না আল্লাহর প্রতি ঈমান রাখে না পরকালের প্রতি ।

(সুরা নিসা/৪ : ৩৮)

ব্যাখ্যা : ধন-সম্পদ লোক দেখানোর জন্যে ব্যয় করা মানব জীবনের ন্যায়-অন্যায় বিভাগের একটি অন্যায় কাজ । তাই এ আয়াতসহ অনেক আয়াত থেকে জানা যায়- খুশি মনে ন্যায়-অন্যায় বিভাগের একটি অন্যায় কাজ করলে ঈমান থাকে না । এর কারণ হলো- ঈমান আনতে বলার উদ্দেশ্য হলো মানুষের মন-মানসিকতাকে এমনভাবে গঠন করা যেন তা মানুষকে অন্যায় কাজ করা থেকে বিরত রাখে । Common sense অনুযায়ী যে বিষয় দিয়ে কোনো কিছু গঠন করতে চাওয়া হয় তা সবসময় পাথেয় বিভাগের বিষয় হয় । তাই, এ সকল আয়াত থেকে জানা যায়- ঈমান আনা মানুষ সৃষ্টির পাথেয় বিভাগের বিষয় ।

তথ্য-৪.৩

وَأَقِمِ الصَّلَاةَ طَرَفِي الثَّهَارِ وَرُفْقًا مِنَ اللَّيْلِ إِنَّ الْحَسَنَاتِ يُذْهِبْنَ السَّيِّئَاتِ ذُنُوبًا
ذِكْرِي لِلذَّكْرَيْنِ.

অনুবাদ : আর তুমি সালাত কায়েম করো দিনের দুই প্রান্তে ও রাতের প্রথমার্শে । নেক আমল (সালাত) অবশ্যই (ছগীরা) গুনাহকে মিটিয়ে দেয় । এটি (সালাত) (কুরআনের শিক্ষা) স্মরণ রাখার এক অতি বড়ো ব্যবস্থা, (কুরআনের শিক্ষা) স্মরণ রাখতে চাওয়া ব্যক্তিদেব জন্ম ।

(সুরা হুদ/১১ : ১১৪)

ব্যাখ্যা : আয়াতটির 'এটি (সালাত) (কুরআনের শিক্ষা) স্মরণ রাখার এক অতি বড়ো ব্যবস্থা, (কুরআনের শিক্ষা) স্মরণ রাখতে চাওয়া ব্যক্তিদেব জন্ম' অংশের ব্যাখ্যা হলো- সালাত তাত্ত্বিক (Theoretical) ও ব্যবহারিক (Practical) উপায়ে, রিভিশন (Revision) দেওয়ার মাধ্যমে, কুরআনের শিক্ষা স্মরণ রাখার অতি বড়ো এক ব্যবস্থা, কুরআনের শিক্ষা স্মরণ রাখতে চাওয়া ব্যক্তিদেব জন্ম ।

তাহলে, সালাতের অনুষ্ঠান ও পঠিত বিষয় থেকে আল্লাহ তা'আলা বিভিন্ন বিষয় মানুষকে শিক্ষা দিতে চেয়েছেন । Common sense অনুযায়ী যে বিষয় থেকে কোনো কিছু শিক্ষা দিতে চাওয়া হয়, তা সবসময় পাথেয় বিভাগের বিষয় হয় । তাই, এ আয়াত থেকে জানা যায়- সালাত মানুষ সৃষ্টির পাথেয় বিভাগের বিষয় ।

তথ্য-8.8

يَا أَيُّهَا الَّذِينَ آمَنُوا كُتِبَ عَلَيْكُمُ الصِّيَامُ كَمَا كُتِبَ عَلَى الَّذِينَ مِن قَبْلِكُمْ لَعَلَّكُمْ تَتَّقُونَ.

অনুবাদ : হে যারা ঈমান এনেছো! তোমাদের ওপর সিয়াম বিধিবদ্ধ (ফরজ) করা হয়েছে যেমন তা বিধিবদ্ধ করা হয়েছিল তোমাদের পূর্ববর্তীদের ওপর, যাতে (তা থেকে শিক্ষা নিয়ে) তোমরা (বিশেষ ধরনের) আল্লাহ-সচেতন হতে পারো।

(সুরা বাকারা/২ : ১৮৩)

ব্যাখ্যা : আয়াতটির মাধ্যমে আল্লাহ তা'য়ালার সিয়াম ফরজ করার কারণটি বলে দিয়েছেন। সে কারণ হলো- সিয়ামের অনুষ্ঠানের শিক্ষার মাধ্যমে এক বিশেষ ধরনের আল্লাহ সচেতন (মুত্তাকী) মানুষ গঠন করা। সে বিশেষ ধরনের আল্লাহ সচেতন মানুষ হলো তারা যারা- পেটের ক্ষুধা ও জৈবিক চাহিদা উপেক্ষা করে আল্লাহ যা নিষেধ করেছেন তা থেকে দূরে থাকবে। তাই, এ আয়াতের আলোকেও সহজে বলা যায়- সিয়াম মানুষ সৃষ্টির পাথেয় বিভাগের বিষয়।

তথ্য-8.৫

لَنْ يَنَالَ اللَّهُ لُحُومُهَا وَلَا دِمَاؤها وَلَكِنَّ يَنَالُهُ التَّقْوَىٰ مِنْكُمْ.....

অনুবাদ : এদের (কুরবানীর পশুর) গোশত এবং রক্ত কখনই আল্লাহর কাছে পৌঁছে না বরং পৌঁছে (এর মাধ্যমে অর্জিত) তোমাদের (বিশেষ ধরনের) আল্লাহ-সচেতনতা;

(সুরা হজ্জ/২২ : ৩৭)

ব্যাখ্যা : এ আয়াতের মাধ্যমে মহান আল্লাহ জানিয়ে দিয়েছেন- কুরবানীকৃত পশুর গোশত ও রক্ত তাঁর কাছে পৌঁছায় না। তাঁর কাছে পৌঁছায় কুরবানীর অনুষ্ঠানের মাধ্যমে তিনি যে বিশেষ ধরনের আল্লাহ সচেতনতার শিক্ষা দিয়েছেন সেটি। সে শিক্ষাটি হলো- প্রচণ্ড ত্যাগ স্বীকার এমনকি জীবন গেলেও আল্লাহ যা নিষেধ করেছেন তা না করা। তাই, এ আয়াতের আলোকে সহজে বলা যায়- কুরবানী মানুষ সৃষ্টির পাথেয় বিভাগের বিষয়।

সম্মিলিত শিক্ষা : এগুলোসহ আরও আয়াত থেকে স্পষ্টভাবে জানা যায়- কুরআন তিলাওয়াত, ঈমান আনা, সালাত, সিয়াম, কুরবানী তথা উপাসনা বিভাগের বিষয়গুলো মানুষ সৃষ্টির পাথেয় বিভাগের বিষয়।

<p>উপাসনামূলক কাজ</p> <p>কুরআনের জ্ঞান অর্জন করা, ঈমান আনা, সালাত কায়েম করা, যাকাত দেওয়া, সিয়াম পালন করা, হাজ্জ করা ইত্যাদি</p>	<p>ন্যায় ও অন্যায় কাজ</p> <p>সত্য বলা, মিথ্যা না বলা, পরোপকার করা, নিজে পেট ভরে খেলে অপরে যেন অভুক্ত না থাকে, নিজে অট্টালিকায় থাকলে অপরে যেন ফুটপাতে না থাকে, নিজে উচ্চশিক্ষিত হলে অপরে যেন অশিক্ষিত না থাকে, নিজে ভালো কাপড় পরলে অপরে যেন কাপড় বিহীন না থাকে এ সকল বিষয়ে ভূমিকা রাখা, কারো ক্ষতি না করা ইত্যাদি</p>	<p>শরীর স্বাস্থ্য গঠনমূলক কাজ</p> <p>খাওয়া, পান করা, ব্যায়াম, চিকিৎসা ইত্যাদি</p>	<p>পরিবেশ পরিষ্কার গঠনমূলক কাজ</p> <p>সাধারণ শিক্ষা, অর্থনীতি, বিজ্ঞান, প্রতিরক্ষা ইত্যাদি</p>
---	---	--	---

♣♣ এ পর্যন্ত উল্লিখিত আয়াতসমূহ থেকে নিশ্চিতভাবে জানা যায় যে—

১. জন্মগতভাবে জানা তথা মানব জীবনের ন্যায়-অন্যায় বিভাগের কাজগুলো হলো মানুষ সৃষ্টির উদ্দেশ্য।
২. মানব জীবনের অন্য ৩ বিভাগের (উপাসনা, শরীর-স্বাস্থ্য গঠন ও পরিবেশ-পরিষ্কার গঠন) কাজগুলো মানুষ সৃষ্টির পাথেয় তথা উদ্দেশ্য সাধনের জন্য সহায়ক বিষয়।

তথ্য-৫

وَمَا خَلَقْتُ الْجِنَّ وَالْإِنْسَ إِلَّا لِيَعْبُدُونِ .

অনুবাদ : আর আমি জ্বীন ও মানুষকে শুধু আমার দাসত্ব করার জন্য সৃষ্টি করেছি।
(সূরা যারিয়াত/৫১ : ৫৬)

ব্যাখ্যা : কুরআনের যে সকল আয়াতের অসতর্ক ব্যাখ্যা, জীবনের সকল দিকের এক সময়ের শ্রেষ্ঠ মুসলিম জাতিকে বর্তমানে একটা চরম অধঃপতিত জাতিতে পরিণত করেছে তার মধ্যে এটি অন্যতম প্রধান। আয়াতটির দুটো অসতর্ক ব্যাখ্যা মুসলমান জাতির মধ্যে ব্যাপকভাবে চালু আছে এবং সে অনুযায়ী আমলও করা হচ্ছে।

একটি অসতর্ক ব্যাখ্যা

বেশির ভাগ মুসলিম মনে করেন বা মেনে নিয়েছেন— ‘ইবাদত’ শব্দটি দিয়ে বোঝায় সালাত, যাকাত, সিয়াম, হাজ্জ, কুরবানী, তাসবিহ-তাহলীল ইত্যাদি

উপাসনামূলক কাজ। তারা আরও মনে করেন ‘ইবাদত করার’ অর্থ হচ্ছে শুধু ঐ কাজগুলোর অনুষ্ঠানটি করা। তাই, বর্তমানে অধিকাংশ মুসলিম এ আয়াতের ভিত্তিতে সালাত, যাকাত, সিয়াম, হাজ্জ, কুরবানী ইত্যাদি উপাসনামূলক কাজগুলোর অনুষ্ঠানটি পালন করাকে মানুষ সৃষ্টির উদ্দেশ্য ধরে নিয়েছে। আর তাই দেখা যায়, কুরআন ও সুন্নাহ ‘ন্যায় (معروف) এবং অন্যায় (منكر) বিভাগে যে কাজগুলোকে উল্লেখ করেছে সেগুলো পালন করা এবং উপাসনামূলক কাজগুলো থেকে আল্লাহ যে শিক্ষা দিতে চেয়েছেন সে শিক্ষাগুলো জানা ও তার ওপর আমল করার দিকে তাদের খেয়াল খুবই কম।

আলোচ্য আয়াতটির এ অর্থ ও ব্যাখ্যা কোনো মতেই গ্রহণযোগ্য হতে পারে না। কারণ, আয়াতটির এটি পূর্বে আলোচনাকৃত আল কুরআনের সকল আয়াতের বক্তব্যের স্পষ্ট বিরোধী।

দ্বিতীয় অসতর্ক ব্যাখ্যা

আয়াতটির দ্বিতীয় যে ব্যাখ্যা বর্তমান মুসলিম সমাজে চালু আছে তা হলো- ‘আমি জ্বীন ও মানুষকে সৃষ্টি করেছি শুধু আমার দাসত্ব করার জন্য’। আয়াতটির এ অর্থে لِيُعْبُدُونَ শব্দের সঠিক অর্থটিই করা হয়েছে। কারণ, ঐ শব্দটি এসেছে আরবী عبد শব্দ থেকে। এ শব্দটির অর্থ হচ্ছে ‘দাস’। কিন্তু আয়াতটির অনুবাদে দাসত্ব শব্দটির কোনো ব্যাখ্যা না দিয়ে সরাসরি এভাবে লিখলে বা বললে যে অসুবিধা হয় তা হলো- উপাসনা বিভাগের কাজগুলোও মানুষ সৃষ্টির উদ্দেশ্যের মধ্যে এসে যায়। কারণ, উপাসনা বিভাগের কাজগুলোও (ঈমান, সালাত, যাকাত, সিয়াম, হাজ্জ, কুরবানী ইত্যাদি) আল্লাহর দাসত্বের অন্তর্ভুক্ত তথা আল্লাহর একজন দাসের করণীয় কাজ।

তাই আয়াতটির অনুবাদ এটি করলে তা পূর্বে আলোচনাকৃত আল কুরআনের সবগুলো তথ্যের সঙ্গে প্রত্যক্ষ বা পরোক্ষভাবে সাংঘর্ষিক হয়ে যায়। সুতরাং আয়াতটির অনুবাদ এভাবে করা বা লেখাও সঠিক নয়।

আয়াতটির সঠিক অনুবাদ বা ব্যাখ্যামূলক অনুবাদ : মানুষ সৃষ্টির উদ্দেশ্যের সঙ্গে সম্পর্কযুক্ত আল কুরআনের অন্য সকল আয়াতের সঙ্গে সামঞ্জস্য রেখে এবং لِيُعْبُدُونَ শব্দের সঠিক অর্থ ধরে আয়াতটির সঠিক অনুবাদ বা ব্যাখ্যামূলক অনুবাদ হবে- ‘আমি জ্বীন ও মানুষকে সৃষ্টি করেছি শুধুমাত্র আমার দাসত্বের শর্ত পূরণ করে জীবন পরিচালনা করার জন্য’।

এ অনুবাদটি মানুষ সৃষ্টির উদ্দেশ্য বর্ণনাকারী অন্যান্য আয়াতের বক্তব্যের সঙ্গে সামঞ্জস্যশীল হবে। কারণ, জীবন পরিচালনা নামক ব্যাপক কর্মকাণ্ডটি আল্লাহর দাসত্ব হিসেবে গণ্য হতে হলে নিম্নের শর্তগুলো পূরণ করতে হয়—

১. জীবন পরিচালনার সময় (জীবনের প্রতিটি কাজ করার সময়) আল্লাহর সন্তুষ্টিতে সবসময় সামনে রাখতে হবে।
২. জীবন পরিচালনার সময় মানুষ সৃষ্টির ‘উদ্দেশ্য বিভাগ’ তথা ন্যায়-অন্যায় বিভাগের কাজগুলোকে উদ্দেশ্যের স্থানে রেখে জীবনকে পরিচালনা করতে হবে।
৩. জীবন পরিচালনার সময় মানুষ সৃষ্টির ‘পাথেয় বিভাগ’ তথা উপাসনা, শরীর-স্বাস্থ্য গঠন ও পরিবেশ-পরিষ্কৃতি গঠন বিভাগের কাজগুলোকে উদ্দেশ্য বিভাগের কাজগুলো পালনে সহায়তামূলক কাজের স্থানে রেখে জীবনকে পরিচালনা করতে হবে।
৪. জীবনের প্রতিটি কাজ আল্লাহর জানানো এবং রাসূল (সা.)-এর দেখানো পদ্ধতিতে করতে হবে।
৫. জীবনের আল্লাহ ঘোষিত আনুষ্ঠানিক উপাসনামূলক কাজগুলো (ঈমান আনা, সালাত, যাকাত, সিয়াম ও কুরবানী) নিষ্ঠার সঙ্গে পালন করে প্রতিটি অনুষ্ঠান ও পঠিত বিষয় থেকে দিতে চাওয়া শিক্ষাগুলো নিতে হবে।
৬. আনুষ্ঠানিক উপাসনাগুলো থেকে নেওয়া শিক্ষা বাস্তবে প্রয়োগ করতে হবে।
৭. জীবন পরিচালনার সময় আল্লাহর জানানো মৌলিক কাজগুলোর একটিও বাদ দেওয়া যাবে না।
৮. জীবন পরিচালনার সময় গুরুত্ব অনুযায়ী কাজগুলো আগে বা পরে পালন করা।

বিষয়টি নিয়ে বিস্তারিত আলোচনা আছে ‘মু’মিনের আমল কবুলের শর্ত প্রচলিত ধারণা ও সঠিক তথ্য’ (গবেষণা সিরিজ-৫) নামক বইটিতে।

সুধী পাঠক, চিন্তা করে দেখুন— মাত্র একটি শব্দের (مُؤْمِنٌ) অসতর্ক ব্যাখ্যা ও বুঝ কীভাবে পৃথিবীর এক সময়ের শ্রেষ্ঠ জাতিকে চরম অধঃপতিত জাতিতে পরিণত করেছে বা কীভাবে তাদের জান্নাত থেকে জাহান্নামের দিকে নিয়ে যাচ্ছে। এই অসতর্ক ব্যাখ্যাটির জন্য অধিকাংশ মুসলিম আজ মনে করছে বা মেনে নিয়েছে, তাদের সৃষ্টি করা হয়েছে সালাত, যাকাত, সিয়াম, হাজ্জ, কুরবানী, তাসবিহ-তাহলীল ইত্যাদি উপাসনামূলক কাজগুলো করার জন্য। তাই তো দেখা যায়—

১. উপাসনামূলক আমলগুলো নিষ্ঠার সাথে পালন করছেন এমন মুসলিমদের অধিকাংশেরই ন্যায়-অন্যায় বিভাগের কাজগুলো বাস্তবায়নের প্রতি তেমন বা মোটেই খেয়াল নেই।
২. মুসলিম সমাজ বা দেশগুলোতে ন্যায় কাজের দারুণ অভাব, কিন্তু অন্যায় কাজে ভরপুর।

তথ্য-৬

..... إِيَّيْ جَاعِلٌ فِي الْأَرْضِ خَلِيفَةً.....

(বাকারা/২ : ৩০)

..... وَهُوَ الَّذِي جَعَلَكُمْ خَلَائِفَ الْأَرْضِ.....

(আন-আম/৬ : ১৬৫)

তাফসীর গ্রন্থসমূহে প্রথম আয়াতটির অনুবাদ করা হয়েছে ‘আমি পৃথিবীতে খলিফা পাঠাতে যাচ্ছি’ এবং দ্বিতীয়টির অনুবাদ করা হয়েছে, ‘তিনিই তোমাদের পৃথিবীতে খলিফা করে পাঠিয়েছেন’। আর এ অনুবাদের ব্যাখ্যা থেকে বলা হয়েছে— ‘খলিফার দায়িত্ব পালন করার জন্যে আল্লাহ্ মানুষ সৃষ্টি করেছেন’।

আয়াত দুটির তরজমা এভাবে করলে খলিফার করণীয় সকল কাজই তার সৃষ্টির উদ্দেশ্যের মধ্যে এসে যায়। উপাসনামূলক (সালাত, যাকাত, সিয়াম, হাজ্জ, কুরবানী ইত্যাদি) কাজগুলোও খলিফার কাজ। তাই এভাবে অনুবাদ করলে ঐ কাজগুলোও মানুষ সৃষ্টির উদ্দেশ্যের মধ্যে এসে যায়। এটা পূর্ব উল্লেখিত কুরআনের অনেক তথ্যের বিরোধী কথা। সুতরাং আয়াত দুটির এভাবে উপস্থাপনকৃত অনুবাদ ও ব্যাখ্যা গ্রহণযোগ্য হতে পারে না।

আয়াত দুটির সঠিক অনুবাদ বা ব্যাখ্যামূলক অনুবাদ : খলিফা অর্থ প্রতিনিধি। প্রতিনিধির কাজ হলো নিয়োগকারী কর্তৃপক্ষের বলে দেওয়া অবশ্য পূরণীয় সকল শর্ত পূরণ করে তার প্রতিনিধিত্ব করা। প্রতিনিধিত্বের অবশ্য পূরণীয় শর্তগুলো আর দাসত্বের অবশ্য পূরণীয় শর্তগুলো একই। অর্থাৎ ৫ নং তথ্যে দাসত্বের যে শর্তগুলো উল্লেখ করা হয়েছে প্রতিনিধিত্বের শর্তগুলো হবে হুবহু ঐ রকম। শুধু সেখানে ‘দাস ও দাসত্বের’ স্থানে ‘প্রতিনিধি ও প্রতিনিধিত্ব’ পড়লেই হবে।

তাই, প্রথম আয়াতটির সঠিক অনুবাদ হবে— ‘আমি পৃথিবীতে আমার প্রতিনিধিত্বের শর্ত পূরণ করে জীবন পরিচালনাকারী সৃষ্টি পাঠাতে যাচ্ছি’ এবং

দ্বিতীয় আয়াতটির সঠিক অনুবাদ হবে- ‘তিনিই তাঁর প্রতিনিধিত্বের শর্ত পূরণ করে জীবন পরিচালনাকারী সৃষ্টিরূপে তোমাদের পৃথিবীতে পাঠিয়েছেন’।

আর মানুষ সৃষ্টির উদ্দেশ্যের সঙ্গে সম্পর্কযুক্ত অন্য আয়াতগুলোর বক্তব্যের সঙ্গে সামঞ্জস্য রেখে এই আয়াত দুটির চূড়ান্ত ব্যাখ্যা হবে- ‘আল্লাহ তা’য়ালা জন্মগতভাবে জানা ন্যায় কাজ বাস্তবায়ন ও অন্যায় কাজ প্রতিরোধ করার উদ্দেশ্যকে সামনে রেখে খলিফা হিসেবে জীবন পরিচালনা করার জন্য মানুষকে পৃথিবীতে পাঠিয়েছেন’।

তথ্য-৭.১

... .. أَفْتُمِئُونَ بِبَعْضِ الْكِتَابِ وَتَكْفُرُونَ بِبَعْضٍ فَمَا جَزَاءُ مَنْ يَفْعَلْ ذَلِكَ مِنْكُمْ إِلَّا خِزْيٌ فِي الْحَيَاةِ الدُّنْيَا ۗ وَيَوْمَ الْقِيَامَةِ يُرَدُّونَ إِلَىٰ أَشَدِّ الْعَذَابِ ۗ وَمَا اللَّهُ بِغَافِلٍ عَمَّا تَعْمَلُونَ . أُولَٰئِكَ الَّذِينَ اشْتَرُوا الْحَيَاةَ الدُّنْيَا بِالْآخِرَةِ ۗ فَلَا يُخَفَّفُ عَنْهُمُ الْعَذَابُ وَلَا هُمْ يُنصَرُونَ .

অনুবাদ: তাহলে কি তোমরা কিতাবের কিছু অংশের ওপর ঈমান আনছো এবং অন্য অংশকে অস্বীকার করছো? অতঃপর তোমাদের মধ্যে যারা এ ধরনের কাজ করে তাদের প্রতিদান দুনিয়ার জীবনে লাঞ্ছনা ছাড়া আর কিছুই হবে না। আর কিয়ামতের দিন তাদের সবচেয়ে কঠিন শাস্তিতে নিষ্ক্ষেপ করা হবে। আর তোমাদের কৃতকর্ম সম্পর্কে আল্লাহ বেখবর নন। ওরাই তারা যারা আখিরাতের বিনিময়ে দুনিয়ার জীবন কিনে নিয়েছে। তাই তাদের শাস্তি কমানো হবে না এবং তাদের কোনো সাহায্যও করা হবে না।

(সুরা বাকারা/২ : ৮৫, ৮৬)

ব্যাখ্যা : ঈমান = জ্ঞান+বিশ্বাস। তাই এখানে যারা আল্লাহর কিতাব কুরআনের কিছু অংশের জ্ঞানার্জন করবে (জানবে) ও বিশ্বাস করবে এবং কিছু অংশের জ্ঞানার্জন করবে না (জানবে না) ও বিশ্বাস করবে না তাদের সম্পর্কে আয়াতের-

১. প্রথমে বলা হয়েছে, দুনিয়ার জীবনে তাদের লাঞ্ছনা এবং পরকালে সবচেয়ে কঠিন শাস্তি ভোগ করতে হবে।
২. শেষে বলা হয়েছে, তাদের শাস্তি কমানো হবে না এবং তাদের কোনো সাহায্যও করা হবে না।

তাই আয়াতটির এ অংশের মাধ্যমে জানিয়ে দেওয়া হয়েছে- যারা কুরআনের বক্তব্যের কিছু জানবে ও বিশ্বাস করবে আর কিছু জানবে না ও বিশ্বাস করবে

না, দুনিয়ায় তাদের দূর্ভোগ ও লাঞ্ছনা হবে এবং আখিরাতে হবে কঠিন স্থায়ী। কারণ, জ্ঞান ও বিশ্বাস অনুযায়ী মানুষের আমল হয়। তাই, যারা কুরআনের বক্তব্যের কিছু জানবে ও বিশ্বাস করবে আর কিছু জানবে না ও বিশ্বাস করবে না, তারা কুরআনের কিছু বিষয় অনুসরণ করবে এবং কিছু বিষয় অনুসরণ করবে না।

কুরআনে আছে মানুষের জীবনের উদ্দেশ্য ও পাথেয় বিভাগের সকল মূল বিষয়। তাই, এ আয়াত থেকে জানা যায়—

১. মানুষ সৃষ্টির উদ্দেশ্য ও পাথেয় বিভাগের যে বিষয়গুলো কুরআনে উল্লেখ আছে তার সবগুলো জানতে ও বিশ্বাস করতে হবে।
২. অনুসরণের মাধ্যমে সে জানা ও বিশ্বাসের প্রমাণ দেখাতে হবে।

তথ্য-৭.২

إِنَّ الَّذِينَ ارْتَدُّوا عَلَىٰ أَدْبَارِهِمْ مِّنْ بَعْدِ مَا تَبَيَّنَ لَهُمُ الْهُدَىٰ الشَّيْطَانُ سَوَّلَ لَهُمْ
وَأَمَلَىٰ لَهُمْ . ذَٰلِكَ بِأَنَّهُمْ قَالُوا لِلَّذِينَ كَرِهُوا مَا نَزَّلَ اللَّهُ سَنُطِيعُكُمْ فِي بَعْضِ
الْأَمْرِ ۗ وَاللَّهُ يَعْلَمُ إِسْرَارَهُمْ . فَكَيْفَ إِذَا تَوَفَّتْهُمُ الْمَلَائِكَةُ يَضْرِبُونَ وُجُوهَهُمْ
وَأَدْبَارَهُمْ . ذَٰلِكَ بِأَنَّهُمْ اتَّبَعُوا مَا أَسْخَطَ اللَّهُ وَكَرِهُوا رِضْوَانَهُ فَأَحْبَطَ أَعْمَالَهُمْ .

অনুবাদ : নিশ্চয় যারা নিজেদের কাছে সৎপথ স্পষ্ট হবার পর তা থেকে তাদের পেছনের দিকে ফিরে যায়, শয়তান তাদের প্ররোচিত করেছে এবং তাদের কাছে মিথ্যা আশাবাদকে প্রলম্বিত করেছে। এটা এজন্য যে, আল্লাহ যা অবতীর্ণ করেছেন তা যারা অপছন্দ করে তাদেরকে তারা বলে— আমরা কিছু বিষয়ে তোমাদের আনুগত্য করবো। আর আল্লাহ তাদের গোপন ষড়যন্ত্র অবগত আছেন। অতঃপর তখন কেমন হবে যখন ফেরেশতা তাদের মুখমণ্ডল ও পিঠে আঘাত করতে করতে মৃত্যু ঘটাবে? এটা এজন্য যে, তারা তার অনুসরণ করে যা আল্লাহর অসন্তোষ জন্মায় এবং তাঁর সন্তুষ্টিকে অপছন্দ করে। এজন্যে তিনি তাদের সকল আমল নিষ্ফল করে দেবেন।

(সুরা মুহাম্মাদ/৪৭ : ২৫-২৮)

ব্যাখ্যা : প্রথম আয়াতটিতে কিতাবের মাধ্যমে হিদায়াত সুস্পষ্টভাবে প্রকাশ পাওয়ার পর যারা তা থেকে ফিরে যায়, তাদের কিছু অবস্থা বলা হয়েছে। আর দ্বিতীয় আয়াতটিতে এই ফিরে যাওয়া বলতে কী বোঝায়, তা বলা হয়েছে। ফিরে যাওয়া হলো— জীবনের কিছু ব্যাপারে আল্লাহর কিতাবকে অনুসরণ করা আর কিছু ব্যাপারে অন্য কারো (গায়রুল্লাহ) কথা অনুসরণ করা।

এ ধরনের আচরণের ব্যাপারে এই আয়াতগুলোতে যা বলা হয়েছে তা হলো—

১. ঐ ধরনের আচরণের জন্যে শয়তান তাদের সামনে মিথ্যা আশা-আকাঙ্ক্ষার ধারা প্রশস্ত করে দিয়েছে। অর্থাৎ শয়তান তাদের ধারণা দিয়েছে, ঐ রকম আচরণ করলেও তারা সফল হবে এবং ইহকাল ও পরকালে সুখে-শান্তিতে থাকতে পারবে।
২. ঐ ধরনের আচরণের জন্যে মৃত্যুকালে ফেরেশতারা তাদের মুখে ও পিঠে আঘাত করে জর্জরিত করবে।
৩. ঐ ধরনের আচরণের অর্থ হচ্ছে আল্লাহর অসন্তুষ্টিকে পছন্দ করা এবং সন্তুষ্টিকে অপছন্দ করা।
৪. ঐ আচরণের জন্যে তাদের সকল আমল নিষ্ফল হয়ে যাবে।

এ আয়াত থেকেও তাই জানা যায়— মানুষ সৃষ্টির উদ্দেশ্য ও পাথেয় বিভাগের যে বিষয়গুলো কুরআনে উল্লেখ আছে তার সবগুলো পালন করতে হবে।

তথ্য-৭.৩

وَالَّذِينَ يُنْفِقُونَ أَمْوَالَهُمْ رِئَاءَ النَّاسِ وَلَا يُؤْمِنُونَ بِاللَّهِ وَلَا بِالْيَوْمِ الْآخِرِ وَمَنْ يَكُنِ الشَّيْطَانُ لَهُ قَرِينًا فَسَاءَ قَرِينًا.

অনুবাদ : আর যারা মানুষকে দেখানোর জন্য তাদের ধন-সম্পদ ব্যয় করে তারা না আল্লাহকে বিশ্বাস করে এবং না আখিরাতে। আর তাদের সঙ্গী হয় শয়তান, আর সে সঙ্গী কতই না মন্দ! (সূরা নিসা/৪ : ৩৮)

ব্যাখ্যা : মানুষকে দেখানোর জন্য ধন-সম্পদ ব্যয়সহ যে কোনো কাজ করা (রিয়া) ইসলামের একটি মূল নিষিদ্ধ বিষয়। আর আল্লাহ এবং পরকালে বিশ্বাস করে না বলে খেতাব পাওয়া ব্যক্তির জীবন শতভাগ ব্যর্থ। তাই, এ আয়াতের আলোকে বলা যায়— কুরআন উল্লেখ থাকা মূল নিষিদ্ধ বিষয়সমূহের একটিও পালন করলে মানব জীবন শতভাগ ব্যর্থ হবে।

তথ্য-৭.৪

وَمَا كَانَ لِمُؤْمِنٍ أَنْ يُقْتَلَ مُؤْمِنًا إِلَّا خَطَأً وَمَنْ يُقْتَلْ مُؤْمِنًا مَئِمَّةً فَجَزَاءُ جَهَنَّمَ خَالِدًا فِيهَا وَغَضِبَ اللَّهُ عَلَيْهِ وَلَعْنَهُ وَأَعَدَّ لَهُ عَذَابًا عَظِيمًا .

অনুবাদ : একজন মু'মিনকে হত্যা করা কোনো মু'মিনের জন্য সঙ্গত নয়, তবে ভুলবশত করলে স্বতন্ত্র কথা আর যে ইচ্ছাকৃতভাবে কোনো মু'মিনকে হত্যা করে তার স্থান জাহান্নামে, সেখানে সে চিরকাল অবস্থান করবে, আর আল্লাহ তার ওপর রাগান্বিত হন, তাকে লান'ত করেন এবং তার জন্য প্রশস্ত রেখেছেন মহাশাস্তি। (সূরা নিসা/৪ : ৯২, ৯৩)

ব্যখ্যা : কাউকে অন্যায়ভাবে হত্যা করা বড়ো (মূল) নিষিদ্ধ কাজ। চিরকাল জাহান্নামে থাকার অর্থ জীবন শতভাগ ব্যর্থ। তাহলে এ আয়াতের আলোকে সাধারণভাবে বলা যায়— কুরআনে উল্লিখিত মূল নিষিদ্ধ বিষয়ের একটিও পালন করলে বা মূল করণীয় বিষয়ের একটিও পালন না করলে মানব জীবন শতভাগ ব্যর্থ হবে।

তথ্য-৭.৫

... .. وَأَحَلَّ اللَّهُ الْبَيْعَ وَحَرَّمَ الرِّبَا فَمَنْ جَاءَهُ مَوْعِظَةٌ مِّن رَّبِّهِ فَاتَّبَعَهَا فَلَهُ مَاسَلَفٌ وَأَمْرُهُ إِلَى اللَّهِ وَمَنْ عَادَ فَأُولَئِكَ أَصْحَابُ النَّارِ هُمْ فِيهَا خَالِدُونَ .

অনুবাদ : অথচ আল্লাহ বেচা-কেনাকে হালাল করেছেন এবং সুদকে করেছেন হারাম; অতঃপর যে ব্যক্তির কাছে তার প্রতিপালকের পক্ষ থেকে উপদেশ পৌঁছার পর সে বিরত হয়েছে, সে পূর্বে যা খেয়েছে তা তারই (বিষয়), তবে তার বিষয়টি আল্লাহর কাছে সমর্পিত। আর যারা (নির্দেশ পাওয়ার পরও) পুনরাবৃত্তি করেছে তারা জাহান্নামের অধিবাসী; সেখানে তারা চিরকাল থাকবে। (সূরা বাকারা/২ : ২৭৫)

ব্যখ্যা : সুদ খাওয়া বড়ো (মূল) নিষিদ্ধ কাজ। তাহলে এ আয়াতের আলোকেও সাধারণভাবে বলা যায়— কুরআনে উল্লিখিত মূল নিষিদ্ধ বিষয়ের একটিও পালন করলে বা মূল করণীয় বিষয়ের একটিও পালন না করলে মানব জীবন শতভাগ ব্যর্থ হবে।

وَمَنْ يُعْصِ اللَّهَ وَرَسُولَهُ وَيَتَعَدَّ حُدُودَهُ يُدْخِلْهُ نَارًا خَالِدًا فِيهَا وَلَهُ عَذَابٌ مُّهِينٌ .

অনুবাদ : আর যে (মু'মিন) ব্যক্তি (মিরাস বন্টনের ব্যাপারে) আল্লাহ ও তার রাসুলের অবাধ্য হবে এবং তার নির্ধারিত সীমা লঙ্ঘন করবে তিনি তাকে আগুনে প্রবেশ করাবেন, সেখানে সে চিরকাল থাকবে এবং তার জন্য রয়েছে অপমানকর শাস্তি। (সূরা নিসা/৪ : ১৪)

ব্যখ্যা : মিরাস বন্টন একটি মূল করণীয় কাজ। তাহলে এ আয়াতের আলোকে সাধারণভাবে বলা যায়— কুরআনে উল্লিখিত মূল করণীয় বিষয়ের একটিও পালন না করলে বা মূল নিষিদ্ধ বিষয়ের একটিও করলে মানব জীবন শতভাগ ব্যর্থ হবে।

সম্মিলিত শিক্ষা : ৭ নং তথ্যের আয়াতসমূহের আলোকে নিশ্চিতভাবে বলা যায়— মানুষ সৃষ্টির উদ্দেশ্য ও পাথেয় বিভাগের যে বিষয়গুলো কুরআনে উল্লেখ আছে তার সবগুলো পালন করতে হবে।


মানুষ সৃষ্টির উদ্দেশ্য ও পাথেয় সম্পর্কে ইসলামের চূড়ান্ত রায়

২৩ পৃষ্ঠায় উল্লিখিত নির্ভুল জ্ঞানার্জন ও ব্যবস্থা গ্রহণের ইসলাম প্রদত্ত প্রবাহচিত্র (নীতিমালা) অনুযায়ী- কোনো বিষয়ে ইসলামের প্রাথমিক রায়কে (Common sense-এর রায়) যদি কুরআন সমর্থন করে তবে ঐ প্রাথমিক রায় হবে বিষয়টির ব্যাপারে ইসলামের চূড়ান্ত রায়। পূর্বেই আমরা মানুষ সৃষ্টির উদ্দেশ্য ও পাথেয় সম্পর্কে ইসলামের প্রাথমিক রায় জেনেছি। ওপরে উল্লিখিত কুরআনের তথ্যগুলো থেকে সহজে বোঝা যায় কুরআন ঐ প্রাথমিক রায়কে দৃঢ়ভাবে সমর্থন করে। তাই, নির্ভুল জ্ঞানার্জনের ইসলামী নীতিমালা অনুযায়ী বলা যায়, মানুষ সৃষ্টির উদ্দেশ্য ও পাথেয় সম্পর্কে ইসলামের চূড়ান্ত রায় হলো-

১. জন্মগতভাবে জানা বিষয়গুলো (মানব জীবনের ন্যায়-অন্যায় বিভাগের কাজগুলো) বাস্তবায়ন করা তথা ন্যায় কাজের বাস্তবায়ন করা এবং অন্যায় কাজগুলো প্রতিরোধ করা হবে মানুষ সৃষ্টির উদ্দেশ্য।
২. জীবনের অন্য ৩ বিভাগের বিষয় হলো মানুষ সৃষ্টির পাথেয়। অর্থাৎ উদ্দেশ্য সাধনের জন্য প্রয়োজনীয় বিষয়।
৩. উদ্দেশ্য ও পাথেয় বিভাগের মৌলিক বিষয়ের সবগুলো পালন করতে হবে।

<p>উপাসনামূলক কাজ</p> <p>কুরআনের জ্ঞান অর্জন করা, ঈমান আনা, সালাত কায়েম করা, যাকাত দেওয়া, সিয়াম পালন করা, হাজ্জ করা ইত্যাদি</p>	<p>ন্যায় ও অন্যায় কাজ</p> <p>সত্য বলা, মিথ্যা না বলা, পরোপকার করা, নিজে পেট ভরে খেলে অপরে যেন অভুক্ত না থাকে, নিজে অট্টালিকায় থাকলে অপরে যেন ফুটপাতে না থাকে, নিজে উচ্চশিক্ষিত হলে অপরে যেন অশিক্ষিত না থাকে, নিজে ভালো কাপড় পরলে অপরে যেন কাপড় বিহীন না থাকে এ সকল বিষয়ে ভূমিকা রাখা, কারো ক্ষতি না করা ইত্যাদি</p>	<p>শরীর স্বাস্থ্য গঠনমূলক কাজ</p> <p>খাওয়া, পান করা, ব্যায়াম, চিকিৎসা ইত্যাদি</p>	<p>পরিবেশ পরিষ্কার গঠনমূলক কাজ</p> <p>সাধারণ শিক্ষা, অর্থনীতি, বিজ্ঞান, প্রতিরক্ষা ইত্যাদি</p>
---	---	--	---

আর মানুষ সৃষ্টির উদ্দেশ্য ও পাথেয় সম্পর্কিত চূড়ান্ত রায়ের প্রবাহচিত্র হলো—



মানুষ সৃষ্টির উদ্দেশ্য ও পাথেয় সম্পর্কে ইসলামের চূড়ান্ত রায় সমর্থনকারী হাদীস

আমাদের গবেষণা অনুযায়ী, হাদীস পর্যালোচনা করে কোনো বিষয়ে সিদ্ধান্তে পৌঁছার মূলনীতি ৪টি—

১. সঠিক হাদীস (সনদ ও মতন সहीহ হাদীস) কুরআনের সম্পূরক বা অতিরিক্ত হবে; বিপরীত হবে না।
২. একই বিষয়ের সকল হাদীস পাশাপাশি রেখে পর্যালোচনা করে চূড়ান্ত সিদ্ধান্তে পৌঁছাতে হবে।
৩. সঠিক হাদীস, সঠিক Common sense-এর (আকলে সালিম) রায়ের বিরোধী হবে না।
৪. সঠিক হাদীস বিজ্ঞানের প্রতিষ্ঠিত তথ্যের বিরোধী হবে না।

বিষয়টি নিয়ে বিস্তারিত আলোচনা আছে— ‘কুরআন, সুন্নাহ ও Common Sense ব্যবহার করে নির্ভুল জ্ঞানার্জনের নীতিমালা (চলমানচিত্র)’ (গবেষণা সিরিজ-১২) এবং ‘প্রচলিত হাদীসশাস্ত্রে সहीহ হাদীস বলতে নির্ভুল হাদীস বুঝায় কি?’ (গবেষণা সিরিজ-১৯) নামক বই দুটিতে।

এ মূলনীতিসমূহ মনে রেখে এখন মানুষ সৃষ্টির উদ্দেশ্য ও পাথেয় সম্পর্কে হাদীস পর্যালোচনা করা যাক-

হাদীস-১

أَخْرَجَ الْإِمَامُ مُسْلِمٌ رَحِمَهُ اللَّهُ تَعَالَى فِي صَحِيحِهِ حَدَّثَنَا أَبُو بَكْرِ بْنُ أَبِي شَيْبَةَ ... عَنْ طَارِقِ بْنِ شِهَابٍ وَهَذَا حَدِيثٌ أَبِي بَكْرٍ قَالَ أَوَّلُ مَنْ بَدَأَ بِالْخُطْبَةِ يَوْمَ الْعِيدِ قَبْلَ الصَّلَاةِ مَرْوَانُ فَقَامَ إِلَيْهِ رَجُلٌ فَقَالَ الصَّلَاةُ قَبْلَ الْخُطْبَةِ. فَقَالَ قَدْ تُرِكَ مَا هُنَالِكَ. فَقَالَ أَبُو سَعِيدٍ أَمَا هَذَا فَقَدْ قَضَى مَا عَلَيْهِ سَمِعْتُ رَسُولَ اللَّهِ صَلَّى اللَّهُ عَلَيْهِ وَسَلَّمَ يَقُولُ مَنْ رَأَى مِنْكُمْ مُنْكَرًا فَلْيَغْفِرْهُ بِيَدِهِ فَإِنْ لَمْ يَسْتَطِعْ فَبِلِسَانِهِ فَإِنْ لَمْ يَسْتَطِعْ فَبِقَلْبِهِ وَذَلِكَ أَضْعَفُ الْإِيمَانِ.

অনুবাদ : ইমাম মুসলিম (রহ.) তারিক ইবন শিহাব (রহ.)-এর বর্ণনা সনদের ৮ম ব্যক্তি আবু বকর ইবন আবী শায়বা (রহ.) থেকে শুনে তাঁর 'সহীহ' গ্রন্থে লিখেছেন- তারিক ইবনু শিহাব (আবু বাকর ইবনু আবী শাইবার হাদীস) থেকে বর্ণিত, মারওয়ান ঈদের দিন সলাতের পূর্বে খুত্বা দেওয়ার (বিদ'আতী) প্রথা প্রচলন করে। এ সময় এক ব্যক্তি দাঁড়িয়ে বলল, “খুতবার আগে সলাত (সম্পন্ন করুন)”।

মারওয়ান বললেন, এখন থেকে সে নিয়ম পরিত্যাগ করা হলো। সাথে সাথে আবু সাঈদ আল খুদরী (রা.) উঠে বললেন, ঐ ব্যক্তি তার কর্তব্য পালন করেছে। আমি রসূলুল্লাহ (স.)-কে বলতে শুনেছি, তোমাদের কেউ অন্যায় কাজ হতে দেখলে সে যেন হাত দিয়ে (শক্তি প্রয়োগে) পরিবর্তন করে দেয়, যদি তার সে ক্ষমতা না থাকে, তবে মুখ দিয়ে (প্রতিবাদ করে) তা পরিবর্তন করবে। আর যদি সে সাধ্যও না থাকে, তখন মন দিয়ে তা করবে (মনে অনুশোচনা রাখবে ও পরিকল্পনা করবে)। তবে এটা ঈমানের দুর্বলতম পরিচায়ক।

◆ মুসলিম, আস সহীহ, হাদীস নং-১৮৬।

◆ হাদীসটির সনদ ও মতন সহীহ।

ব্যাখ্যা : হাদীসটির শেষ অংশের আবু সাঈদ আল খুদরী (রা.)-এর বক্তব্য থেকে জানা যায়- সামনে অন্যায় হতে দেখলে প্রত্যেক ঈমানদারকে তা শক্তি দিয়ে বন্ধ করতে হবে। কোনো কারণে সেটি না পারলে মুখ দিয়ে তার প্রতিবাদ করতে হবে। আর কোনো কারণে তাও সম্ভব না হলে মনে

অনুশোচনা থাকতে হবে এবং মনে মনে ঐ অন্যায় কাজ বন্ধ করার পরিকল্পনা করতে হবে। যে ব্যক্তি এই শেষটিও করবে না তার ঈমান নেই বা সে ঈমান আনেনি বলে গণ্য হবে।

ঈমান আনা একটি উপাসনামূলক কাজ। তাই হাদীসটি থেকে জানা যায়, ন্যায়-অন্যায় বিভাগের যে কোনো অন্যায় কাজ প্রতিরোধ করার বিষয়ে বাস্তব অবস্থা অনুযায়ী যথাযথ ভূমিকা না রাখলে 'ঈমান আনা' নামক উপাসনা বিভাগের আমলটি পালন করা হয়নি বলে ধরা হয়। এর কারণ হলো- ঈমান আনা আমলটির উদ্দেশ্য হচ্ছে মানুষের মন-মানসিকতাকে এমনভাবে গঠন করা যেন তা ন্যায় ও অন্যায় বিভাগের কাজগুলো করার ব্যাপারে ব্যক্তিকে যথাযথভাবে উদ্বুদ্ধ করে। সুতরাং যদি দেখা যায়- ঈমানের দাবিদার কোনো ব্যক্তি ন্যায়ের বাস্তবায়ন ও অন্যায়ের প্রতিরোধের ব্যাপারে কোনো প্রকার ভূমিকা রাখছে না, তবে নিঃসন্দেহে বুঝতে হবে ঐ ব্যক্তি ঈমান আনা আমলটির অনুষ্ঠানটি করলেও মন-মানসিকতাকে যথাযথভাবে গঠন করেনি। অর্থাৎ ঈমান আনা আমলটির মূল দিকটিতে তার ঘাটতি আছে। আর তাই সে ঈমান আনেনি বলে ধরা হবে।

Common sense অনুযায়ী যে বিষয় দিয়ে কোনো কিছু গঠন করতে চাওয়া হয় তা সবসময় পাথের বিভাগের বিষয় হয়। তাই, হাদীসটি থেকে জানা যায়- ঈমান আনা বিষয়টি মানুষ সৃষ্টির পাথের বিভাগের বিষয়। আর ন্যায়-অন্যায় বিভাগের বিষয়গুলো হলো মানুষ সৃষ্টির উদ্দেশ্য বিভাগের বিষয়।

উপাসনামূলক কাজ	ন্যায় ও অন্যায় কাজ	শরীর স্বাস্থ্য গঠনমূলক কাজ	পরিবেশ পরিস্থিতি গঠনমূলক কাজ
কুরআনের জ্ঞান অর্জন করা, ঈমান আনা, সালাত কায়েম করা, যাকাত দেওয়া, সিয়াম পালন করা, হাজ্জ করা ইত্যাদি	সত্য বলা, মিথ্যা না বলা, পরোপকার করা, নিজে পেট ভরে খেলে অপরে যেন অভুক্ত না থাকে, নিজে অট্টালিকায় থাকলে অপরে যেন ফুটপাতে না থাকে, নিজে উচ্চশিক্ষিত হলে অপরে যেন অশিক্ষিত না থাকে, নিজে ভালো কাপড় পরলে অপরে যেন কাপড় বিহীন না থাকে এ সকল বিষয়ে ভূমিকা রাখা, কারো ক্ষতি না করা ইত্যাদি	খাওয়া, পান করা, ব্যায়াম, চিকিৎসা ইত্যাদি	সাধারণ শিক্ষা, অর্থনীতি, বিজ্ঞান, প্রতিরক্ষা ইত্যাদি

হাদীস-২

رُوِيَ فِي مُسْنَدِ أَحْمَدَ حَدَّثَنَا عَبْدُ اللَّهِ... عَنْ أَنَسِ قَالَ مَا خَطَبْنَا رَسُولَ اللَّهِ صَلَّى اللَّهُ عَلَيْهِ وَسَلَّمَ إِلَّا قَالَ: لَا إِيمَانَ لِمَنْ لَا أَمَانَةَ لَهُ وَلَا دِينَ لِمَنْ لَا عَهْدَ لَهُ.

অনুবাদ : মুসনাদে আহমাদ গ্রন্থে আনাস ইবন মালিক (রা.)-এর বর্ণনা সনদের ৫ম ব্যক্তি আব্দুল্লাহ (রহ.) থেকে শুনে বর্ণনা করা হয়েছে- আনাস (রা.) বলেন, রসূলুল্লাহ (স.) এই কথা ছাড়া কখনও খুতবা দিতেন না যে-খিয়ানাতকারীর ঈমান নেই এবং ওয়াদা ভঙ্গকারীর দ্বীন নেই।

◆ আহমাদ, আল-মুসনাদ, হাদীস নং-১৩২২২।

◆ হাদীসটির সনদ হাসান।

ব্যাখ্যা : হাদীসটির একটি বক্তব্য হলো- খিয়ানাতকারীর ঈমান নেই। খিয়ানাত করা একটি অন্যায় কাজ। আর ঈমান আনা একটি উপাসনামূলক কাজ। তাই এ হাদীসটি অনুযায়ীও অন্যায় কাজ থেকে দূরে না থাকলে ঈমান আনা নামের উপাসনামূলক আমলটি আল্লাহর কাছে গ্রহণযোগ্য হয় না।

আর তাই, ১ নং হাদীসটির মতো এ হাদীসটি ব্যাখ্যা করেও বলা যায়- ঈমান আনা বিষয়টি মানুষ সৃষ্টির পাথেয় বিভাগের বিষয়। আর ন্যায়-অন্যায় বিভাগের বিষয়গুলো হলো মানুষ সৃষ্টির উদ্দেশ্য বিভাগের বিষয়।

হাদীস-৩

أَخْرَجَ الْإِمَامُ مُسْلِمٌ رَحِمَهُ اللَّهُ تَعَالَى فِي صَحِيحِهِ حَدَّثَنَا أَبُو بَكْرِ بْنُ إِسْحَاقَ... عَنْ أَبِي هُرَيْرَةَ قَالَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ مِنْ عِلْمَاتِ الْمُنَافِقِ ثَلَاثَةٌ إِذَا حَدَّثَ كَذَبَ وَإِذَا وَعَدَ أَخْلَفَ وَإِذَا اتُّمِّنَ خَانَ.

অনুবাদ : ইমাম মুসলিম (রহ.) আবু হুরাইরা (রা.)-এর বর্ণনা সনদের ৫ম ব্যক্তি আবু বকর ইবন ইসহাক (রহ.) থেকে শুনে তাঁর 'সহীহ' গ্রন্থে লিখেছেন- আবু হুরায়রা (রা.) বর্ণিত। রসূলুল্লাহ (স.) বলেছেন, মুনাফিকের চিহ্ন ৩টি- সে যখন কথা বলে মিথ্যা বলে, ওয়াদা করলে ভঙ্গ করে এবং আমানাত রাখলে খিয়ানাত করে।

◆ মুসলিম, আস-সহীহ, হাদীস নং-২২১।

◆ হাদীসটির সনদ ও মতন সহীহ।

ব্যাখ্যা : মুনাফিক হলো সেই ব্যক্তি যে ঈমানের দাবি করে এবং প্রকাশ্যে মানুষকে দেখানোর জন্য কিছু আমল করে কিন্তু অন্তরে ঈমান আনে না। অর্থাৎ প্রকৃত অর্থে সে মু'মিন নয়। হাদীসটিতে ৩টি কাজ করা ব্যক্তিকে মুনাফিক বলা হয়েছে— মিথ্যা বলা, ওয়াদা ভঙ্গ করা এবং আমানাতের খিয়ানাত করা। এ ৩টি হলো ন্যায়-অন্যায় বিভাগের কাজ। আর ঈমান আনা একটি উপাসনামূলক কাজ। তাই এ হাদীসটি অনুযায়ীও অন্যায় কাজ পালন থেকে দূরে না থাকলে ঈমান আনা নামের উপাসনামূলক আমলটি আল্লাহর কাছে গ্রহণযোগ্য হয় না।

আর তাই, ১ নং হাদীসটির মতো এ হাদীসটি ব্যাখ্যা করেও বলা যায়— ঈমান আনা বিষয়টি মানুষ সৃষ্টির পাথেয় বিভাগের বিষয়। আর ন্যায়-অন্যায় বিভাগের বিষয়গুলো হলো মানুষ সৃষ্টির উদ্দেশ্য বিভাগের বিষয়।

হাদীস-৪

أَخْرَجَ الْإِمَامُ مُسْلِمٌ رَحِمَهُ اللَّهُ تَعَالَى فِي صَحِيحِهِ حَدَّثَنَا عُقْبَةُ بْنُ مُكْرَمٍ الْعَمِّيُّ وَقَالَ آيَةُ الْمُنَافِقِ ثَلَاثٌ وَإِنْ صَامَ وَصَلَّى وَزَعَمَ أَنَّهُ مُسْلِمٌ

অনুবাদ : ইমাম মুসলিম (রহ.) পূর্বের হাদীসে উল্লিখিত আবু হুরাইরা (রা.)-এর বর্ণনা সনদের উকবা ইবন মুকরাম (রহ.) থেকে শুনে তিনি তাঁর 'সহীহ' গ্রন্থে লিখেছেন— আবু হুরাইরা (রা.) হতে বর্ণিত, রাসূলুল্লাহ (স.) বলেন— মুনাফিকের চিহ্ন ৩টি (এরপর ৩ নং হাদীসটির বক্তব্যের অনুরূপ বক্তব্য অতঃপর) যদিও সে সওম পালন করে এবং সলাত আদায় করে এবং মনে করে যে, সে মুসলিম।

◆ মুসলিম, আস-সহীহ, হাদীস নং-২২১।

◆ হাদীসটির সনদ ও মতন সহীহ।

হাদীস-৫

أَخْرَجَ الْإِمَامُ الْأَحْمَدُ حَدَّثَنَا عَبْدُ اللَّهِ عَنْ أَبِي هُرَيْرَةَ قَالَ قَالَ رَجُلٌ يَا رَسُولَ اللَّهِ إِنَّ فُلَانَةَ تَدْكُرُ مِنْ كَثْرَةِ صَلَاتِهَا وَصِيَامِهَا وَصَدَقَتِهَا غَيْرَ أَنَّهَا تُؤَدِّي جِيرَانَهَا بِلِسَانِهَا قَالَ هِيَ فِي النَّارِ. قَالَ يَا رَسُولَ اللَّهِ فَإِنَّ فُلَانَةَ تَدْكُرُ مِنْ قِلَّةِ صِيَامِهَا وَصَدَقَتِهَا وَصَلَاتِهَا وَأَنَّهَا تَصَدَّقُ بِالْأَثْوَارِ مِنَ الْأَقِطِ وَلَا تُؤَدِّي جِيرَانَهَا بِلِسَانِهَا قَالَ هِيَ فِي الْجَنَّةِ.

অনুবাদ : আবু হুরাইরা (রা.)-এর বর্ণনা সনদের ৬ষ্ঠ ব্যক্তি আবদুল্লাহ (রহ.) থেকে শুনে 'মুসনাদে আহমদ' গ্রন্থে উল্লেখ করা হয়েছে- আবু হুরায়রা (রা.) বলেন- জনৈক ব্যক্তি বললো, ইয়া রসূলুল্লাহ্ (স.)! অমুক মহিলা সালাত ও যাকাতে প্রসিদ্ধি লাভ করেছে, তবে সে নিজ মুখ দিয়ে প্রতিবেশীকে কষ্ট দেয়। তিনি বললেন, সে জাহান্নামী।

লোকটি আবার বললো- ইয়া রসূলুল্লাহ্ (স.)! অমুক মহিলা সম্পর্কে জনশ্রুতি আছে যে, সে কম সিয়াম রাখে, সাদকা কম করে এবং সালাতও কম পড়ে। তার দানের পরিমাণ হলো পনিরের টুকরা বিশেষ। কিন্তু সে নিজ মুখ দিয়ে প্রতিবেশীকে কষ্ট দেয় না। তিনি (রসূল স.) বললেন- সে জান্নাতী।

◆ আহমাদ, আল-মুসনাদ, হাদীস নং-৯৯২৬।

◆ হাদীসটির সনদ হাসান ও মতন সহীহ।

ব্যাখ্যা : প্রতিবেশীকে মুখ দিয়ে কষ্ট দেওয়া ন্যায়-অন্যায় বিভাগের একটি অন্যায় কাজ। আর সালাত, সিয়াম ও যাকাত হলো উপাসনামূলক কাজ। হাদীসটি অনুযায়ী- প্রচুর সালাত, সিয়াম ও যাকাত আদায় করার পরও প্রতিবেশীকে মুখ দিয়ে কষ্ট দেওয়ার কারণে প্রথম মহিলাকে জাহান্নামে যেতে হবে। অর্থাৎ তার ঐ উপাসনামূলক আমলগুলো আল্লাহর কাছে কবুল হবে না।

অন্যদিকে কম (ফরজ, ওয়াজিব বাদ না দিয়ে) সালাত, সিয়াম ও যাকাত আদায় করার পরও প্রতিবেশীকে মুখ দিয়ে কষ্ট না দেওয়ায় দ্বিতীয় মহিলা জান্নাতে যাবে। অর্থাৎ তার ঐ উপাসনামূলক আমলগুলো আল্লাহর কাছে কবুল হবে। এর কারণ হলো- সালাত, সিয়াম, যাকাত ইত্যাদি উপাসনামূলক কাজ থেকে আল্লাহ মানুষকে বিভিন্ন ধরনের শিক্ষা দিয়ে গঠন করতে চেয়েছেন। ঐ শিক্ষা দেওয়ার উদ্দেশ্য হলো ন্যায়-অন্যায় বিভাগের কাজগুলো যথাযথভাবে পালন করার উপযোগী করে মানুষকে গড়ে তোলা।

প্রথম মহিলা প্রচুর সালাত, সিয়াম ও যাকাত আদায় করলেও সে ইবাদাতগুলো থেকে দিতে চাওয়া শিক্ষা নেয়নি। তাই সে মুখ দিয়ে প্রতিবেশীকে কষ্ট দিয়েছে। ফলে তার ঐ আমলগুলো কবুল হয়নি এবং তাকে জাহান্নামে যেতে হবে। আর দ্বিতীয় মহিলা ঐ আমলগুলো কম করলেও সেগুলো থেকে দিতে চাওয়া শিক্ষা নিয়েছে। তাই সে মুখ দিয়ে প্রতিবেশীকে কষ্ট দেয়নি। ফলে তার ঐ আমলগুলো কবুল হয়েছে এবং সে জান্নাতে যাওয়ার যোগ্য হয়েছে।

যে বিষয় দিয়ে কোনো কিছু শিক্ষা দেওয়া হয় বা গঠন করতে চাওয়া হয় তা সবসময় পাথেয় বিভাগের বিষয় হয়। তাই এ হাদীসটি থেকে জানা যায়, সালাত, সিয়াম ও যাকাত তথা উপাসনামূলক আমল হলো মানুষ সৃষ্টির পাথেয়মূলক বিষয়। আর ন্যায় ও অন্যায় বিভাগের কাজগুলো মানুষ সৃষ্টির উদ্দেশ্য বিভাগের বিষয়।

হাদীস-৬

أَخْرَجَ الْإِمَامُ الْبُخَارِيُّ رَحِمَهُ اللَّهُ تَعَالَى فِي صَحِيحِهِ حَدَّثَنَا أَدَمُ بْنُ أَبِي إِيَّاسٍ ...
... عَنْ أَبِي هُرَيْرَةَ رَضِيَ اللَّهُ عَنْهُ قَالَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ :
: مَنْ لَمْ يَدَعْ قَوْلَ الزُّوْرِ وَالْعَمَلَ بِهِ فَلَيْسَ لِلَّهِ حَاجَةٌ فِي أَنْ يَدَعَ طَعَامَهُ وَشَرَابَهُ .
অনুবাদ : ইমাম বুখারী (রহ.) আবু হুরায়রা (রা.)-এর বর্ণনা সনদের ৪র্থ ব্যক্তি আদাম ইবন আবু ইয়াস (রহ.) থেকে শুনে তাঁর 'সহীহ' গ্রন্থে লিখেছেন- আবু হুরায়রা (রা.) বলেন, রসূলুল্লাহ (স.) বলেছেন- যে ব্যক্তি মিথ্যা কথা বা মিথ্যা আচরণ ছাড়াই, তার খাওয়া বা পান করা ছেড়ে দেওয়াতে (সিয়াম পালন) আল্লাহর কোনো দরকার নেই (আল্লাহর কাছে কবুল হবে না)।

◆ বুখারী, আস-সহীহ, হাদীস নং- ১৯০৩।

◆ হাদীসটির সনদ ও মতন সহীহ।

ব্যাখ্যা : সিয়াম উপাসনা বিভাগের কাজ। আর মিথ্যা কথা বা মিথ্যা আচরণ ন্যায়-অন্যায় বিভাগের কাজ। হাদীসটি অনুযায়ী তাই ন্যায়-অন্যায় বিভাগের কাজগুলো না করলে উপাসনা বিভাগের আমল কবুল হয় না। এর কারণ হলো উপাসনামূলক আমলের উদ্দেশ্য হলো আমলগুলোর অনুষ্ঠান ও পঠিত বিষয় (যদি থাকে) হতে শিক্ষা দিয়ে মানুষ গঠন করা যেন তারা ন্যায়-অন্যায় বিভাগের কাজগুলোকে যথাযথভাবে পালন করতে পারে।

সিয়ামের অনুষ্ঠানের মাধ্যমে আল্লাহ তা'য়ালা এমন মানুষ গঠন করতে চেয়েছেন যারা পেটে ক্ষুধা ও জৈবিক চাহিদা থাকলেও ন্যায়-অন্যায় বিভাগের অন্যায় কাজগুলো থেকে দূরে থাকবে এবং ন্যায় কাজগুলো যথাযথভাবে পালন করবে।

যে বিষয় দিয়ে কোনো কিছু শিক্ষা দেওয়া হয় বা গঠন করতে চাওয়া হয় তা সবসময় পাথেয় বিভাগের বিষয় হয়। তাই এ হাদীসটি থেকেও জানা যায়,

সালাত, সিয়াম ও যাকাত তথা উপাসনামূলক আমল হলো মানুষ সৃষ্টির পাথেয়মূলক বিষয়। আর ন্যায় ও অন্যায় বিভাগের কাজগুলো মানুষ সৃষ্টির উদ্দেশ্য বিভাগের বিষয়।

হাদীস-৭

... عَنِ الْإِمَامِ مُسْلِمٍ رَحِمَهُ اللَّهُ تَعَالَى فِي صَحِيحِهِ حَدَّثَنَا قُتَيْبَةُ بْنُ سَعِيدٍ ...
... عَنْ أَبِي هُرَيْرَةَ، أَنَّ رَسُولَ اللَّهِ ﷺ، قَالَ: أَتَدْرُونَ مَا الْمُفْلِسُ؟ قَالُوا: الْمُفْلِسُ فِينَا مَنْ لَا دِرْهَمَ لَهُ وَلَا مَتَاعَ، فَقَالَ: إِنَّ الْمُفْلِسَ مِنْ أُمَّيِّ يَأْتِي يَوْمَ الْقِيَامَةِ بِصَلَاةٍ، وَصِيَامٍ، وَزَكَاةٍ، وَيَأْتِي قَدْ شَتَمَ هَذَا، وَقَذَّتْ هَذَا، وَأَكَلَ مَالَ هَذَا، وَسَفَكَ دَمَ هَذَا، وَصَرَبَ هَذَا، فَيُعْطَى هَذَا مِنْ حَسَنَاتِهِ، وَهَذَا مِنْ حَسَنَاتِهِ، فَإِنْ فَنِيَتْ حَسَنَاتُهُ قَبْلَ أَنْ يُقْضَى مَا عَلَيْهِ أُخِذَ مِنْ خَطَايَاهُمْ فَطُرِحَتْ عَلَيْهِ، ثُمَّ طُرِحَ فِي النَّارِ.

অনুবাদ : ইমাম মুসলিম (রহ.) আবু হুরায়রা (রা.)-এর বর্ণনা সনদের ৬ষ্ঠ ব্যক্তি কুতাইবা বিন সাঈদ (রহ.) থেকে শুনে তাঁর 'সহীহ' গ্রন্থে লিখেছেন- আবু হুরায়রা (রা.) বলেন, রসূলুল্লাহ (স.) বলেছেন, তোমরা কি জানো সবচেয়ে দরিদ্র ব্যক্তি কে? সাহাবীগণ উত্তর দিলেন, আমাদের মধ্যে দরিদ্র হলো সে যার টাকা-পয়সা ও ধন-সম্পদ নেই। রসূলুল্লাহ (স.) বললেন- আমার উম্মতের মধ্যে সবচেয়ে দরিদ্র হলো সে যে কিয়ামতের ময়দানে অনেক সালাত, সিয়াম ও যাকাত নিয়ে উপস্থিত হবে। কিন্তু তার বিরুদ্ধে অভিযোগ আসতে থাকবে যে, সে কোনো মানুষকে গালি দিয়েছে, কাউকে মিথ্যা দোষারোপ করেছে, কারো সম্পদ অন্যায়ভাবে ভক্ষণ করেছে, কারো রক্ত অন্যায়ভাবে প্রবাহিত করেছে বা কাউকে অন্যায়ভাবে মেরেছে। অতঃপর তার (সালাত, সিয়াম, যাকাত ইত্যাদি) আমল থেকে ক্ষতিগ্রস্ত লোকদের দিয়ে দেওয়া হবে। এভাবে তার সকল আমল বিনিময় হিসেবে শেষ হয়ে যাওয়ার পর দাবিদারদের পাপ তার ওপর চাপানো হবে। অবশেষে তাকে জাহান্নামে নিক্ষেপ করা হবে।

◆ মুসলিম, আস-সহীহ, হাদীস নং ৬৭৪৪।

◆ হাদীসটির সনদ ও মতন সহীহ।

ব্যাখ্যা : মানুষকে গালি দেওয়া, কাউকে মিথ্যা দোষারোপ করা, কারো সম্পদ অন্যায়ভাবে ভক্ষণ করা, কারো রক্ত অন্যায়ভাবে প্রবাহিত করা, কাউকে

অন্যায়ভাবে আঘাত করা অন্যায় কাজ। হাদীসটিতে দেখা যায়— কেউ যদি দুনিয়ায় উল্লিখিত অন্যায় কাজগুলো করে তবে শেষ বিচারের দিন তার সালাত, যাকাত, সিয়াম ইত্যাদি উপাসনামূলক আমল বিফলে যাবে এবং তাকে জাহান্নামে যেতে হবে। তাই ৫ ও ৬ নং হাদীস দুটির মতো এ হাদীসটি থেকেও বোঝা যায়— ন্যায় কাজ পালন করা এবং অন্যায় কাজ থেকে দূরে থাকা তথা ন্যায়ের বাস্তবায়ন ও অন্যায়ের প্রতিরোধ হচ্ছে মানুষ সৃষ্টির উদ্দেশ্য। আর উপাসনামূলক কাজগুলো হচ্ছে মানুষ সৃষ্টির পাথেয়।

হাদীস-৮

وَعَنْ جَابِرٍ قَالَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ أَوْحَى اللَّهُ عَزَّ وَجَلَّ إِلَيَّ جِبْرِئِيلَ عَلَيْهِ السَّلَامُ أَنْ أَقْبِلَ مَدِينَةَ كَذَا وَكَذَا بِأَهْلِهَا فَقَالَ يَا رَبِّ إِنَّ فِيهِمْ عَبْدًا ثَلَاثًا لَمْ يَعْصِيكَ طَرْفَةَ عَيْنٍ قَالَ فَقَالَ أَقْبِلْهَا عَلَيْهِ وَعَلَيْهِمْ فَإِنَّ وَجْهَهُ لَمْ يَتَمَعَّرْ فِي سَاعَةٍ قَطُّ.

অনুবাদ : জাবের (রা.) বলেন, রাসূল (সা.) বলেছেন— মহাপরাক্রমশালী আল্লাহ জিব্রাইল (আ.)-কে নির্দেশ দিলেন যে, অমুক অমুক শহরকে তার অধিবাসীসহ উল্লিখে দাও। তিনি বললেন, হে রব! তাদের মধ্যে তো তোমার অমুক এক বান্দা আছে যে মুহূর্তের জন্যেও নাফরমানি করেনি (উপাসনামূলক আমল হতে দূরে থাকেনি)। রাসূল (সা.) বলেন, তখন আল্লাহ তা'য়ালার বললেন— তাকেসহ সকলের ওপরই শহরটিকে উল্লিখে দাও। কারণ, সম্মুখে পাপাচার (অন্যায় কাজ) হতে দেখে মুহূর্তের জন্য তার চেহারা মলিন হয়নি।

◆ বাইহাকী, শুআবুল ঈমান (বৈরুত : দারুল কুতুবিল ইলমিয়্যাহ, ১৪১০ হি.) হাদীস নং-৭৫৯৫।

◆ হাদীসটির মতন সহীহ।


ব্যাখ্যা : হাদীসটি থেকে জানা যায়— একটি শহরকে উল্লিখে দেওয়ার আদেশ পাওয়ার পর জিব্রাইল (আ.) শহরটিতে থাকা একটি লোকের শাস্তি ভোগ করার কারণ জানার জন্য আল্লাহকে বলেছিলেন— ‘সে ব্যক্তি তো মুহূর্তের জন্যেও তাঁর নাফরমানি করেনি তথা সে তো সকল উপাসনামূলক আমল পালন করেছে’। জিব্রাইল (আ.)-এর ঐ কথার উত্তরে আল্লাহ বলেছেন— ‘সম্মুখে পাপাচার তথা অন্যায় কাজ হতে দেখে মুহূর্তের জন্যেও তার চেহারা মলিন হয়নি’।

সম্মুখে পাপাচার হতে দেখে মুহূর্তের জন্যেও চেহারা মলিন না হওয়ার অর্থ হলো— অন্যায় কাজ হতে দেখে তা প্রতিরোধ করার কোনো ব্যবস্থা না নেওয়া

এমনকি মনে অনুশোচনাও না হওয়া। তাই, পূর্বের হাদীসগুলোর মতো এ হাদীসটি থেকেও জানা যায়- ন্যায় কাজ পালন করা এবং অন্যায় কাজ থেকে দূরে থাকা তথা ন্যায়ের বাস্তবায়ন ও অন্যায়ের প্রতিরোধ হলো মানুষ সৃষ্টির উদ্দেশ্য। আর উপাসনামূলক কাজগুলো হচ্ছে মানুষ সৃষ্টির পাথেয়।

সম্মিলিত শিক্ষা : উল্লিখিত হাদীসগুলো পর্যালোচনা করলে নিশ্চয়তা দিয়েই বলা যায় যে- ন্যায় কাজ পালন করা এবং অন্যায় কাজ থেকে দূরে থাকা তথা ন্যায়ের বাস্তবায়ন ও অন্যায়ের প্রতিরোধ হচ্ছে মানুষ সৃষ্টির উদ্দেশ্য। আর জীবনের অন্য ৩ বিভাগের কাজ (উপাসনা, শরীর-স্বাস্থ্য গঠন ও পরিবেশ-পরিষ্কৃতি গঠন) হলো মানুষ সৃষ্টির পাথেয়। এ ধরনের আরও হাদীস হাদীসশাস্ত্রে আছে।

তাই, হাদীস অনুযায়ী মানুষ সৃষ্টির উদ্দেশ্য ও পাথেয় সম্পর্কিত চূড়ান্ত রায়ের প্রবাহচিত্র হলো-



আকল/Common sense-এর মাধ্যমে জানা ন্যায়-অন্যায় কাজগুলোর তালিকা নির্ভুল ও পরিপূর্ণ কি না তা নিশ্চিত হওয়ার উপায়

জন্মগতভাবে পাওয়া জ্ঞানের উৎস আকল/Common sense শিক্ষা, পরিবেশ ইত্যাদির প্রভাবে পরিবর্তন হয়ে যেতে পারে। তাই, ঐ উৎসের মাধ্যমে জানা ন্যায়-অন্যায় (منکر و معروف), খিদমতে খালক, সাধারণ নৈতিকতা বা মানবাধিকারের বিষয়ের তালিকা, বিশেষ করে মৌলিকগুলোর তালিকা নির্ভুল ও পরিপূর্ণ কি না সেটি নিশ্চিত হওয়া খুবই দরকার। কারণ, বিষয়গুলো মানুষ সৃষ্টির উদ্দেশ্য বিভাগের বিষয়। আর আল্লাহর তৈরি প্রোত্থাম/বিধান হলো- যেকোনো কাজের উদ্দেশ্য বা পাথেয় বিভাগের মৌলিক বিষয়ের একটিও বাদ গেলে কাজটি আংশিক নয় পরিপূর্ণ ব্যর্থ হয়।

বিষয়টির সমাধান মহান আল্লাহ চকৎকারভাবে করেছেন কিতাব পাঠানোর মাধ্যমে। ন্যায়-অন্যায়, খিদমতে খালক, সাধারণ নৈতিকতা বা মানবাধিকারের বিষয়গুলোর তালিকার নরম (Soft) উৎস হলো আকল/Common sense। আর শক্ত (Hard) উৎস আল্লাহ তা'য়ালার প্রেরিত কিতাব। আল্লাহ তা'য়ালার প্রেরিত কিতাবে মানুষের জীবনের উদ্দেশ্য ও পাথেয় বিভাগের সকল মৌলিক বিষয় আছে। ঐ কিতাবের সর্বশেষ ও বর্তমান পৃথিবীতে থাকা একমাত্র নির্ভুলটি হলো আল কুরআন। এ তথ্যটি কুরআন থেকে জানা যায় এভাবে- কাজগুলোর মধ্যে যেগুলো প্রথম স্তরের মৌলিক তার সবগুলো আল্লাহ তা'য়ালার আল কুরআনে উল্লেখ করে রেখেছেন। একথাটি মহান আল্লাহ জানিয়ে দিয়েছেন এভাবে-

شَهْرٍ رَمَضَانَ الَّذِي أُنزِلَ فِيهِ الْقُرْآنُ هُدًى لِّلنَّاسِ وَبَيِّنَاتٍ مِّنَ الْهُدَىٰ وَالْفُرْقَانِ ۚ

অনুবাদ : রমযান মাস। যে মাসে কুরআন নাযিল হয়েছে। (কুরআন) সকল মানুষের জীবন পরিচালনার পথনির্দেশিকা (জ্ঞানের উৎস) এবং পথনির্দেশিকার মধ্যে এটি স্পষ্টভাবে প্রমাণিত ও সত্য-মিথ্যার পার্থক্যকারী।

... ..

(সুরা বাকারা/২ : ১৮৫)

ব্যাখ্যা : আয়াতটির মাধ্যমে স্পষ্ট করে জানিয়ে দেওয়া হয়েছে যে কুরআন শুধু নির্ভুলই নয়, পৃথিবীর অন্য সকল গ্রন্থের নির্ভুলতা যাচাইয়ের মাপকাঠিও ।

.... وَنَزَّلْنَا عَلَيْكَ الْكِتَابَ تِبْيَانًا لِّكُلِّ شَيْءٍ وَهُدًى وَرَحْمَةً وَبُشْرَىٰ لِلْمُسْلِمِينَ .

অনুবাদ : আর আমরা তোমার প্রতি যে কিতাবটি নাযিল করেছি (তাতে রয়েছে) সকল (মৌলিক) বিষয়ের স্পষ্ট বিবরণ ।

(সূরা নাহল/১৬ : ৮৯)

.... مَا فَزَّطْنَا فِي الْكِتَابِ مِنْ شَيْءٍ

অনুবাদ : আমরা কিতাবে (মৌলিক) কোনো কিছু (উল্লেখ করতে) বাদ রাখিনি ।

(সূরা আন'আম/৬ : ৩৮)

তাই, মানুষকে জন্মগতভাবে পাওয়া জ্ঞানের উৎস আকল/Common sense-এর মাধ্যমে জানা ন্যায়-অন্যায়, খিদমতে খালক, সাধারণ নৈতিকতা বা মানবাধিকারের বিষয়ের তালিকার নির্ভুলতা ও পরিপূর্ণতার বিষয়ে নিশ্চিত হওয়ার জন্য আল কুরআনের জ্ঞানার্জন করতে হবে। আর বর্তমানে আল কুরআনের সাধারণ জ্ঞানার্জনের সহজতম উপায় হলো- যুগের জ্ঞানের আলোকে লেখা একটি ভালো অনুবাদ কয়েকবার পড়ে নেওয়া ।

অত্যন্ত পরিতাপের বিষয়, মুসলিমরা যাতে কুরআনের ঐ বক্তব্যগুলো সহজে জানতে না পারে, সে জন্যে ইবলিস শয়তান নানাভাবে ধোঁকাবাজি খাটিয়েছে এবং অধিকাংশ মুসলিম ইবলিসের সেই ধোঁকাবাজিমূলক কথাগুলোকে ইসলামের কথা মনে করে গ্রহণ করে নিয়েছে এবং তার ওপর আমলও করে যাচ্ছে ।

ইবলিসের সেই ধোঁকাবাজিমূলক কথা কী কী তা জানতে পারা যাবে কুরআন রিসার্চ ফাউন্ডেশন প্রকাশিত নিম্নের বইগুলো থেকে-

- মু'মিনের এক নম্বর কাজ এবং শয়তানের এক নম্বর কাজ
- ওজু-গোসলের সাথে কুরআনের সম্পর্ক প্রচলিত ধারণা ও সঠিক তথ্য
- ইচ্ছাকৃতভাবে অর্থ না বুঝে কুরআন পড়া সওয়াব না গুনাহ?
- যে গভীর ষড়যন্ত্রের মাধ্যমে মুসলিম জাতি ও বিশ্ব মানবতার মূল শিক্ষায় ভুল চোকানো হয়েছে

পাথেয়ের মধ্যে যেগুলো অধিক গুরুত্বপূর্ণ

কুরআন ও সুন্নাহ পাথেয় বিভাগের কাজের মধ্যে উপাসনা বিভাগের কাজগুলোকে (কুরআনের জ্ঞানার্জন, ঈমান আনা, সালাত, যাকাত, সিয়াম, হাজ্জ ইত্যাদি) অধিক গুরুত্ব দেওয়া হয়েছে। তাই, এ প্রশ্নটি মনে আসা স্বাভাবিক যে- উপাসনা বিভাগের কাজগুলোকে অধিক গুরুত্ব দেওয়ার কারণ কী?

শব্দের পাঠক, এ বিষয়ে পৃথিবীর কেউ নিশ্চয়ই দ্বিমত পোষণ করবেন না যে- কোনো কঠিন কাজ করতে হলে প্রথমে সে কাজ করার উপযোগী জনশক্তি এবং পরিবেশ পরিস্থিতি তৈরি করা অবশ্যই দরকার। আর এর মধ্যে জনশক্তি গঠনই বেশি গুরুত্বপূর্ণ।

জনশক্তি গঠন বলতে তাদের মানসিক (বুদ্ধিবৃত্তিক) এবং শারীরিক উভয় গঠনকে বোঝায়। তবে এ দুটির মধ্যে মানসিক ও মৌলিক বুদ্ধিবৃত্তিক গঠনই অধিক গুরুত্বপূর্ণ। কারণ জনশক্তিই ব্যবহার করবে অন্যান্য উপায় উপকরণ। তারা যদি মানসিক ও মৌলিক বুদ্ধিবৃত্তিক দিক দিয়ে উপযোগী না হয় তবে শরীর-স্বাস্থ্য ও অন্যান্য উপায় উপকরণ যাই থাকুক না কেন, সফলতা আসবে না।

যেমন ধরুন- কোনো সরকার যদি তার দেশের নাগরিকদের রোগ-ব্যধির চিকিৎসা করতে চায়, তবে প্রথমে তাকে ঐ কাজের উপযোগী চিকিৎসক, নার্স এবং উপায় উপকরণের (হাসপাতাল, ঔষধ, যন্ত্রপাতি ইত্যাদি) ব্যবস্থা করতে হবে। তবে এর মধ্যে জনশক্তির (চিকিৎসক, নার্স ইত্যাদি) মানসিক ও বুদ্ধিবৃত্তিক গঠনই বেশি গুরুত্বপূর্ণ। কারণ তারা যদি মানসিক ও বুদ্ধিবৃত্তিক দিকে দিয়ে উপযুক্ত না হয়, তবে তাদের শরীর-স্বাস্থ্য এবং অন্য উপকরণ প্রচুর থাকলেও তা সঠিকভাবে কাজে আসবে না। আর তাই মানুষের রোগ-ব্যধির চিকিৎসা হবে না।


কুরআনকে সকল জ্ঞানের নির্ভুল, পরিপূর্ণ উৎস ও মানদণ্ড হিসেবে বিশ্বাস ও মান্য করে জন্মগতভাবে জানা সকল ন্যায় কাজ বাস্তবায়ন ও অন্যায় কাজ

প্রতিরোধের মাধ্যমে মানুষের কল্যাণ করা অত্যন্ত কঠিন কাজ। এ কাজ করতেও উপযুক্ত জনশক্তি ও উপায় উপকরণ দরকার। এর মধ্যে মানসিক ও মৌলিক বুদ্ধিবৃত্তিক দিক দিয়ে উপযুক্ত জনশক্তিই হলো সব থেকে বেশি গুরুত্বপূর্ণ।

তাই, মানুষ সৃষ্টির উদ্দেশ্য সাধনের জন্যে মানসিক ও মৌলিক বুদ্ধিবৃত্তিক দিক দিয়ে উপযুক্ত জনশক্তি গঠন করার কোনো ব্যবস্থা বা প্রোগ্রাম যদি আল্লাহর না থাকতো, তবে মহান আল্লাহ অবশ্যই সবচেয়ে বেশি জ্ঞানী সত্তা হতে পারতেন না (নাউযুবিল্লাহ)।

উপযুক্ত জনশক্তি তৈরির আল্লাহর সে ব্যবস্থা হচ্ছে উপাসনা বিভাগের কাজগুলো। ঐ কাজগুলোর মাধ্যমে মহান আল্লাহ মুসলিমদের বিভিন্ন শিক্ষা দিতে চেয়েছেন। কাজগুলো নিষ্ঠার সঙ্গে করার মাধ্যমে তারা যদি সেই শিক্ষাগুলো মনে-প্রাণে গ্রহণ করে এবং তা তাদের ব্যক্তিগত ও সামাজিক জীবনে প্রয়োগ করার জন্য তৈরি হয়ে যায়, তাহলেই শুধু তাদের সৃষ্টির উদ্দেশ্য বাস্তবায়ন করা সম্ভব হবে। অন্যথায় নয়। তাই পাথের বিভাগের কাজগুলোর মধ্যে ঐ কাজগুলোকে ইসলাম বেশি গুরুত্ব দিয়েছে। ঐ কাজগুলোর মধ্যে সালাত থেকে আল্লাহ যে অপূর্ব শিক্ষাগুলো দিতে চেয়েছেন, তা আলোচনা করা হয়েছে 'সালাত কেন আজ ব্যর্থ হচ্ছে' (গবেষণা সিরিজ-৩) নামক বইটিতে।

আল-কুরআনে বহুল ব্যবহৃত
২০০ শব্দের
সংক্ষিপ্ত অভিধান



কুরআন পড়তে কুরআন বুঝতে
সাথে রাখুন সবসময়...

কুরআন রিসার্চ ফাউন্ডেশন

মানুষ সৃষ্টির উদ্দেশ্য সাধনের জন্য কুরআনের জ্ঞানার্জনের গুরুত্ব

আলোচ্য বিষয়ে আলোচনা পরিপূর্ণ হবে না যদি মানুষ সৃষ্টির উদ্দেশ্য সাধনে কুরআনের জ্ঞানার্জনের গুরুত্ব কতটুকু তা নিয়ে কিছু আলোচনা করা না হয়। কুরআন না জানলে একজন মানুষ নির্ভুলভাবে জানতে পারবে না যে, কে তাকে সৃষ্টি করেছেন? কী উদ্দেশ্যে তাকে সৃষ্টি করা হয়েছে? সৃষ্টির উদ্দেশ্যমূলক কাজগুলো কী কী? সে উদ্দেশ্য সাধনের জন্য পাথেয়মূলক কাজ কী কী? মৃত্যুর পর কী হবে ইত্যাদি জীবনের সঙ্গে সম্পর্কিত অতীব গুরুত্বপূর্ণ বিষয়গুলো। ফলে তার পক্ষে সৃষ্টির উদ্দেশ্য সাধন করা কোনোক্রমেই সম্ভব হবে না বা হতে পারে না।

তাই সৃষ্টির উদ্দেশ্য সাধনের জন্য কুরআনের জ্ঞানার্জন করা অবশ্যই মানুষের ১ নং বা সবচেয়ে গুরুত্বপূর্ণ কাজ হবে। আর এ কারণেই কুরআন ও সুন্নাহ, আল কুরআনের জ্ঞানার্জনকে একজন মুসলিম বা মানুষের সবচেয়ে বড়ো সাওয়াবের কাজ এবং কুরআনের জ্ঞান না থাকাকে সবচেয়ে বড়ো গুনাহ হিসেবে ঘোষণা করেছে। বিষয় দুটি নিয়ে আলোচনা করা হয়েছে ‘মু’মিনের এক নম্বর কাজ এবং শয়তানের এক নম্বর কাজ’ (গবেষণা সিরিজ-৪) এবং ‘সবচেয়ে বড়ো গুনাহ শিরক করা না কুরআনের জ্ঞান না থাকা?’ (গবেষণা সিরিজ-২৮) নামক বই দুটিতে।



শেষ কথা

উদ্দেশ্যহীন চালক সারা জীবন গাড়ি চালালেও তার গন্তব্যে পৌঁছাতে পারে না। তাই, কোনো মুসলিম যে উদ্দেশ্যে তাকে সৃষ্টি করা হয়েছে তা সঠিকভাবে না জেনে এবং সেই উদ্দেশ্য সাধনকে সামনে না রেখে যদি তার জীবনের গাড়ি চালায়, তবে সেও তার পরম আকাঙ্ক্ষার গন্তব্যস্থল জান্নাতে পৌঁছাতে পারবে না। চাই সে প্রচলিত মতে যত বড়ো সালাত আদায়কারী, সিয়াম পালনকারী, দানবীর, পরহেজগার, বুজুর্গ, পীর, মাওলানা, রাজনীতিবিদ, চিন্তাবিদ, চিকিৎসক, ইঞ্জিনিয়ার, ব্যবসায়ী ইত্যাদি হোক না কেন।

কুরআনকে সকল জ্ঞানের নির্ভুল, পরিপূর্ণ উৎস ও মানদণ্ড হিসেবে বিশ্বাস ও মান্য করে জন্মগতভাবে জানা সকল ন্যায় কাজ বাস্তবায়ন ও অন্যায় কাজ প্রতিরোধের মাধ্যমে মানুষের কল্যাণ করার উপায় কী, কুরআন মাজীদে আল্লাহ্ তাও পরিষ্কারভাবে জানিয়ে দিয়েছেন। এটা 'মুহাম্মাদ (সা.)-কে প্রেরণের উদ্দেশ্য এবং তাঁর সঠিক অনুসরণ বোঝার মাপকাঠি' (গবেষণা সিরিজ-২) শিরোনামের বইতে আলোচনা করা হয়েছে।

আল্লাহ্ যেন আমাদের সবাইকে তাঁর মানুষ সৃষ্টির উদ্দেশ্যকে সামনে রেখে জীবনের সকল কর্মকাণ্ড পরিচালনা করার তৌফিক দান করেন, কায়মনোবাক্যে এ দোয়া করে শেষ করছি।


ভুল-ত্রুটি ধরিয়ে দেওয়ার অনুরোধ রেখে এবং আপনাদের দোয়া চেয়ে শেষ করছি। আল্লাহ হাফিজ!

সমাপ্ত

লেখকের বইসমূহ

১. মানুষ সৃষ্টির উদ্দেশ্য ও পাথেয় প্রচলিত ধারণা ও সঠিক তথ্য
২. মুহাম্মাদ (স.)-কে প্রেরণের উদ্দেশ্য এবং তাঁর সঠিক অনুসরণ বোঝার মাপকাঠি
৩. সালাত কেন আজ ব্যর্থ হচ্ছে?
৪. মুমিনের এক নম্বর কাজ এবং শয়তানের এক নম্বর কাজ
৫. মুমিনের আ'মল কবুলের শর্তসমূহ প্রচলিত ধারণা ও সঠিক তথ্য
৬. ইসলামী জীবন বিধানে Common Sense এর গুরুত্ব কতটুকু এবং কেন?
৭. ইচ্ছাকৃতভাবে অর্থ না বুঝে কুরআন পড়া সওয়াব না গুনাহ?
৮. আমলের গুরুত্বভিত্তিক অবস্থান জানার সহজ ও সঠিক উপায়
৯. ওজু-গোসলের সাথে কুরআনের সম্পর্ক প্রচলিত ধারণা ও সঠিক তথ্য
১০. আল কুরআনের পঠন পদ্ধতি প্রচলিত সুর, না আবৃত্তির সুর?
১১. যুক্তিসংগত ও কল্যাণকর আইন কোনটি এবং কেন?
১২. কুরআন, সুন্নাহ ও Common Sense ব্যবহার করে নির্ভুল জ্ঞানার্জনের নীতিমালা (চলমানচিত্র)
১৩. ইসলামী জীবন বিধানে বিজ্ঞানের গুরুত্ব কতটুকু এবং কেন?
১৪. ঈমান, মুমিন, মুসলিম ও কাফির প্রচলিত ধারণা ও সঠিক চিত্র
১৫. ঈমান থাকলে (একদিন না একদিন) জান্নাত পাওয়া যাবে বর্ণনা সম্বলিত হাদীসের গ্রহণযোগ্যতা পর্যালোচনা
১৬. শাফায়াতের মাধ্যমে জাহান্নাম থেকে মুক্তি পাওয়া যাবে কি?
১৭. তাকদীর (ভাগ্য!) পূর্ব নির্ধারিত তথ্যটির প্রচলিত ও প্রকৃত ব্যাখ্যা
১৮. সওয়াব ও গুনাহ মাপার পদ্ধতি প্রচলিত ধারণা ও সঠিক চিত্র
১৯. প্রচলিত হাদীসশাস্ত্রে সহীহ হাদীস বলতে নির্ভুল হাদীস বোঝায় কি?
২০. কবীরাহ গুনাহসহ মৃত্যুবরণকারী মুমিন জাহান্নাম থেকে মুক্তি পাবে কি?
২১. অন্ধ অনুসরণ সকলের জন্যে কুফরী বা শিরক নয় কি?
২২. গুনাহের সংজ্ঞা ও শ্রেণি বিভাগ প্রচলিত ধারণা ও সঠিক চিত্র
২৩. অমুসলিম পরিবার বা সমাজে মানুষের অজানা মুমিন ও জান্নাতী ব্যক্তি আছে কি না?

২৪. আল্লাহর ইচ্ছায় সবকিছু হয় তথ্যটির প্রচলিত ও প্রকৃত ব্যাখ্যা
২৫. যিকির (প্রচলিত ধারণা ও সঠিক চিত্র)
২৬. কুরআনের অর্থ (তরজমা) ও ব্যাখ্যা (তাফসীর) করার প্রকৃত নীতিমালা
২৭. মৃত্যুর সময় ও কারণ পূর্ব নির্ধারিত তথ্যটির প্রচলিত ও প্রকৃত ব্যাখ্যা
২৮. সবচেয়ে বড়ো গুনাহ শিরক করা না কুরআনের জ্ঞান না থাকা?
২৯. ইসলামী জীবন-ব্যবস্থায় বক্তব্য বা ওয়াজ-নসীহত উপস্থাপনের নীতিমালা
৩০. যে গভীর ষড়যন্ত্রের মাধ্যমে মুসলিম জাতি ও বিশ্ব মানবতার মূল শিক্ষায় ভুল ঢোকানো হয়েছে
৩১. 'আল কুরআনে শিক্ষা রহিত (মানসুখ) হওয়া আয়াত আছে' কথাটি কি সঠিক?
৩২. আল কুরআনের অর্থ (তরজমা) বা ব্যাখ্যা (তাফসীর) পড়ে সঠিক জ্ঞান লাভের নীতিমালা
৩৩. প্রচলিত ফিকাহগ্রন্থের সংস্করণ বের করা অতীব গুরুত্বপূর্ণ বিষয় নয় কি?
৩৪. কুরআনের অর্থ ও ব্যাখ্যা জানা-বোঝার সহায়ক বিষয় হিসেবে ব্যাকরণ, অনুবাদ, উদাহরণ, আকল ও সাধনার গুরুত্ব
৩৫. পৃথিবীর শ্রেষ্ঠতম ব্যক্তির একমাত্র হজ্জের ভাষণ (বিদায় হজ্জের ভাষণ) যুগের জ্ঞানের আলোকে অনুবাদ ও শিক্ষা
৩৬. মানব শরীরে 'ক্বলব'-এর অবস্থান প্রচলিত ধারণা ও সঠিক তথ্য
৩৭. তাওবা কবুল হওয়ার শেষ সময় প্রচলিত ধারণা ও সঠিক তথ্য
৩৮. ইবলিস ও তার দোসরদের ষড়যন্ত্রের কবলে জ্ঞানের ইসলামী উৎস ও নীতিমালা
৩৯. আসমানী গ্রন্থে উপস্থিত মানবতাবিরোধী গভীর ষড়যন্ত্রের তথ্যধারণকারী জীবন্তিকা



কুরআন রিসার্চ ফাউন্ডেশনের অন্যান্য প্রকাশনা

১. আল কুরআন, যুগের জ্ঞানের আলোকে অনুবাদ (আরবী ও বাংলা)
২. আল কুরআন, যুগের জ্ঞানের আলোকে অনুবাদ (শুধু বাংলা)
৩. সনদ ও মতন সহীহ হাদীস সংকলন, ১ম খণ্ড
৪. শতবার্তা
(পকেট কণিকা, যাতে আছে আমাদের গবেষণা সিরিজগুলোর মূল শিক্ষাসমূহ)
৫. কুরআনের ২০০ শব্দের অভিধান
(যা কুরআনের মোট শব্দ সংখ্যার দুই-তৃতীয়াংশ)
৬. কুরআনিক আরবী গ্রামার, ১ম খণ্ড

প্রাপ্তিস্থান

- কুরআন রিসার্চ ফাউন্ডেশন
ইনসারফ বারাকাহ কিডনী এ্যান্ড জেনারেল হাসপাতাল কমপ্লেক্স (৮ম তলা)
১১, শহীদ তাজউদ্দীন আহমদ সরণি, মগবাজার, ঢাকা।
ফোন : ৯৩৪১১৫০, ০১৯৭৯৪৭৪৬১৭
- অনলাইনে অর্ডার করতে : www.shop.qrfbd.org
- দি বারাকাহ জেনারেল হাসপাতাল
৯৩৭, আউটার সার্কুলার রোড, রাজারবাগ, ঢাকা।
ফোন : ০২-৯৩৩৭৫৩৪, ০২-৯৩৪৬২৬৫

এছাড়াও নিম্নোক্ত লাইব্রেরিগুলোতে পাওয়া যায়-

- ❖ ঢাকা
- আহসান পাবলিকেশন্স, কাটাবন মোড়, শাহবাগ, ঢাকা,
মোবাইল : ০১৬৭৪৯১৬৬২৬
- বিচিত্রা বুকস এ্যান্ড স্টেশনারি, ৮৭, বিএনএস সেন্টার (নিচ তলা),
সেক্টর-৭, উত্তরা, ঢাকা, মোবা : ০১৮১৩৩১৫৯০৫, ০১৮১৯১৪১৭৯৮
- প্রফেসর'স বুক কর্তার, ওয়ারলেস রেলগেট, মগবাজার, ঢাকা-১২১৭,
মোবা : ০১৭১৬৬৭৭৭৫৪

- সানজানা লাইব্রেরী, ১৫/৪, ব্লক-সি, তাজমহল রোড, মোহাম্মদপুর, ঢাকা, মোবা : ০১৮২৯৯৯৩৫১২
- আইডিয়াল বুক সার্ভিস, সেনপাড়া (পর্বতা টওয়ারের পাশে), মিরপুর-১০, ঢাকা, মোবা : ০১৭১১২৬২৫৯৬
- আল ফারুক লাইব্রেরী, হযরত আলী মার্কেট, টঙ্গী বাজার, টঙ্গী, মোবা : ০১৭২৩২৩৩৩৪৩
- মিল্লাত লাইব্রেরী, তামিরুল মিল্লাত মাদ্রাসা গেইট, গাজীপুর মোবাইল : ০১৬২৫৯৪১৭১২, ০১৮৩০৪৮৭২৭৬
- বায়োজিড অপটিক্যাল এন্ড লাইব্রেরী, ডি.আই.টি মসজিদ মার্কেট, নারায়ণগঞ্জ, মোবা : ০১৯১৫০১৯০৫৬
- আহসান পাবলিকেশন্স, কম্পিউটার মার্কেট নিচতলা, বাংলা বাজার, মোবা : ০১৭২৮১১২২০০
- মমিন লাইব্রেরী, ব্যাংক কোলনী, সাভার, ঢাকা, ০১৯৮১৪৬৮০৫৩
- Good World লাইব্রেরী, ৪০৭/এ খিলগাঁও চৌরাস্তা, ঢাকা-১২১৯ মোবাইল : ০১৮৪৫১৬৩৮৭৫
- ইসলামিয়া লাইব্রেরী, স্টেশন রোড, নরসিংদী, মোবাইল : ০১৯১৩১৮৮৯০২
- প্রফেসর'স পাবলিকেশন্স, কম্পিউটার মার্কেট, বাংলাবাজার, ঢাকা মোবাইল : ০১৭১১১৮৫৮৬
- কাটাবন বইঘর, কাটাবন মোড়, মসজিদ মার্কেট, শাহাবাগ, ঢাকা মোবাইল : ০১৭১১৫৮৩৪৩১
- আল-মারুফ পাবলিকেশন্স, মসজিদ মার্কেট, কাটাবন মোড়, শাহাবাগ, ঢাকা। মোবাইল : ০১৭৫৭৫৩৮৬০৩, ০১৯৭১৮১৪১৬৪
- আজমাইন পাবলিকেশন্স, মসজিদ মার্কেট, কাটাবন মোড়, শাহাবাগ, ঢাকা। মোবাইল : ০১৭৫০০৩৬৭৯৩
- আল-মদীনা লাইব্রেরী, ইসলামীয়া মার্কেট, নীলক্ষেত, ঢাকা। মোবাইল : ০১৫৩৭১৬১৬৮৫
- দিশারী বুক হাউস, ইসলামীয়া মার্কেট, নীলক্ষেত, ঢাকা। মোবাইল : ০১৮২২১৫৮৪৪০
- আল-ফাতাহ লাইব্রেরী, ইসলামীয়া মার্কেট, নীলক্ষেত, ঢাকা। মোবাইল : ০১৭৮৯৫২০৪৮৪
- আলম বুকস, শাহ জালাল মার্কেট, নীলক্ষেত, ঢাকা। মোবাইল : ০১৭৬০৬৮৪৪৭৬

- কলরব প্রকাশনী, ৩৪, উত্তরবুক হল রোড, ২য় তলা, বাংলা বাজার, ঢাকা। মোবাইল : ০১৭৫০০৩৬৭৯২
- ফাইভ স্টার লাইব্রেরী এন্ড স্টেশনারী, ৩১৪ মীর হাজিরবাগ, মিল্লাত মাদ্রাসা গেট, যাত্রাবাড়ী, ঢাকা। মোবাইল : ০১৭১২০৪২৩৮০
- আহসান পাবলিকেশন, ওয়ারলেছ মোড়, বড়ো মগবাজার, ঢাকা। মোবাইল : ০১৮৬৬৬৭৯১১০
- বি এম এমদাদিয়া লাইব্রেরী, পূর্ব গেইট, বায়তুল মুকাররম, ঢাকা। মোবাইল : ০১৯১২৬৪১৫৬২
- দারুল তাজকিয়া, পূর্ব গেইট, বায়তুল মুকাররম, ঢাকা। মোবাইল : ০১৫৩১২০৩১২৮, ০১৭১২৬০৪০৭০
- মাকতাবাতুল আইমান, পূর্ব গেইট, বায়তুল মুকাররম, ঢাকা। মোবাইল : ০১৯১৮৮৫৫৬৯৭
- আস-সাইদ পাবলিকেশন, পূর্ব গেইট, বায়তুল মুকাররম, ঢাকা। মোবাইল : ০১৮৭৯৬৩৭৬০৫

❖ চট্টগ্রাম

- আজাদ বুকস্, ১৯, শাহী জামে মসজিদ, আন্দরকিল্লা, চট্টগ্রাম মোবা : ০১৮১৭৭০৮৩০২, ০১৮২২২৩৪৮৩৩
- ফয়েজ বুকস, শাহী জামে মসজিদ, আন্দরকিল্লা, চট্টগ্রাম মোবা : ০১৮১৪৪৬৬৭৭২
- আমিন বুকস সোসাইটি, শাহী জামে মসজিদ, আন্দরকিল্লা, চট্টগ্রাম মোবা : ০১৯১৯২২৪৭৭৮
- নোয়া ফার্মা, নোয়াখালী, মোবাইল : ০১৭১৬২৬৭২২২৪
- ভাই ভাই লাইব্রেরী এন্ড স্টেশনারী, স্টেশন রোড, চৌমুহনী, নোয়াখালী, মোবাইল : ০১৮১৮১৭৭৩১৮
- আদর্শ লাইব্রেরী এডুকেশন মিডিয়া, মিজান রোড, ফেনী মোবাইল : ০১৮১৯৬০৭১৭০
- ইসলামিয়া লাইব্রেরী, ইসলামিয়া মার্কেট, লাকসাম, কুমিল্লা, মোবাইল : ০১৭২০৫৭৯৩৭৪
- আদর্শ লাইব্রেরী, দেবিদ্বার, কুমিল্লা, মোবাইল : ০১৮৬২৬৭২০৭০
- ফয়জিয়া লাইব্রেরী, সেকান্দর ম্যানশন, মোঘলটুলি, কুমিল্লা, মোবাইল : ০১৭১৫৯৮৮৯০৯
- মোহাম্মাদিয়া লাইব্রেরী, নতুন বাজার, চাঁদপুর, মোবা : ০১৮১৩৫১১১৯৪

❖ রাজশাহী

- ইসলামিয়া লাইব্রেরী, সাহেব বাজার, রাজশাহী
মোবা : ০১৫৫৪-৪৮৩১৯৩, ০১৭১৫-০৯৪০৭৭
- আদর্শ লাইব্রেরী, বড়ো মসজিদ লেন, বগুড়া,
মোবা : ০১৭১৮-৪০৮২৬৯
- ইসলামিয়া লাইব্রেরী, কমেলা সুপার মার্কেট, আলাইপুর, নাটোর
মোবাইল ০১৯২-৬১৭৫২৯৭
- আল বারাকাহ লাইব্রেরী, বেলকুচি, সিরাজগঞ্জ, ০১৭৯৩-২০৩৬৫২

❖ খুলনা

- তাজ লাইব্রেরী, হেলাতলা মসজিদ মার্কেট, খুলনা। ০১৭২৪-৮৪৩২৮৩
- ছালেহিয়া লাইব্রেরী, হেলাতলা মসজিদ মার্কেট, খুলনা,
মোবাইল : ০১৭১১২১৭২৮৮
- হেলাল বুক ডিপো, ভৈরব চত্বর, দড়াটানা, যশোর। ০১৭১১-৩২৪৭৮২
- এটসেটরা বুক ব্যাংক, মাগলানা ভাষানী সড়ক, বিনাইদহ।
মোবাইল : ০১৯১৬-৪৯৮৪৯৯
- আরাফাত লাইব্রেরী, মিশন স্কুলের সামনে, কুষ্টিয়া, ০১৭১২-০৬৩২১৮
- আশরাফিয়া লাইব্রেরী, এম. আর. রোড, সরকারী বালিকা বিদ্যালয় গেট,
মাগুরা। মোবাইল : ০১৯১১৬০৫২১৪

❖ সিলেট

- সুলতানিয়া লাইব্রেরী, টাউন হল রোড, হবিগঞ্জ, ০১৭৮০৮৩১২০৯
- পাঞ্জেরী লাইব্রেরী এন্ড স্টেশনারী, ৭৭/৭৮ পৌর মার্কেট, সুনামগঞ্জ
মোবাইল : ০১৭২৫৭২৭০৭৮
- কুদরতিয়া লাইব্রেরী, সিলেট রোড, সিরাজ শপিং সেন্টার,
মৌলভীবাজার, মোবাইল : ০১৭১৬৭৪৯৮০০
- বই ঘর, মৌলভীবাজার, মোবাইল : ০১৭১৩৮৬৪২০৮

